

652
Б-681



1985

БАЙЛЫК КҮС



Хромов В. Монгол күйү

БАЙЛЫК КҮС


Литературно-кееркемел жуунты

ательствозынын
и · 1985

С62 (Алт.)

Б — 681

448607



Б 681 **Благодатная осень.** Литературно-художественный сборник. — Горно-Алтайск: Горно-Алтайское отделение Алтайского книжного издательства, 1985. — 132 с.

Бу жуунтыга кирген материалдарда эмдиги бйдинг некелтелери ле жадын-журумдеги учурап турган солундар керегинде айдылат. А. Тыдыковтын чбрчбгин, К. Тепуковтын балдарга бичиген улгерлерин, анчада ла И. Шодоевтин, Б. Самыковтын, Т. Шинжининг ле В. Эдоковтын статьяларын ла бскб дб авторлордын чумдемелдерин кычырачы соныркап кычырар.

Б $\frac{4701000000 - 020}{M 138 (03) 85}$ 78 — 85

© Горно-Алтайское отделение Алтайского книжного издательства, 1985

Аракыдашты ла алкоголизмди јоголторына учурлап, партиянын ла башкарунын бу јуукта чыгарган јөртөрүн Туулу Алятайдын эл-јоны бастыра совет албатыла кожо сүрекеј јарадып, оны јүрүмде бүдүрер керекте эрчимдү туружар күүн-табын көргүзип турулар.

Кижинин јүрүмине јеткерлү ле түбектү, совет обшествонын јан-жыгуларына бир де ајарузы јок, ого сүреен јаан ачаанын јетирип турган аракыдашты ла алкоголизмди јоголторына учурлалган өрөги ай-дылган јөптөр јүрүмде ийде-күч алынган өйдөн, јартап айтса, быжыл баштапкы июньнен ала бистин областьтын ончо хозяйстволорында, учреждениелеринде, обшественный ла творческий организацияларында бу социально каршулу түбекке — аракыдашка ла алкоголизмге удурлаштырган эрчимдү иштер башталган.

Быжыл 19 июньда өткөн областной партийно-хозяйственный активтин јууны јербойларында өткүрилип турган иштердин бир кезек једимдерин темдектейле, аракыдашка ла алкоголизмге удурлаштыра башталган иштерди ончо јерлерде кезем эрчимделтерин јербойларындагы партийный, советский, хозяйственный, комсомольский ле профсоюзный организацияларда тынгытсын деп некеген. Аракыдашты ла алкоголизмди јоголторына учурлай идеологический учреждениелер, газеттер, радио, кино, «Билгирлердин» обшествозы, творческий союзтар элбек пропагандистский иштер өткүрип, аракыдаштын ла алкоголизмнин эл-јонго, обшественный јүрүмге, орооннын экономиказына, улустын күүн-санаазына ла јүрүмине эмдиги ле келер јаш үйеге јетирип турган ачаанду ла түбектү каршуларын чоком ла јарт темдектерле улуска лаптап јартаары кыйалта јоктон бүдүретен керектер болуп јат.

Аракыдашты ла алкоголизмди јоголторына учурлалган иштерде анчада ла бистин алтай јурттарда эдетен керектер ас эмес. Эң ле озо аракыдаштын ла алкоголизмнин тазылдарынын бир төзөлгөзи болуп турган алтай кудалашты токтодоры. Эмдиги јаны өй, јаны үйе јүрүмнин јаны ээжилерин некеп јат. Калганчы јылдарда алтай јурттарда јаны өйгө, јаны үйеге јарамыкту јаны ээжилерди јүрүмде төзөп көндүктирер сурактарга јербойларындагы партийный, советский, комсомольский, профсоюзный ле хозяйственный башкараачылар ајаруны ас-татканынан улам алтай јурттарда 30—40 айылга куда кудалайтан, эки-үч той эдетен «јанжыгу» табылган. Бу керек алтай ада-өбөкөнин ээжи-зи ле јанжыгузы эмес, аракызактардын тапкан баштапкайы деп ай-дар керек. Бу сурак јанынан Кан-Оозы райондо Экинур, Ондой райондо Кулады јурттардын улузынын текши јуундарында јарадып алган јөптөринде кудалашты токтодоры, тойды ада-энелер эп-јөплө кожо өткүрер, тойды башкарап керекте јурт Советтен, профсоюзтан, хозяйст-

вонин башкартузынан чыгартулу улус туружары, тойдо аракыдаш болбозы, той улустын ыргалду ла ырысту байрамы аясту өткүрилери ле өскө дө көп тузалу шүүлтелер айдылган.

Той — ол эл-жонго жаңы биле кожулып жатканынын байрамы — культурный амыралталу ыргалы. Бу жебрен өйдөн ала төзөлгөн жаңыгу. Ле кажы ла үйе, общество бойынын өйинин жүрүмине, моральный ээжизине жарамыкту ла тузалу жаңыгулар кожуп жат. Бистин өй — ол тын өзүмдү социализминин обществозынын өйи. Анайдарда, ада-өбөкөннин баштаган жаңыгуларынын бистин жүрүмге тузалузын, жарамыктузын тузаланар, эскирип-артаганын таштаар, онын ордына бүгүнгө өйгө лө жүрүмге жарамыкту ээжилерди ле жаңыгуларды элбеде тузаланар некелте көдүрилип жат. Бу керек культурно-просветительный учреждениелердин ишчилеринин эн төс учурлу ижи боло белгенин бу учреждениелердин башкараачылары чокым билер учурлу.

Тойды аракыдаш ла өткүрөтенин чек токтодоло, оны улустын ыргалду байрамы, сүүнчилү амыралтазы эдип өткүрер өй башталар учурлу. Тойдо жаңы биле төзөп жаткан иит улусты, оморды ада-энелерин мактаган, оморго ырыс, сүүнчи, — жедимдер күүнзеген уткалу кожондор ыңгыраар, эт-балтырлардан тудужар, бел-көгүстерин казыжар бөкөлөрдүн күрежи, канатталып жүгүрөтөн жүгүрүктердин, секирип калыптан чекчилдердин маргаандары болор ло көндүгөр аргалу. Айылду болуп жаткан ииттерге жаан жаштулардын алкыжы, жамылулардын уткуулду ла күндүлү сөстөри база угулар. Тойдын учы жүгүрүк, жешишкер жорго ло базыткыр аттардын жарыжыла божозо жакшы.

Жаңы айылга эмезе жаңы квартирага жаңы келинди эзелетен ада-өбөкөнни ээжизи бийте теп-тегин туура ташталган. Азыйда келинге эн жакшы кийим кийдирип, оны эн жакшы чүмделген ээр-үйгендү атка атандырып, бир канча седег келиндер атту көдөчилеп, той башталар алдында озо баштап «жаан айылга», омон «кичинек айылга» эзелетендер. Эмди де бу сүрлү ээжини жаңырта тузаланар арга бар. Эмди кажы ла журтта жеңил жорыкту автомобильдер, мотоциклдер көп, оны тузаланар керек. Мен мында жүк ле тоолу башталгалар жанынан айттым. Бу той деп мени жаңырта төзөйтөнинде жербойлорындагы культурный учреждениелердин, комсомолдын ла профсоюзтын ишчилери, үредүчилер, партийный ла хозяйственный башкараачылар эрчимдү туружар учурлу. Оны омор төзөп башкарбаза кем эдер? Бу жаан учурлу общественный керекти эмди жаңыс ла ада-энелерге молжобой, өрөги адалган общественность бойлорынын колына алып, аайлу-башту төзөп өткүрер керек.

Бистин эл-жондо аракыдаштын база бир уйазы болуп турган неме — ол жада калган кижинин сөбгин жуурыла колбулу. Озогы өйдө ада-өбөкөбистин жаңыжыккан ээжизинде кижинин сөбгин жууры аракыла бир де колбу жок болгон. Жада калган кижинин сөбгин төрөөндөри, көрүш-таныштары жууп койоло, эске алынышты төп эрмек-куучынла өткүрөтөн эди. Калганчы жылдарда өлгөн кижинин сөбгин жууры ла

онын күндерин темдектеери аракы жогынан болбос боло бергени эш-немеге жарабас, бир де тузазы жок, ачаанду керек болуп жат. Мен бодо-зом, кижн өлгөннн аракыдашту «жыргал» эдетеннн бистнн жүрүмннн чек жоголтып койор керек.

Бистнн бу өйднн кижнн — ол иштнн кижнн. Ол бойыннн ийде-күчнн ле билернн советскнй обществонн өскүрнп тыгыдарына берген кижн. Андый кижн жада калган болзо, оны калганчы жолына үдежерн — ол бүткүл коллективтнн, андагы партнйнын, профсоюзнын ла комсомольскнй организациялардын аайлу-башту өткүретен керегн.

Аракыдаштын ла алкоголизмннн көйлөгөн өскө шылтактары жа-нынн айтпай жадым. Олорды тоолобозо до, олор токтодылып жоголтыла-рыннда аланзу жок. Неннн учун десе, бүгүнгн ада-энелер, ак-чек са-наалу ла жакшы күүн-тапту кажы ла кижн бистнн бүгүнгн ле келер өйдөгн жнт үйелерннн эрүүл ле су-кадык жүрүмдү болзын деп акту жү-ректернннн күүнзеп жат. Олор жангыс ла күүнзеп турган эмес, олор эрү-үл ле су-кадык жүрүм учун-жаан тартыжуга көдүрнлди. Бу тартыжунннн төс амадузы аракыдашты ла алкоголизмдн жнт үйеге энчн эднп арт-тырбазы, бу түбектү ле каршулу аракыдашты ла алкоголизмдн бис-тнн обществонннн жүрүмннннн чек жоголторы болуп жат.

И. В. ШОДОЕВ

КАСПАНЫҢ ЈЕДИКПЕС-ТУАКТАРЫ

Эмдиги эрадаг канча чак озо болгон јебрен Грециядан келген мындый кеп-куучын бар. Бир Сизиф деп кижн бастыра јүрүмине јаан болчок ташты бийик кырга чыгара тоголодып ла ойто түжүре тоголодып иштеген болтыр. Ол түште амыры јок, түнде уйкузы јок, өлөрдннг өлгөнчө лө иштеген. Бир де кичинек тузазы јок јүүлгексү иштинг темдеги андый.

Ол баштапкы Сизифтег бери бүгүнгн күнге јетире ума јок көп ой өткөн. Согында јүрген сизифтердннг сагыжы эмештен кожулып та турган болзо, је бойынын керектерин ле ижин де керектебей ундып турган туш болгон. Бойыгар да бодозоор: ондый эш-кереги јок күч чыгарыш кемге тузалу? Је эмдиги өйдө каа-јаада сизифтердннг ижи ајаруга алына берет ошкош. Наука ла техниканын, иш башкаратан жагы эп-сүмелердннг шылтузында, ижи чек санг башка: кижн качан да сананбаган жагы тебү алынат. Је ондый да болзо, онын төс учуры бир де кичинек кубулбай јат. Ол кайда да, кемге де, неге де тузазы јок болор учурлу.

Темдектеп алза, бир сизиф ташты кырдын тал-ортозына јетире чыгарар, экинчизи — бажына, үчинчизи дезе ойто түжүреле, баштапкызына табыштырар. Онойып эстафета чылап өрө-төмөн тоолоткылаар. Кажызы ла кажы ла катап жагы таш тоолодып јадым деп бодоор. Тузалу керек бүдүрип турум деп чырмайар.

Бу јүк ле чөрчөк айасту кире сөс.

А јүрүмде дезе мындый учуралдар болуп јат.

Јурт јерде өзүп чыдаган кижини бир де тузазы јок иш эттиртетени коркышту күч неме. Је эттирткилеп јат, јамылунын јакарузыла, көк албанла.

Бир канча јыл мынанг озо «Семинский» совхозтынг јаандары Каспадагы уйлардын бир дворын јемиреле, өскө јерге көчүрер деп шүүлте эткилеген. Бу шүүлтени уккан јурттынг улузы адарунын уйазындык күүлежип чыккан. Теп ле тегин бир де тузазы јок, јербойынынг улузынынг јөби јогынанг мындый серемјилү керек баштаарын улустынг кайкаары да јолду. Ого үзеери ол дворды јурт төөн көчүрер дешкен эмитир. Улустынг комыдалы инстанциялар сайын јорыктап, областька једип турганча, јаандар тууразынанг бригаданы јалдап, двор көчүрер ишти көндүктирип ийген. Јербойынынг строительдери мындый иш бүдүреринен јыга мойногон.

Двор эки жылга көчүрилген, тудулган, жанына бир мунг эки жүс тонна жуукту азырал баткадый оро-траншея казылган, ичи бетондолгон. Онойып турганча мегдей-шингей жалдап туттурган двор жемирилген. Оны ойто тургузар иш база эки жылга улалган. Чыгымнын үстине база бир чыгым. Тен бир де кичинек тузазы жогынап.

Нениг учун дезде, чындык Сизифтин ижи шак ла мындый болотон учурлу.

Арай-керейден двор бүткен, жүк ле төртинчи жылында, чынынча болзо төртинчи жылы түгенип жадарда. Бу ла тушта жаңы солынган дирекция жазап отурала шүүнип көрөр болзо, бу бастыра ал-камык иш, көчүриш, оро-траншея тудуш — үзези эш-кереги жок темей керек болгон болуптыр.

Бу оро до болзо, же жакшы шүүлтени ээчиде мындый неме айдар күүним бар. Жастырганы — ол жүк ле жарым түбек, чын түбек — ол ло жастыранын жолыла ишти иштеп, жүрүмди жүрүп көндүгө бергени. Бу сөскө шылтай бир мунг эки жүс тонна жуукту азырал баткадый оро-траншея керегинде.

Бу ороны толтыра салатан өлөннин жалаңы элбек те, жаан да. Оны эбиреде алты-жети кире уйлар ла койлордын кыштулары. Бу жаан жаланды бөлий-бөлий суучактар агып жат, оlorдын жараттарын кыйкай чибилү аралдар ла кайыгду төргиндер өзүп калган, онын учун бу жаан жаланды беш-алты жаан эмес жаландар да деп айтса, жастыра болбос. Бир 10—15 жыл мынанг озо, өлөн белетеш көп сабазы колдын күчиле иштелип турар тушта, силосты ба айса сенажты ба кажы ла кыштуга канча ла кире жуук оролоорго амадагылайтан. Онын да учун, байла, кажы ла кышту кырларга да, одорлорго до келиштире тудулган ошкош. Онын учун малчы кижиге кыжыла өлөн-чөпкө канча кире жеңил-те болотон.

Же эмди техника ла механизациянын өйи. Жүк ле Каспанын фермазынын машина-тракторлары калганчы он жылдын туркунына үч катапка көптөгөн. Олор күзиле журттын жалаңында орого ончо жаландардан жажыл өлөн чаап тартып жат, а кыжыла дезде ойто ло ол жаландардын эдегинде турган кыштуларга. Кандый бир трактор сынып калза, мал канча күнге куру. Кезик учуралда кажы бир жылда орогогы азырал үзе тартылбай да калар.

Атту-чуулу Сизифтин ижине түңгей ле мындый иштин адаанын совхозтын баш специалисттери алган: «Оро канча ла кире жаан болзо, ого салынган жуукту азыралдын королтозы анча ла кире ас, чындыйы да бийик болор» дежет. Баштап тарыйын мындый шылтактарга удурани де айдып болбозын, үзези чын ла ошкош. Же экинчи келтейинен жуукту азыралдын чындыйы оны канча ла кире түрген оролоп, туй бектегенинен камаанду. Ол керегинде журт хозияствонун специалисттерине керектү жаңы чыккан справочниктеринде база бар. Темдектезе, силос ло сенажты белетееринин өйи, көп лө салза, эки-үч күн, кеми 150 тоннадаң ала 250 тоннага жетире. А аштын сенажын (монокормды)

жүк ле бир күннинг туркунына салып бектеп койор керек, онын учун онын кемин 100 тоннадан өткүрбей жадылар. А бис десе бойыбыстын «атту-чуулу оробысты» жарым айга чыгара арайдан толтырып бүдүредис. Онын кийинде кыжыла турлулар сайын тартып, канча кирези тогырып жадыс. Кажы ла ары-бери тартыш, өрө-төмөн коштош — ол тегин эмес, ол түнгей ле чыгым.

Je жүрүм коркышту өчөш лө кедер неме. Ол кандый да болзо, je чындык керекти бойынын жолына кийдирип алар. Былтырдаг бери сенажтар эски ороларына эки кыштунын жанына салынган. Быжыл десе өскө дө кыштулардын жанындагы оролорды орныктырып жазаар дежиپ пландагылап жадылар.

Калганчы өткөн жылдыг туркунына совхозтын да, ферманын да жаандары база катап солынгылады. Je көрүп турар болзо, Каспанын сизифтеринин жол чичкерип турганы эм тургуза билдирбейт.

Былтыргы жылда Каспанын албаты театры, областыгын сок жагыс самодетельный алтай театры, Улаган дөөн гастрольго барып келерге кыжыла белетенген. Буудак болгодый ончо шылтактар ажындыра канча ай озо шүүжилген. Агашпромхозтын да, геологтордын да, совхозтын да жаандары театрда туружып турган ишмекчилерине ажындыра иштеп койзо, беш күннен отгул берерине жөпсингилеген. Je калганчы ла өйлөрдө «Семинский» совхозтын директоры бойынын сөзинен мойноп, ол гастрольды үзүп салды. Өлгөн ижине белетенишке буудак болор дейле, жети кижиге ажындыра иштеп койгон отгулын бербей мойноп ийген. Ол ло шылтагыла жылдын сайын өдүп, жанжыгып калган малчынын байрамын да токтодып салган. Керек десе, улустын да ары-бери жорыктажын токтодорго умзанган. Мындый «белетеништердин» шылтузында каспалар чөлдөн салам пресстегилеген. Мынан озо бистин сизифтерде мындый солун «ченемел» жок болгон.

Быжылгы жылда Каспанын фермазында төрөйтөн койлорго бир типовой двор тудулар. Тууразы 40, сыны 100 метр. Оны тудатан строительдердин сөзиле болзо, мындый двор бисте качан да тудулбаган. Бу да солун керектен бистин сизифтерис туура калбаган. Кошараны тудатан жер — төрт-беш жыл мынан озо канча мунг акча чыгарып, агашташтан арчыган кыра. Эмди де бу тудулатан кошарага кыштайтан койлор жае-күс кыралардын тепседижин бергилеп жат. Ол жанынан канча кире табыш, акттар тургузыш, je койчыны канайып та албазыг, онын артык кабырар жери жок, эбире кыра. Өткөн жылда Таш-Учы деп кыштуны эбиреле агаш-тажын арчыдып, кыралап салганыс. Эмди десе ол тепседештин ады «культурный одор» деп адалып жат. Каспанын фермазы 20 мунгга жуук гектар жер тузаланып жат, а кыралары десе жүк ле 800 гектар, айдарда «культурный одорлорго» арай эрте эмес пе? Айса тен жерлик те одорлор жетпей барган ба? Сизифтер озочыл эп-сүмеге база коркышту сескир улус ине.

Эмди ойто ло ол жагы тудулатан кошара керегинде. Куучындар көп болгон, табыштар база. Учы-учында совхозтын директоры: «Кошарды

тударын түней ле тударыс, сонгында јастыра тудулганы јартала берзе, бузала, өскө јерге көчүрип саларыс» — деген. Чын, көчүрип те албай а. Каспанын сизифтери ондый иштер бүдүрерге темигип калган эмей. Айла көчүргөдй јерлер де көп. Быыл ла аймактын мелиораторлоры Каспада 90 гектар јердин ағаш-тажын арчыгылаар.

15—20 јыл мынан озо Каспада жүзүн-базын эксперименттер эдилп башталган. Эксперименттер — ол кандый ла солун јангыртулардын башталгазы. Ондый эмес деп кем де сөс блаашпас. Ичкери элбеп, теренжип өзөтөн мөңкүлик жүрүмнин төс ээжизи андый. Каспанын жүрүминде башталган эксперименттердин аттары башка-башка болгон: «укрупнение», «специализация» ла ошон до өскөлөри. Баштапкы ла эксперименттин шылтузында хозяйствонун чодынан адарулар јылыган. 100 кире колодо адару бир түн кышкыда изи де јок болуп јылыгып калды. Ол ненин өзүмине чаптыгын јетирген — эмдиге кем де билбес, онын кийнинде сарлыктар барган. Је олорды кышкыда обоолор үрөп туру дешкен. Эмдиге ле кезик улус обоолор үрегени учун этке сарлыктарды эмес, сарлыкчыларды аткараар керек болгон дежет, кезиги, карын, барганы јакшы, карын, база бир санааркаштан айрылдыс, ижис те јенилди дежет. Ошон озо ошон күч иштен айрылганда, сарлык неме бедил. Ал-камыктын ижи, ар-түмөн өлөн-чөптин јимеги — 200 кире саар уйларды подсоско көчүрип саларыста, сарлык ого көрө баланын ойыны болуп билдирбей база. Уй саары токтоордо, јаандар канча кирелү сүүнгиледи не? Олордын ижи, байла, тал-ортого јениле берген болор. Је, чындап та, андый болгон. Јаантайын једишпейтен улустын колы эмди артыгынча, јаантайын једишпейтен азырал эмди, байла, једжер болбой. Эмди јаныс ла төс ууламјы — эчки ле кой. Чыгым ас, кирелтези көп. Баштап тарыйын чындап та андый болгон. Иштеер улус та көптөй берген, је азырал канайып једишпеген, андый айалгазында артып калды. Саап турган уйларды јоголтып салган эмес, олорды жүк ле саарын токтоткылаган. Айдарда, текши малдын тоозы кандый болгон, андый ла артып калган. Јагыс ла иштеп алып турган продукциянын бир бүдүми јылыган.

Тоолу ла јылдар өткөн, је саыган кирелтелердин ордына саыбаган чыгымдар келген. Иштейтен улустын тоозы тын једишпей барган. Саайтан уйларды токтотконыла кожо үй улустын ижи база кезем астаган. Школды божоткон јииттерге, анчада ла кыстарга, городтон ол эмезе өскө јерлерден бойларына јарагадый иштер бедреерге келижет. Мындый шылтактардын база бир јаны — ол јииттердин јаны билелер төзөйтөни астаганы, оныла кожо јаш балдардын тоозы база. Мынан улам детсад јабылган. Школдын үренчиктеринин тоозы база астап баштаган.

Эмдиги өйдө јурт јердин хозяйствозын наука, техника ла механизация чек јангыртып салган. Онын учун темирле колбулу ончо иштер эр улустын колында — ол онойып чактан чакка јангыгып келген, оны јагыс күнге түзедип болбозын. А кандый ла јуртка ак-чек, су-кадык, ырыс-

ту жүрүмге, кайда да болзо, качан да болзо, эр ле үй улустын түңгей тоозу керек. Ол ээжиден канайып та кыйып болбозың. Жүрүм жүрерге ама даган обществонун тбзбгбзи андый. Хозяйствонунг өзүмин шүүрде, байла, озо ло баштап оноң алатан жеңил баалу кирелтени кичееп пландап жадыс. Же ол кирелте кемге керек? Жонго. Ол кирелтеден улам жоннын өзүми чучурайтан учуры бар ба, жок по? Социализминин өткбн жолы да, онын үредүзи де ол суракка «эйе» деп каруу бербей жат.

Же жүрүм жаңыс жерде кандый да айалгада турбай жат. Онын ичкерлежи сезифтерден камаанду эмес. Каспа түңей ле араайынаң элбеп, өңжип жат. Каспада жаңыс ла совхоз эмес — мында агашпромхозтын участогы, геологтор. Төрблiske беретен продукциябыс эмештен де болзо, көптбп лб жат. Сизифтер эмес болзо, оноң до көпти берер эдибис. Тургуза өйдб чучурап, чаксырай бергенис — ол жүк ле удурум тыныш алыныш деп айдар керек.

Же андый да болзо, сизифтердин жетирген каршузы жаан, мен жүк ле көскб илинип турар, акчаның баазыла кемжип ийгедий чыгымдарды темдектегем.

Канча жылга айткан сөзин ајаруга албаста, чбкбнгбн күүн-санаалардын, калас иштерден улам јалыраган дисциплинаның, оноң улам күүүнштердин, коптоштордын, адаркаштардын чыгымын кандый баала кемјиир. Ол чыгымдардын салтары кажы ла кижинин канына, көрмбс чилеп, кирип калган. Оны кандый аргала жоголтор, чыгарар?

Жүрүм оморды чыгарып салар, качан бир түңей ле.

Же качан?

Эртен-сонзын ба?

Айса, јирме-одус жылдан ба?

«Семинский» совхозтын жаңы солынган жаандары саайтан уйлардын фермазын да, сарлыктарды да, сонгында адаруны да ойто орныктырарыс деп айдышкылайт. Ондый баштаңкайга жаңыс ла колчабып жадыс. Же эм тургуза керек куучындардан брб жер алгалак. Баштап тарыйын онызы да јакшы.

Жаңыс ла ойто ончозын орныктырарга арга-күч жеткей не? Айса база ла сизифтердин жеми болуп калар ба?

Ат тибирти торгылып
Ак кумакта ис артат.
Чыгып јаткан кўн чогы
Чел булутты кызартат.

ЈАЛТАНБАС ЈОРЫҚЧЫЛАР

Чөлдө кыш, корон соок
Салкын ачынып огырат.
Жорык жүрген улустын
Жолын јалмап сыгырат.
Јааган кардаг тош үстин
Јалмайт салкын кижидий,
Јабыста кўннинг чогына
Јалтырайт Чуйым кўскүдий.
Төөлөр өлөг жүктенген
Кечип болбой тургулайт.
Таказы јок аттулар
Тайкылып јолдог тескерлейт.
Эртедег жүрүп таскаган
Эрлер мында тур калбайт.
Эдекле тажып кумактан
Эптү, тайкылбас јол јазайт.
Тиркей баскан төөлөрдиг
Буттары тең алталат,
Чөл баатырлары кийиненг
Јаңыс ла истер арт калат.
Салкын ачу калактап
Јаңысқан чөлдө айланат,
Төөлөр талайда керептий,
Ыраакта-ыраакта карарат.

УНДЫБА

«Ундыбас» деп чечек бар,
Узеле, төжинге тагайын.
Узун јолго үйдежин,
Удура көрүп айдайын:
— Улу Алтайдыг кеен чўмин
Уужабай, јазап алып жүр.
Уул сўўжининг темдегин
Ус колыгла сыймап жүр.
Уур сыстатпай жүректи

Мангынды жолдо токтодып,
Маарап кайттың, кўжүрим.
Таш кырына тебинип
Талбайып калган не турун?
Баштапкы уурга учурап,
Аланзып мында калдың ба?
Айса кандый солундар
Ачыла берди алдыга?
«Ол турган кўн ине,
Оңдобойдың ба, уулагым.
Көк ынаарда кенен туулар
Алтай ине, уулагым».

Гүзел Елемова

ПОЛОНЕЗ

К. Төлөсовко

Таңдарды адырып,
Түгөйим кайкагам,
Талтардың кожонгын
Эмдиге укпагам.

Чайлардың бијезин
Көргөн кижин бар,
Чайкалган жүрүмди
Кемјиген эрлер бар.

Керексип кичеер
Менде эје жок,
Карузып сакыыр
Менде сыйын жок.

Оскүстин бууры
Өнгүре качан да,
Түгенген журттын
Түндүгү карангуй.

Јаан да суулар
Тайзап соолор,
Кичинек те суучак
Талайга кирер.

Билгир јорыкчы
Јол алар,
Соқор көөркий
Қайда барар?

Таңкынын ыжынын
Ачузын билетем,
Тапту жоруктын
Быжузын сезетем.

Таңдарды адырып
Түңгейин кайкагам,
Талтардын кожоңын
Эмдиге укпагам.

Ээн оромло
Jaңгыскан баскам,
Jaңгыскан түндерде
Ыйлагам, каткыргам.

Jaаштын суузын
Очөжиш чачылткам,
Балкашту јодомды
Јунбай уйуктагам.

Кемге керек ол —
Кем ижемјизин јылыйтканы.
Кемге керек ол —
Кем амадузынан асканы.

Бай чололу көжөгөлөрлү
Көзниктөр ары јанында
Ырыс, байла, белең-белең,
Балдар дезе чыккан бойыла

Бастыра ээжилерди
Билетен болор,
Кожондор, үлгерлер
Айдатан болор...

Кызыл көстү күртүк бар,
Кызыл көзин көрбөдим,
Кызылып жүрер өйлөр бар,
Кыстадып ачузын айтпазым.

Кыскылтым туунын бажынан
Кызарып араай күн турар,
Кызыл көстү күртүктер
Күрттин алдынан чыккылаар.

Күүгей таайдын кожоңын
Күч тужында айдарым,

Сүрнүккен чайдын бијезин,
Билбес те болзом, мактаарым.

Качан буру алынзам,
Јуук улусты сат салзам,
Сан ла башка сайыркаарым,
Салган ашты талдаарым.

Эмди тура көрүжим чике,
Эмди тура јолым чичке,
Эмди тура үлгерим ныкта,
Эмди тура мандайым јука.

Танкынын ыжынын
Ачужын билерим,
Такып јорыктар
Темейин ченеерим.

АЛТАЙ

П. Самыкка, А. Адаровко

Рерих өдөлө, кайкап јурап,
Јажыдын бедреп таппаган Алтай.
Хемингуэй јорыктап келерге суранып,
Једин болбогон амаду — Алтай.
«Күмүш өзөктөр сүрекеј јакшынак...» — деп,
Күйүнип бичиген Радлов кайда?
Тыны ла каны Алтайла тудуш,
Је бурулу сүүштү Гуркин кайда?
Шакпыртту јүрүмнен јажына ырап,
Алтайдын үстиле учкулап јүргүлейт не?
Адаларынын сүнезиле эмди биригип,
Кандый кожондор чүмдейт не Лазарь?
Јууда јыгылган алтай эрлердин
Сүнелери ончозы Алтайга јетти не?
Јажып билбес бу кату калыктын,
Алтайыс... дешсе, ыйы не келет не?
Очөш, тескерп кылыкту јиттери
«Алтайыс!...» дежип, неге сүүнгилейт не?
Карый берген энелер, адалар
Сөök салар јерин озодонг не шүүйт не?
Оскө јерде өлгөн кижиге
Јажына кунугып незин килежет не?
Ненин учун Алтайдан ыраарынаг

448607

Јаш балдардый ончозы коркот не?
Энезинин эдегинен тудунгандый,
«Алтайым!» — дежип, салбай тургулайт не?
Јеткилеп болбос сүүжине
Јендиртип салган калык па?
Кул болгылап сүүжиске,
Кенеп калдыс эмеш пе?
Сергек сүүштү ойгорлор
Ойгонголок эмес пе?

Јыман Белеков

КҮРЕЕЛЕЙ КОЖОННЫҢ КУУЛЕРИ

Одым


Агару одым, күйзенг, күйзенг,
Ак сүт сеге амзадайын.
Јаркынын берип күйзенг, күйзенг,
Јагарлап сени мактайын.

Күн билдирлү күмүш чоғын
Күр-көксимди жылытсын.
Арчын јытту кеен јалбыш
Амаду јолым јарытсын.

Эртен тура

Ак сүмерлер алдында
Артылыптыр куу туман.
Арка-туулар тандакта
Араайынан тым турган.

Ал-санаада бу бйдө
Ап-ару, кандый кен!
Јүрегинде јаш ийде,
Јүрүм учы јок кеен!



Борис Самыковко

Кандык айдын он бежинчи
күнинде бичилген үлгер. Жыл-
дын сайын бу кирезинде Ал-
тайда көктаман чечектеп кала-
ган.

Жас кайда барган деп,
Жаландардан сурагам.
Комыргайдый коо сынду
Кайындар да тым турган.

Жайну угуп, карлагаш
Жаныма келип унчукты:
— Жаш баладый, эрке ол,
Чочытпагар кеен жасты.

Өзүш

Жайлууш бажы куу туман,
Жааш болорын белгелейт.
Арка сындар тым турган,
Араай эзин элбегдейт.

Уксагар да: мөш агаш
Улу-улу тынып жат.
Жажыл бürде кузугаш
Жарс этире жаандап жат.

Танга чыгара уйку жок
отура калдым

Көзнөгимнин алдында
Коо кайындар шымырайт.
Ай карагуй тымыкта
Араай жанмыр тыбырайт.

Жайгы тун ортозында
Жагыскан, карын, артпагам.
Көзнөк шилине жарыкта
Көбөлөк көөркий согулган.

Текши

Тенериде күн чалыйт,
Текшилей-ле айасты.
Токым кептү сындарда
Торко өлөң жажарды.

Ак-айас — ол тенери
Амыр-энчү тургай не?
Телекейдин эл-жоны
Текши күүндү жаткай не?

Тамара Садалова

*Күски жалбрак көзнөккө
согулат...*

(Л. Кокышев)

* * *

Көзнөгиме жалбрак согулып,
Нени айдарга сананды?
Желбис салкынга коштонып,
Кайдаар шылырап жылайды?
Уйкуда бойымды чочыдып,
Кемнинг эзенин жетирди?
Түн ортодо түймедип,
Кем болушка кычырды?
«Кандый жүрөт не?» — деп,
Ал-санаага энем түшти бе?
Жүрекке кару нөкөрим
Түбекке жететти эмеш пе?
...Айса жайдын калганчы түни
Көстинг жажын ычкынды ба?
Салдырым күске айдадып,
Шынгырап, кайылып калды ба?

КУУЧЫНДАР

Жыбаш Каинчим

САКЫП ЖҮРЕРИМ, JEЕНИМ, МЕН СЕНИ...

Je, жееним, черүге жакшы жүрүп, эзен-амыр, бу ла бойың су-кадык жанып кел. Эне болгон Алтайың, эл-жоның сени сакып ла жадар. Телекей ле амыр турза, жанып келбей. Жанып келгенинен артык кижиге кандый ырыс керек.

Сен үредүлү, сен бичикчи. Тилди де жакшы билеринг. Je ондый да болзо карган таайыңнын айтканын ук. Таайың — карган бөрү. Черүге алты жыл турала келген. Jarман жуузынан баштайла, япон жуузына жедижип бар келген.

Черүге төртөн жылда күскиде баргам. Сенин бу адан чыккан күн атангам...

Эки жылым түгенип, жанарга жазанып тургам. Кажы ла күнди өткүрп болбой, оның узагына кыйналып жүргем. Санаамда өскөн-чыккан бу Корболу да, кожо жүрген улус та, керек десе энем-адам болгылабаган, туку качан түш жеримде көрүнгөн ошкош. Олор чөрчөк жеринде болгон немедий. Je бу санаа төгүн, бу телекейде жер-алтайым, улузым, эне-адам, эл-төрбөнүм бар деп кижибилип жүрбей. Мынын учун кижичыдажып турбай. Кижини «жанарым» деген санаа алып жүрген ине.

Je бот, мынайып иженип жүргенче, жуу баштала берген. Жаныш үч санаада жок. Кижининг тирү артары кандый болбогой. Ал-санаада караңуй, жүрүм деп неме там уурлаган. Үредү ле үредү. Тревога ла тревога. Казарма толтыра улус, тегин де жедишпес курсак чек астаган. Жаң-дисциплина там катуланган.

Бир күн каруула тургам. (Бис самолеттор каруулдаганис). Турганчам, агаштардын ортозыла эки кара неме элбес эткилеген чиледи. Жүрегим борт эдип, адайын деп жүреле, токтоп калдым. Караңуйда түңей ле жазып ийеринг. Je мылтыктын табыжын угала, нөкөрлөрүм жедип келер эди. Бир сананзам, олордын амыры-уйкузы база карам. Бойсын дедим: көс көргөн болорым ба. Салкынду түн, агаштын будагы да сарбас эдер ине. Ондый да болзо, бойыма коркымчылу. Кийнимнен табарбас этире кирпич будкага жөлөнүп алдым. Удура келзе — адарым. «Сизых ла Чернышев качкан — деп, эртенгизинде ле жарлала берди. — Каптеркага киргилеген, кийим, сопоктор уурдагылаган».

Сизых ла Чернышев? Сизых Еремей — менин жерлежим. Жүк ле бир боочы ажыра. Не болгон, не качкан? Кем ле жок уул болгон. Черүге атанар тушта жаан эзирик болгон. Стройго туруп болбой, тентирилип турган. Бийик сынду таларкак уул. Курсагы тойу, кийими бүдүн жүргени, айт-

паза да, јарт. Кайдан јаргак тонду биске түнейлейтен... Ойрот-Турага јетире бир абрада болуп калганыс. Кожондогону јагыс ла: «Без тебя большевики обойдутся». Азыгы да арбынду: эт, какайдыг жуузы, жымырткалар, калаш. Је ол кемибисле де үлешпеген. Журташ уулдар ада-энезин арай кулактабаган дешкилеген. Бого јетире јагыс вагондо келгенис, јагыс горнизондо коштой казармада турганыс. Мениле куучындашпайтан. Је баштап канай куучындажарыс — тил база билишпес. Јагыс јердин деп ундып койгон болбой деп јүретем. Је кайдан ундыптан: мени оног болгой туку чолдинг уулдарынанг бери таныгылайтан: «Земляк, в одном эшелоне ехали» — дежетен. Јагыс ла бир катап мен кухняда нарядта болорымда, мен јаар амбразура ажыра теленгир айагын јылдырган: «Земеля, найди там чо-нибудь пошамать!» Мен јүгүрип турала, «кирза» дейтен арба каша таап бергем. Оскө уулдар чылап, Алтайдаг не угулат, ондо кандый деп сурабайтан.

Экинчизи — Чернышев. Шыйпык, јеп-јенгил, јелечи чилеп, јүгүрип јүретен уул. Куучынчызы, тилинин эптүзи. Уч көрбөгөн кижиле таңкы ла тартымга нөкөрлөжип, јөптөжип ийген јүрер. Онойып ла түлкүзип јүрер неме. Та кажы јердин — билбезим.

Бисти, каруулчык ротаны көдүрип, качкындарды ылтап тапсын деген. Экиден бөлигилеп ийгилеген. Городтонг бедрегер, арка-туудан көригер. Је тудыгар деп јакару болгон. Качса, адып салыгар дешкен.

Меге Рогов деп уул келишкен. Бу ла Чарыш төмөн Краснощековонунг кижизи. Бастыс ла бастыс, а кайдан табарын. Оног байагы Рогов: «Ол эки качкын увольненииге барарда, бир турачакка айылдап тургулайтан эди» — деди. — «Байадан не айтпаган! — деп, мен ачына бердим. — А ну, башта! Баралы!»

Агаштардын ортозында јагыс кып турачак эмтир. Кирип барзаныс, Чернышев ондо јагыскан уйуктап јатты:

— Тур! Колын көдүр!

— Бу ойноп турган болдыгар? — деп, Чернышев арга јокто күлүмзиренет. Өткүре аракыдайла, жыгылып калган кижиле болгодый. — Бис нөкөрлөр инебис. Эки жыл кожо јүрдис. Јагыс котелоктон каша јидис.

— Бис сеге нөкөр эмезис! Сен качкын! Дезертир! Штаб јаар бас!

— Сизых кайда? Айт! — деп, мен күзүрт эттим.

— Баралы. Айдып берейин — деп, Чернышев та ненин де учун белен јөпсинди.

Бис оны айдап алдыбыс. «Мен качпазым. Мылтыгар алыгар?» — деп сурады. «Јок, јарабас!» — дештис. Чернышев кокырлап, каткырымзынып, барып ла јатты. Ларекко токтой түжеле, бир пачка таңкы алды. «Јарабас!» — деп, мен кизирт эттим. Је Чернышев мени керекке албады. Нөкөрим Рогов то меге болушпада. Чернышев таңкы берерде, алып алды. Меге бербеди, мен таңкылабайтан болгом.

Узун агаш баракка јеттибис. Јараттынг чек ле кырында тура. Кырындагы эжикти Чернышев ачып ийди. Сизых ондо отуру. Кара пиджак кийип алтыр. Јанында келин. Столдо аракы.

— Колың көдүр!

Келин чыңгырып ийди. Сизых колын жүк ле жанду көдүрди.

— Ой, Машенька, нөкөрлөрүм келген. Олор кокырлап жат.

— Бис сеге нөкөр эмезис. Штаб жаар бас!

— Э, земляк, тың кату болбо. Көр, аракы туру! Спирт! Машенька, курсагың чыгар! Отурыгар, уулдар, ичип ийеликтер. Штаб кайда да барбас. Оноң до баргайыс. Түңгей ле дисбатка барарыс. Фронтко барарыс. Түңгей ле өлүп каларыс.

— Ичерге жарабас! — деп, мен үкүң эттим.

— Жараар, земляк, жараар — дейле, Еремей аракыны уруп алды.

— Жараар — дейле, Чернышев база уруп алды. Рогов нөкөриме уруп берди. Меге база. — Мыны ичип те ийеле, баргайыс, уулдар. Эмди бис ичер эмезис. Калганчы катап ичип ийели. Бисти туткан учун слерге медаль бергилеер. Керек дезе отпуску да келижип аябас. Слер экү ичеригер. А бис...

Мен потолок жаар адып ийерге жүргенчем, Рогов токтодып алды:

— Айса түрген! — дейле, бойы аракыны ичип ийди.

Мен ичпедим. Аракы меге керек те жок. Черүге келгени бир де аракы ичпегем.

Учү ичкилей берди.

— Сен айса ажан, көөркийек, — дейле, келин меге саржулап койгон калаш берди. Мен, жаантайын торо кижин, алганымды билбей калтырым. «Чындап та, ичкилеп ийгилегей — деп санандым. — Эки жылга кожо жүрген уулдар. Бирүзи дезе жерлежим. Күн жаан — оноң до баргай. Олор бисти төгүндөбөс, бистен качпас, биске жаман этпес».

Сананзам, бу шилден олор эзиргилей бергилеер. Олорго ас келишсин дейле, бойымнын стақанымды — эки ле өлү аракы — туткан жерде, ичип ийдим. Бот, тынымым буулып, арай тумчаланбай бардым. Спиртти качан да ичпегем. Мынды деп билбегем!

Бот бу ла тушта Сизых тура жүгүреле, кийин жанында көзнөкти эки жара ача соголо, чыгара калып ийди.

Мен, тынымым једип-јетпей, эжик жаар болдым. Эжиктин жанында јунунып турган келин јолымды туй алды. Мен оны туура ийделе, чыга кондым. Сизых јаратты төмөн узас-узас калып, качып баратты. Тынымым токнап, затворды кайра тартала, тизелене отура түштим. Каруулга белен кире берди. Сыр маңда барып јаткан эликти јыга адып туратам. А мында дезе жүк ле бежен метрде айбандап бараткан кижин. Мажыны базардын кажы жанында байагы келин үстим орто келди.

— Токто-о, токто! Кудај учун атпа!

Мен келинди база ла ийде салала, тура жаар кийдире жүгүрдим. Рогово Чернышевин каруулда деп јакыйла, ойто чыга кондым. Сизых жүс метр киреде, балкашка базып болбой, јыгыла-тура барып јатты. Карабиним менин сүрекеј чечен: бажына шыкаазам, бажына тийер, будына атсам, будына тийер. Јаба једер дедим. Кижин бойына иженип турган ине. Оноң болгой, су-кадык анды истеп, јаба једип туратам.

А Еремей Сизых тын жүгүрүп болбойтон: кросс эмезе марштарда улустын учунда барадатан. Жангыс ла бөкөзи коркыш — «Максим» деп пулетметты бүдүнгө жүктенип алар.

Жаратты түжүрө жүгүрөле — бот сеге — балкашка бадалып калдым. Бистин жердин балкажы ошкош эмес, балар, той балкаш эмтир. Онын уурын, наалгагын. Сопогым арай уштылбай туру. А Сизых десе, күрүм, сууны кечире жүгүрөле, агаштарга једип калган. Бир көрүнөт, бир көрүнбөйт. Адып ийейин дезем, тыныжым јаан. Көзимди тер бөктөйт. Тпүк, тенек! Байа ичпеген болзом.

Бот, сууга јеттим. Кире кондым. Тайыс суу. Сопогымнын балкажы јунулып, карын, јенгиле берди. Жараттан чыгара жүгүрүп келзем, улус «Туку барат, туку!» — дејип, кол уулагылап турды. Бойлоры десе түрген ле туура баргылайт.

Сизых десе пиджагы карагдап, улус ажыра бирде көрүнүп, бирде көрүнбөйт, качып ла јат. Эмди оны адарга јарабас — кандый бир кижиге тийип айабас. Жангыс ла «Јаба једер, адар!» — деп, быжу сананып алдым. Тагманын јиткези көрүнөри көптөп келди. Кайдөөн лө бурылза, мен кийнинен. Учы-учунда кандый да будканын јанында улус амырайтан отургышка отура тўшти. Мен сўрекеј ачынып, ијее-ринип калган кижи, жүгүрүп келген бойынча, мылтыгымнын оозын онын эки јардынын ортозы јаар тудуп ијдим.

— Је ат мени, ат... — деп, кенете су-алтай сөстөр уктым. Кайкаганыма бир кезекке тоно бердим ошкош. — Ат мени, ат! — деп, Еремей тыныжы буулып, сөстөрдү айдып болбой, колы чычандайт, көксү көрүктелет. — Сенег өлүм кандый... Јууда өлүм кандый... Мне все равно не жить...

Бу сөстөрдөн кенете Алтай јерим көрүнүп келди. Арканын шуулты угулып келди. Чечектерлү ак јалан... Эки јылга угулбаган төрөл сөстөр... «Штаб јаар бас!» — дедим.

Айдап алдым. Ол тузакка тўшкен айу деп билип јадым. Эмеш ле бош салынып ийзен, үстин орто чурап келер. Чыдап болбозын. Та кандый ла болбойын. Мен де уян уул болбогом ло. Бисти эжиндирип үреткилеген. Мен бу мында не бар дейле, суу јаар калып ийеле, арай чөгө бербегем. Онон бери суудан коркыгам. Канайып ла сананзам, је эжинип болбозым. Мени төрт је ле деген уулдар эки јанымнан туткулайла, талај јаар таштаар деп эжелгилеп јаткылаар. Мен јөпсинип, кем јок келип јадарым. Је суунын јанына та канайда-канайда беретем, төрт уулды туура быргап ийеле, кача берерим. Бойым да билбей каларым.

— Мен сенин бистин јерде Тозулай таайынды билерим. Бисле јол кечире јадып турган — деди.

Мен унчукпадым.

— Мен сенин Магкыш деп эјенди билерим. Суулу-Ойдыкта кой кабырып турган. Јакшы кижи. Чайы јаантайын белең. Мен ого одын тартып берип туратам.

База тырс та учукпадым. А куучындажар күүнимниг келип турганын! Кижн бойы бойыла жангыскандыра не аайлу куучындажатан эди.

— Акча керек пе? — деди. — Көп акча?

— Керек жок — деп, алтайлап оозым ачылды.

— Меге база керек жок. Мени түрмелегилеп койор. Сен алып ал.

— Керек жок! — деп, кезем айттым.

— Айса менин ада-энеме апарып берерин? Олор экилези карган.

— Жок!

— Айса жажырып койойын. Тирү жүрзем, качан бир алып аларым.

Эх, тирү жүрзебис... Алтайда качан бир жолыгыжарыс...

— Же — деп, мен жымжап, жөпсинип ийдим. «Айса болзо оны узакка судтабас. Жуу түрген божой берер. Жанар тушта ол акчазын алып алар». Бойым акча деп немени жүк ле көслө көрүп жүрген кижн инем. Байла, онон баалу неме жок деп бодогон болбойым. Меге ол барактурага түнгей ле барар керек. Роговка жеделе, бу эки качкынды штаб жаар айдай берерис.

Байагы чөймөдөлгөн барак-турага ойто једип келдибис. Учындагы сенекке кирип барзабыс, сомокту туру. Менин Роговым та кайда. Чернышевити айдайла, байла, мени сагыбай, жүре берген болор. Келин та кайда...

— Түлкүүр мында, земля — деп, Еремей бөккөйлө, журтыктаг түлкүүрди чыгарып келди. — Сен менен коркыба... Мен эмди ле... мен чүрче ле... — деп, манзаарып туруп, сомокты ача берди.

Мен десе ого жууктабай, онон көс албай, мылтыгымды ол жаар уулап алала, серенип тургам.

— Тпүк, бу канайып калт... — деп, сомокты ол узак ачкан. Эмди сананзам, ачып албачын болгон эмтир. Бот мынайда ла турала, менин чимгенимди бе эмесе кезекке бош салынып ийгенимди сагып алала, кенете калып келген. Мылтыгымнын оозын туура эделе, тамагыма кадала берген. Гимнастеркамнын жаказынан ла келип туткан. Мен колымды ичкери сунарымда, канайып та учурал болуп, эргегим онын оозына киреле, жамажайынан атпактап алдым. Бот экү бу мынайып ла туруп калдыбыс. Ол менин гимнастеркамнын жаказынан тудала, мени бууй толгоп јат. Тыныжым јетпейт. Кыймыктанар да эмезим. Јакамнын топчызы чечиле эмесе үзүле беретен болзо. Мыны билген эмес, бу ла күндерде бектей тагып алгам. Бажымды стенеге шык этире ныкычып алган. Карын стене бары јакшы, мен ого јөлөнип алгам, јыгылбазым. А бир колым мылтыктын буузына оролып калган. Учурал болуп, онын жамажайы меге учураганы. Ол до кыймыктап болбос. Мен оны, колыма кирген кийинде, бир де ычкынбазым, салбазым. Јамажайын балбара, ыра тудуп бараттым. Јангыс ла кижн тыныжы јетпей, буттары бокырыла берерден башка...

Јаныбыста бир де кижн жок. Ыраагында уулчактар чур-чуманак мечик ойногылап тургулаган. Олордон кем-кемизи жүгүрип келерден айбас. Артык болужар кижн жок. Бу киреде ончозы иште.

Туруп ла јадыс, туруп ла јадыс... Мен нени де айдар эмезим, ол до оозын ачып болбос. Тебижер арга бисте база јок. Көзи јаар көрзөм, чек ле казыр анның көзи. Кадагызы, кылагы... Јагыс ла ычкын-бас, салбас. Онон өскө блум... Кем чыдажар...

Бу мынайда та канча кире турганыс... Учынды солузактап калган Рогов жүгүрип келген. Јарды орто кындактап ийген.

— «А Чернышев кайда?» — деп сураарга јеткелегимде, Роговым чачамдынып туруп куучындай берди.

— Күрүм уборныйга суранган. Мен эжигине саकыгам ла сакыгам. Ол дезе ары јанындагы јосторды кодороло, кача бертир! Мен оны...ух!..

— Оозың ачпас болорың!

— А сен?..

— Мен, сен чилеп, божотпогом!

— А бу эдүни эмди ле адып койок — деп, Рогов атыйланып чыкты. — Ол бисти коптоор. Чернышевити божоткылап ийгилеген деер. Акча алган, таңкы тарткан деер! Бистинг бажыска суу урар! — дейле, затворын кайра тартты.

Еремей Сизых јаңы ондонып келди. Јарды дөөн өткүре тың кындактап ийген ошкош. Оның эмди бистенг качар аргазы јок. Мен ого канча да ачынган болзом, та ненинг де учун ойто килей бердим. Роговты жүк арайдан токтоттым.

— Көр тур, менинг сөзим чын болор! — деп, Рогов токынабай узак болгон. Айдап та келедеристе, канча ла онойдо айткан.

Штабка јетиргизип келгенис. Роговтың айтканы чын болуп калган. Эх, јерлежим Эремей!.. Је кижиле база... Таңкыбысты тарткылаган, аракыбысты ичкилеген, акчабысты алгылаган, Чернышевко садынгылаган деген.

Санитар келеле, аракыны чын ичкилегей эмтир деген. Је бу чын эмей, а. Мылтыгысты айрыйла, курыбысты чечеле, гауптвахтага сугуп салгылаган. Суу ла калаш... Је онызы бойсын — шылу неме башталган. «Качкындарла сөзигер јаңыс болгон болор бо? Чернышевити не божотконыгар? Санаагарда арылык-берилик бар ба?» А бир ле јастыра сөс айтсан — ой кызалан — трибуналга берип ийгилеер... Неделе кире отурып ийгенис. Кудай болуп, Чернышевити ол ло бойынча көрбөгөм, оныла не болгонун билбесим. Рогов нөкөрим Ленинградтын јанында божогон. Мен дезе канча шыркаладып, ойто јуулажып турала, ырыс болуп, тирү артып, төртөн алты јылда күскиде Бийске једип келгем. Вокзалдын јанында тоолу улус та нени де саткылап тургулаган. Мен кандый бир бор-ботко көрүне берер болор бо деп, олор јаар баскам. Ларектын јанында бир кезек кенектер папиростор садып отургылады. Эмдиги пачкаларла эмес, а бирден-экиден. Мен каа-јаада тартып турар болуп калган кижиле, беш-алты кирезин садып алза кайдар деп, олор јаар баскам.

— Эй, уул, Теркиш! — деп, кенете кийин јанымда үн угулды. Кайа көрзөм, кандый да кижиле мен јаар тайагын чычандадып туру. Сизых

Еремей! Танып ийдим. Куйка бажым жымырт этти. Оны туку качан жок болор деп бодогом.. Эмди жолыгар ба канайдар?.. А база жаман санаалу болзо канайдар?.. Не болзо болзын дейле, жанына базып келдим. Бойым белен. Содос эдерде, көрзөм, бир буды жок эмтир. Төжинде медаль. «За отвагу» медаль.

Жакшылашты. Керек дезе ыйламышрап ийди. «Тыным алган — деди. — Штрафной батальондо болгом. Оног айрылып чыккам. Төрөлим учун кан төккөм. Медалым бойымдый — деди. — Будым Польшада аркан. Же жүрерге кем жок. Мен жинт, эмди де күчтү» — деди. Көстөри жаар көрзөм, меге чын ла сүүнип турган эмтир.

«Мында кижин алгам, мен бир балалу, бистин айылга баралы, амырап, токынап ал» — деди. Же мен болбодым. Түргөн жанар керек дедим. Бир ууш акча чыгарып келди. Мен албадым. Карманым абада туруп, жирме кире папирос сугуп берди. Канайдар, алдым. Адресин бичип берди. «Билерим, келбезинг...» — деп, колын жаңыды...

Ол Еремей Сизых бичип берген адреси бу ла жууктарга жетире жүретен: Кирпичный ором, а бот та канчанчы тура — санаама кирбейт... Бот, ондо, жееним, жүрүмди оны: та чын эткем, та жастыргам...

Же черүге жакшы жүрүп кел, жееним. Карган таайың сени сагып ла жүрер. Сен келгенчен — чыдажар. Озодо жанла болзо, сеге ээрлү ат жазал койор керек. Эмди слерлер эрjene атты керексиир эмезигер. Сельсовет база туттурбас. Машина алатан болзон, жөмөшкн эдип, пенсиямнаг жууп отургайым. Торбок-чар азырап койгойым...

Аржан Адаров

СПАГЕТТИ — ИТАЛЬЯН ЛАПША

(Чын болгон учуралла колбулу кокыр)

Матвей Сатпеич онтогон-калактаган жанды. Чырайы куп ла куу. Уйге кирип ле келген бойынча, конычтары колтылдаган эрезин сопогын ушта тееп, рюкзагын туура салып, диванга тыйрыйып жада берди. Уйи чочып, сурады:

— А бу не болды?

— Ичиме-ей! Ичимей! Ичимде тыйрындап жат!

— Неме? Неме тыйрындап жат? Тирү балык жудийген бе?

— Чой... Чой... Чойлошко-он!

Вера Кергиловна бошпок алакандарын боч этире чабынып, кыйгырып ийди.

— Чойлошко-он? Балыкка тойбогон бо, күрүм? Эмди жылан жинрин артты! Мен айтпай, канча катап айтпай сеге...

— Докторды айтсан... Онон башка өлөрим...

— Ол, күрүм! — деп арбанып, же өбөгөннинг көстөри торт ло ангданыжа бергенин көрүп ийеле, Кергиловна үйден чыга конды.

Коштой јаткан эмчи уул Сатпенчтин чырыш ичин сыймап, јүрегин тындап көрди.

— Јүрек јакшы иштеп јат, Сатпенч. А бу чойлошконды чийге јигенеер бе?

— Ы-ых, ы-ых, кай... Кайнадала.

— Кайнадала? Андый болзо, коркор неме јок! Ичеелер кирленген болор, јунар керек. Аптекадан английский тус алала, сууга чейеле, үч катап ичип ийер. Чойлошкон-мойлошконы чыгара адылерер.

Эмчи уул тусты сууга чейеле, Сатпенчке ичирип, айтты.

— Эки частын бажында база ичигер. Ол бышкалган неме канайып кыймыктаар, өгбөн? Сананган санаагар ла аайынча тыйрыгдаш турбай.

Матвей Сатпенч балыктаарын сүрекей сүүр. Амырайтан ла күндерде — айас бол, јут бол, кыш бол — јүрүп ле калар. Уйи арбанар, үйде болушпас, андый-мындый деп айдар. Сатпенч јангыс ла каткырып салар.

— Балык јиген кижн санаалу болор. Ондо фосфор деп неме бар, мееге сүрекей керектү.

— Сен тонна да балык јизен, толк болбос.

— Јок, јок, анайда айтпа, эркем. Мен — бухгалтер. О, үч јылдын туркунына бир катап чоттон јастырдым ба? Бир катап куурмакка алдырдым ба? А камык бухгалтерлер, чоттын ишчилери, түрмеде отургылап јат. Кезиги аамайынан улам, кезиги ачабынан улам. А мен аамай да эземин, ачап та эземин. Мен тен кандый ла булгаку немени кезе-быча чотоп, агына-чегине чыгып ийерим. Чот јоктон государство до болбос. Ончозы чотто болор учурлу. Микробтон ала министрдин јалына јетире.

— Је, је, тайыл!

— Арбанар болзонг, барбазым! Айса ол «сыралаптын» јанында талай калган турайн, сыра ичип, сыгырып, аракыдап!

Бу ла тушта Вера Кергиловна сананар: «Барзын, барзын. Баш ла болзын. Аракыдап ла баспазын! Мында ла ол ичер-јиир немени рюкзакка салып берер. Матвей Сатпенч антыгарлу најызыла, Никанор Кучуковичле кожо, сурт ла эдип калар. Куру јанбас. Торбышказы толо јанар.

Матвей Сатпенч кезикте, торт ло јаратка чыгара чачып ийген балык чылап, диванда тырландап, оозы аңкагдап јадат. Онон тышкары јүгүрет, онон ойто ло диванга келип меч јыгылат. Эниргери санаазы јарып, уйуктай берди. Бу ла тушта Никанор Кучукович кирип келди.

Вера Кергиловна чурап ла барбай база.

— Бу күрүмдер јүүлген, чойлошкон јип баштаган, эмди удабас јылан јири арткан! Түүк!

Арбанып, карганып алала, токынап айтты:

— Бут бажында не турун, өрө өт. Чай ич. Айла, бу не болгон? Кайнай мыны јудыйген?

— Сен арбанба, Вера, балыкта жаман жок. Оны жиген кижн санаалу болор. Балыкта фосфор деп неме бар, мееге керектү.

— Уккам, уккам, и-та-тай, ученыйлар табылды — деп, Вера Кергиловна колын жаңыды.

— Азыйда мен кем болгом? Алкаш! Чөбчөй ичпей жадып, бир эрешкин эребейтем. А кажы ла квартирадан — трешка эмезе банка! Түбектег мени Матвей айрыды, балыкташ аргадады. Эмди мениг эткен ижимненг жик таппазыг. Мен тургускан крандар, унитазтар, батареялар — жырс ла эт калган. Балык жиген кижинин бажы иштеп жат не? Жал жакшы, сүре ле премиальный. Удабас «Запорожец» аларым. Бат, ол тушта...

— Же уккам, уккам. Чөйбө, не болгон, айт.

— Матвей жескинчен кижн не... Чойлошконды кармакка сүре ле мен саптап жадым. А кече орой энирге жетире кармактаганымс. Оног одуландымс, от салдыс, казан астыс.

Матвей айтты:

— Ол ондо банкада лапша бар. Спагетти деп неме, итальяндардын лапшазы. Лизе де, өскө каанныг ажын тамзыктап жиир керек. Кателок тоон көнгөрий.

Мен көнгөр ийдим. Карануй. Оног ажанып отурус.

— Бу кандый жымжак, жылбыркай лапша? — дедим. — Айла мүнчүзин. Бу мынызы тен эт кожуп жазаган аш болбой?

— Көрмөс билер оморды, та нени кошкон. Бу лапшада кумак кайдаг келген? Сен кирлү суу сускан болбойыг, уул? — деп, Матвей айтты.

— Суу ару ла эди — дедим. — Айса ол кумак эмес, кандый-кандый витамин болбозын? Капиталист нени ле эдер. Акчага болуп. Чочканыг бескезин жаанадарга оны жүзүн-жүүр дрожжаларла, химиянын немелериле азырап жат, онызы торт ло тестейе берер. А един жизен — амтан жок. Эрезин ошкош. Тү-үк! Олор бака да жип жат.

— Жескимчилү неме айтпа! ...Ых! — дейле, айагын туура чачып ийди.

— Же, уйуктайлы, таг жарып ла келзе, кармактаар керек.

Шык уйуктап калдыс. Эртег тура Матвей бедренип туру.

— Бу чойлошкондор кайда? Банка куру. А лапша ол ло бойы! Спагетти!

Сылт ла санандым. Ба, бот сеге иностранный лапша! Чойлошкондорды божот салтырыс. Мыны ого айтпас керек болгон не. А мен, тилгерек күрүм, айдып ийгем.

— Э-э, чалта, жигенис өскө каанныг ажы эмес, өскөн жеристинг чойлошкондоры.

— И-та-тай! Күрүмдер, мен слерге эмди ашты ағылу аяктарга сал берерим — деп, Вера Кергиловна жескинди. — Чык! Чык мынаг! Ол шайтанды мен орынга салбазым. Ол ло диванда жатсын.

— Же, же, Вера, сен үредүлү кижн не! Францияда, Италияда баканы да жигилеп жат... А изү жерлерде...

Вера оозын жаба тудунып, жүгүрө берди.

Матвей Сатпеич айлында, балыктап барбас, айылдагы бор-ботко иштерди ончозын эдер.

Вера Кергиловна сүүнип жат. Же күндөр өткөн сайын өгөөннинг чырайы там ла карагуйлап браатты. Көстөринде кунукчал. Торт ло ээзи өлгөн ийт ошкош. Бир күн ижинен аар-калап жанды.

— Сальдо-бульдо келишпей жат. Баланс-маланс! Одус жылдын туркунына баштапкы ла катап! Баш, баш иштебей жат. Фосфор жок.

— Магазине де минтай деп балык бар.

— Минтай — ол балык па? Тү-үк. Фосфор, фосфор!

Эртезинде, Матвей Сатпеич ачык көзүктүн жанында бичик кычырып отурарда, Никанор Кучукович басып келди.

— Матвей, балыктап бараак па?

— Жок, чойлошкон... Ых!

— Сен мошкала балыкта. Көрзөг, кандый жараш мошкалар!

Матвей Сатпеич түрген-түкей тергенип ийди. Уйи арбанып чыкты.

— А-а, эмди база ла, база ла, эмди жылан жириг, күрүм!

Матвей Сатпеич соогын тартынып айтты:

— Сен мени жастырзын деп пе? Түрмеге отурзын деп пе? Чот од не билеринг бе? Наука!

Вера Кергиловна сананды: «Чындап та, барзын. Аракы ла ичпезин, ижинен ле сүрдүртпезин. Баш болзын».

Эки нөкөр, эрезин сопокторынын конычтары колтылдажып, березен плащтары талыражып, автобус токтойтон жер жаар жүгүрдилер.

АРЫКТААРЫНЫҢ ЭП-СҮМЕЗИ

(К о к ы р)

Эмди ученылар нени бичибей жат! Канай жүретенин, нени жийтенин, ичетенин, канай тынатанын, тыштанатанын, арыятанын, семиретенин, секиретенин, жүгүретенин. Өлбөйин дезен жүгүр, чек жүрейн дезен — чербек ичтү болбо, калорияны чотоп жи. Токус катап толгон, он катап онгош аш. Казы-картаны, эт-саржуны ундып сал. Койон чылап морковты кортылдада кемир отур, капустаны кайран ажым деп жи, сөбкилени сөк ажым деп макта. Гейфурт жизенг кейинг тутпас, баан жизенг бажым оорыбас.

А Кара Мараевич орто жаштан ажа берген, обору жооной берген кижин. Эткен ижи — отургыштан өрө турбай эдетен иш. Экономист, чотчы, пландаачы. Азыйда картаны карыштап жийтен, пелменди бескезиле жийтен. Бир күн Кара Мараевич бек сананды: «Жок, болор. Бу не жүрүм? Бөкөйип өдүк те кийерге күч!» Улуска каткы, элек. Келиндер кылчас эдип көрбөс. Азыйда... Арык, коп-коо тушта. Чотылдаган чончойлорго чорт то этпей жеде конотон. Эх. Беске түжүрери жанынан бешке жуук бичик, ажанатаны жанынан алтыга жуук бичик кычырды.

Эртен тура сахары жок бир стакан чай, түште бир болчок сөөкиле, энирде бир стакан кефир. Оноң жүгүрөр, секирер, айланар, калыыр, эжинер. План белен. А Кара Мараевич амадузынан жана болбос кижн. Алты часта турала жүгүрөр. Озо баштап күч болгон. Эмеш ле жүгүрзе, одустөртөн алтамнын бажында тыныш жетпес. Тер деп неме торт ло табырап төгүл турар. Аштап, өзөк-бууры карарып турганын не деп айдар! Же кандый да болзо, жана баспас керек! Жарым айдын бажында керек чала жаранып баштаган. Тыныш та жеңилген, ич те жабызаган. Бир айдын бажында кожо иштеген келиндер Кара Мараевич жаар соныркап көрөр боло берген.

— Көрзөөр, көрзөөр, Кара Мараевичти, чек јиндиркей берген, ич те жабызаган, бойы да жаранган.

Јаңгыс ла бу сөстөр учун Кара Мараевич өлө дө берерге белен. Арыыр, чек коп-коо болгончо арыыр. Чындап та, санаазы жары-ык, сыны жеңил! А үйи кылагдап јат. Онөтийин ле эттег каарып, пелменнен кайнадып, ажанып отурап. Кара Мараевичтин чилекейн шуулаар, бойы ачынар, арбанар.

— Ойлөн, кирелен. Холестерин каныга толзо, өлөрин, ол журналдарды кычыр, јаан үредүлү улус нени айдып јат!

— Олзөм өлгөйм, сенин керегин жок. Олзөм дө — јиген-курсагымды тамзыктап јип өлөрим, сен чилеп, торолоп өлгөнчө.

— Бойыңды көр, је бу не? Тоормош!

— Сен не чичкерип, торолоп турган, билерим, ол бир кей-кебизин куртулардын алдына кертендеерге. Тү-үк!

— Сөөкиле кайнаттын ба?

— Ол көөштө толтыра, бойың ал ји. Артканын чочкого берерим.

Кара Мараевич арай ла ыйлабай ажанып јат. Эх, эт јиген, картаказы, пелмен јиген кижн! Же келиндердин: «Көрзөн, көрзөн, Кара Мараевич кандый коп-коо!» деген үндери кулагына угулып, күндий жарыдып ийер. Ол сөстөргө болуп, кижн нени јибес, чочконын да ажын јип албай!

Кара Мараевич, чындап ла, арыктап, коп-коо боло берген. Уйн арбанып јат:

— Бу сен јиит уул ба? Бойыңды көр! Јүзингин чырыштарын көр, ак саамаларын көр. Костюмдарын үзе шелкик, јаан. Сеге јаңгы кепти кайдан алатан? Акча жок.

— Акча! Түкүрейин! Удабас мынан коо болорым. Балеттин артизи чилеп, буттарымнын сабарларыла бийелеерим.

— Бийеле, бийеле. Артист болуп, уча бердин!

Бир күн Кара Мараевич јажыл стадиондо база ла жүгүрүп јүрди. Бу ла өйдө стадионго бир канча јиит спортчы кыстар кирип келдилер.

— Көрзөн, көрзөн, кандый јакшы жүгүрүп јат. Бистин јиит уулар да ого чыдашпас. Күлүк! Эр десе эр!

Мыны угуп ийеле, Кара Мараевич жүгүрүжин тыгыдып ийерге сананды. Же бу ла өйдө көстөрнин алдында кызыл, јажыл тегеликтер айланыжып, стадион келтес эдип калды. Билинип келзе, кыстар эбире

курчап алган эмир. Түргөн болуштын машиназы база једип келген турды:

— Куда-ай! Өрөкөнди... Не албаданат не?

— Тамыры согулып јат па?

— Оло берген болбозын...

— Јок, тирү!

Јарым частын бажында оны больницада јити врач көрөлө, айтты:

— Слерди шиндеп көрөрис. Байла, ичте оору бар эмезе өкпөдө айса болзо, кыймада... А жүрек кадык!

Кара Мараевичтин эрмек те айдар чыдалы јок. Бу ла өйдө ырыс болуп, јажы јаанай берген врач, Кара Мараевичтин таныжы, кирип келди.

— А-а, Кара Мараевич, не болгон?

— А бу жүгүр... Спорт...

Доктор онын чамказын өрө тартып, тардак арык кабыргазына шак-шак этире чертип, чек ле шылбайып, арказына јапшынып калган ичин сыймап, айтты:

— Дистрофия. Торолош.

— Тороло-ош? — Јити врач туруп чыкты.

— Арыштам деген, курсак ичпеген... — деп, мында ок једе конуп келген үйи ыйлап турды.

— Обызын, мода! Кычырган ончо немеге бүдерге јарабас, Кара Мараевич — деп, јаан јашту доктор айтты. — Нени јигенеер?

— Сөө-өкиле, капуста... Морко...

— Организмге белок керек. Ол јогынан кижин өлөр. Стройматериал јогынан тура тудулар ба? Белок — ол кирпич, организмди туткан неме. Эт, сүт, творог, ак калаш, сарју, јымыртка, сүт, јилектер — артык кандый да эм керек јок. Озо баштап эмештен, көп јизе, карын курсакты быжырып болбос.

Энгирде Кара Мараевич үйиле кожо телевизор көрүп отурды. Уйи ого жүк ле алты калбак мүн ле такаанын будын берген. Телевизордо балет көргүзип јат. Балерина ийиктелип, айланып-айланып турала, бир бырчыт буттарлу артисттин ичкери сунган колына јыгыла берди. Көжөгө жабылды. Мария улу тынды!

— Көрдүн бе? Бажы айланала, бар түшти. Онын арыгын. База сен чилеп, торологон болор... Морковь... Сөөклө јип. Је ол акча иштеп аларга болуп, кыйналып, айланып, толголып јат. А сен неге болуп?

Кара Мараевич өрө турайын дейле, туруп болбоды. Мария оны јеп-јенгил көдүрүп, айландырып-айландырып ийеле, уйуктайтан кыпка апарып, орынга салып, оп-я-а — деди.

— Эмди мен сеге такаанын төжин экелерим, амыра, көөркийим...

— Балетке једингенис бу ба, Маша? Јаңыс ла бистин баледис саг башка. Мен сени колго көдүрер керек, а сен дезе мени көдүрдин.

Кара Мараевич кебис илип салган стене јар бурылып, мырзып ыйлай берди.

ТУШТАЖУ

1939 жылдын август айында партиянын обкомынын да ВЛКСМ-нинг Төс Комитедининг жöбиле мен Н. К. Крупскаянын адыла адалган Ленинградтагы коммунистический политпросветинститутка үренип баргам. Ол бйдө ВЛКСМ-нинг обкомынын баштапкы качызы болуп иштеп турган тужым.

Улу башчыбыстын адыла адалган Ленинград городко онын алдында жүрбегем. Темир жолдын «Москва» деп атту станциязына једип келе, вагонног чыгып барзам, станциянын да, городтын да јаражына көзим кылбыгып тургандый билдирет. Институтты таап алары күч те болбоды. Онын адреси, баратан јолы блокнодымда јарт болгон. Оны ВЛКСМ-нинг Төс Комитедининг ишчилери меге үзе јартап берген.

Директордын кабинетине кирип барзам, бажы чала буурайа берген киж и отурган јеринег туруп, менин колымнан тудуп эзендешти. Институттын директоры ада-өбөкөзин јартады. Онон отургышка отура деп мени сурады. Эмеш сананып отурала, комиссия слердин документтереерди көрүп таныжала, слерди үредүге алар этти деп, мени сүүндирди. Онон ары институт јанынан меге јартайла, Ленинград городтын историязын кыскарта јартады: «Онын эки јаан төрөл учурын билер керек: Улу Октябрь ла Ленин. Мында кажы ла таш — история, кажы ла тура — памятник».

Сентябрь айда үредү башталган, жүгүриш, базыш токтогон: бастыра сагыш үредүде. Бистин баштапкы үренип турган жылды, бистин планысты, амырысты бузуп, јаан јеткер башталды. Финляндиянын реакционный башкарузы фашистский Германиянын тектерүзиле ноябрь айда 1939 жылда СССР-га јуу јарлады. Ленинградтан јаан ыраак јок јерде канча айдын туркунына калапту јуу болгон. Ленинградтын албатызы тўни-тўжине бастыра күчин салып иштеп, акфиндерди јенерине бистин кызыл черүге болушкан. Јуунын баштапкы ла күнинег ала Ленинградтын комсомолдоры, студенттери өштүле јуулажарга явление чийгендер.

Реакционный Финляндиянын башчылары өскө империалистический государстволордын болужын тузаланып, бистин ороонысты јуулап болбогон. Јууны токтодорына бистен јөп сураган. Јөп март айдын 12 числозында 1940 жылда бүткен.

Кичинек изү айдын экинчи јарымында экинчи жылдын экзамени башталган. Бис ого белетенип, тўни-тўжи книгадан көс албай, тын ла

иштенип турганыс. Амырап, ары-бери базарга да бош жок болгон. Бу ла бистинг амыр-энчү отурган ой кенете ле курч малтала кезе чапкандый.

22 июньде 1941 жылда советский башкарунын жетирузи кажы ла кижининг кулагына ийне сайгандый ачу угулды, изу канду жүрегин сыстатты. Кычырып отурган книгалар туура ташталды. Кажы ла студент сагыжын там ла катуркандырып, фашисттерге баш бербей, Төрөлисти корып, жуулажар деп жүтकिди.

Бистинг институттын студенттерин жуу башталар ла күннег ала уулдарын черүге, кыстарын санитарный үредүге ле ишке алгандар. Көп кыстар заводто иштеп, фронтко барган ишмекчилерди солыган. Мен база фронтко барарга ары-бери жүгүриш болгон ло.

Мен озо ло баштап училищенин начальнигинен мени үредүге алызын деп сурагам. Ол мени военкоматтан направление экелзин деди. Дзержинский райвоенкомго келип, направление суразам, военком кайдаар да телефон соголо, сен эвакуировать эдетен улустын тоозында эмитиринг деди.

Институтка келзем, сен кайда жүрүп турган деп, директор менен кату сурады. «Сени билелу кичи учун городтон эвакуировать эдетен списокко кошкон. Тургуза ла бала-барканды алып, жери-журтыга жан».

Ол тушта Ленинград городто жаан жеткерлу ой болор деп, мен качан да сананбагам. Бу бистинг örgöбис ошкош. Городтонг кижининг барар да куйи жок болгон.

Бистинг клееткен поездтин барыжы ас, туружы көп болгон. Бир ле станцияда канча-канча частардын туркунына турар. Жолой станцияларда күнбадыш тоон брааткан воинский эшелондор тыгылып калган, озо ло баштап оморды атандырып турган.

Тан адып, вагоннын көзнöги жарып ла келгенде, мен кере ле тужи не үзүги жогынаг одуп жаткан черулерди, военный техниканы көзим албай көрүп туратам. Олорло кожо барып, фашисттерле жуулажар деп, коркышту жаан сагыш болгон.

Ойрот-Турага једип келеле, квартира алып, балдарымды токынадып салала, городской ло областной военный комиссариатка заявление чийип, жууга барарга сурандым. Бис Верховный Советтин депутатын жууга алар жангыс жок деп шылтак табылган. Бу керек партиянын обкомынын баштапкы качызына жеткен. Онойып албаданып, кызыл черүге атангам. Једер јерге једип барзам, мени жангы тözöлип жаткан 288 запасной полкко ийген. Полкто батальонный комиссар болорын деп приказ алдым. Бу жангы тözöлип турган батальоннын командири Чернотинский болгон. Бу батальонды солдаттарла, командирлерле, политический ишчилерле жеткилдеери уур айалгада болгон. Бу бистинг полк жууда чаналу жуулажатандарды белетейтен запасной полк эмитир. Онынг учун бис чанала јакшы жүрер улусты талдап алып турганыс.

Јангы тözöлгөн полкто чана жок болгон. Оны бистинг областтанг алатан болгон. Мен подктын ишчилериле кожо Ойрот-Турага канча

катап командировкага жүргем. Биске чана жанынан жаан болужын партиянын обкомы ла облисполком жетирген. Чананы абра-чанак эдер завод эткен, а бистинг военный заказты бойынын ойинде бүдүргилеген.

Городтын военкомы менинг комсомолдон бери нөкөрим Казаков Герасим Еремеевич меге тайак сыйлаган. Оны берип, айткан: «Шабыхан Саранович, бу тайакла фашисттердин бажын жара сок, ол сеге жаан жегү аларына болушсын».

Чындап та, нөкөримниг берген чананын тайагыла канча жууга киришпеең деер. Жууга белетенип, ол тайагымды колыма тутсам ла, Казаков нөкөрим санаама кирер. Ойто көрүжип, жолыгышкайыс не деп сананарым.

Баштапкы ла кар жаарда, батальон түни-түжиле чанала жүгүрөр үредүде. Анчада ла карануй түнде кара агаштын ортозыла, кыр жерлерле чанала жүгүрерине солдаттарды үреткенис. Онон өскө военный техниканы жакшы билерине ажару салганыс.

Октябрь айда 1941 жылда Шебалин, Эликманар аймактарда избирательдериме кычыру эткем. «Күндүлү менинг избирательдерим! Бистинг төрөл орооныска жаан, уур жеткер түшти. Немецкий фашисттер бистинг совет ороонысты жоголтып, албатызын кырар кара сагышту жуучак баштады, ол сагыжына фашисттер жетпес. Мен Кызыл Черүде турум, слерлердин жақылталарды бүдүрип, бистинг төрөл ороонысты корыгырына бар-жок күчимди, билеримди саларым, жүрүмимди де, тынымды да кысқанбазым.

Кару избирательдер! Бистинг Кызыл Черүге жаан болужыгарды жетиригер! Слердинг болужаар олордын күчин тыгыдар, санаазын оморкодор, фашисттерди бистинг орооныстан сүрүп саларыс».

Мынайда 1941 жылда 12 декабрьда «Кызыл Ойрот» газет ажыра кычыру эткем.

Бистинг батальоннын жууга атанатанына тоолу ла күндөр артып калган. Бистердинг капшай ла жууга атанарга мендеп те турганыс тыг болгон. Бу ла күндерде полктын штабынан приказ-бичиктү старший политрук М. Потемкин деп кижжи келди. Приказта мени батальонды старший политрук Потемкинге табыштырала, полктын штабына келзин деген эмтир.

Эки-үч айдын туркунына үренишкен, төрөл ороонын корулаарга белетеп алган батальоннон айрылып жатканыма мен ачынган-кородогон эртезинде полктын штабына келдим.

— Батальонды табыштырдын ба? — деп, полктын комиссары сурайла, — сен алдында комсомольский иште болгон учун сени полктын штабынын комсомольский ижине арттырып жадыс. Сен оны не деп турун? — деп, мен жаар кезе көрүп, сурады.

Мен узак та сананбай: — «Жок, мен фронтко баратам. Фронтко баратам. Фронтко барып, фашисттерле жуулажарга белен. Жамы керек жок, тегин де солдат болуп барарым».

Комиссар эмеш жобош үниле — «Бис бодогоныс, сени мында ар-

тарга мойношпос болор деп, онон өскө ол ижинген айрыбас эдис. Эмди канайдар? Ол батальоннын минометный ротазынын политругы эмеш кирелү ишчи, сен билерин, онын ордына барадын ба?»

Мен сүйүнип, жөбим бергем.

Ноябрь айда 1941 жылда бистинг батальон фронтко атанган. Бистинг военный эшелоннын барыжы түни-түжиле түрген жорыкта болгон. Менинг санаам жагыс ла: «Камык албатыны кырып, канча алтайысты жуулап клееткен германский фашисттерле качан жолыгыжарыс, бисти не сакып жады не, өлүм бе айла женү бе?» Бу бастыра командирлердинг ле солдаттардын сагыштары болгон.

Бистинг брааткан жолыбыс, токтой түжүп турган темир жолдын станциялары — ончозы ла меге таныш. Бу жолло канча катап Москва дөөн жорыктабам деер. Верховный Советтинг сессиязына барып тура-рымда, 1939 жылда март айда XVIII партийный съездке барып жүргеним база сагыжыма кирген. А бистинг орооныс, төрөл Москва городыс жаан жеткерде, оны корып барарым деп, база кату сагыштанып брааткам.

Канча күннинг бажында бистинг воинский эшелон Ярославльга токтой түшкен. Бу городто эки күнге белетениш болгон, өштүлерле жуулажатап мылтык-жепселди алганыс. Онон ары бистинг батальон 202 стрелковый дивизияга барып, кожуларга амадаган. Түни-түжиле чаналу барганыс, жолдо кандый ла жеткер, буудактар учураган. Кышкы соокто койу агаштын ортозына от салбай да конуп турган.

Бу жерлерге бистердинг кемис те жүрбеген, жолды жагыс ла карта баштайт. Узак та, уур да жолды өдүп, дивизиянын жуулажып турган жерине батальон жедип келген. Жуу болгон жерлерде камык албатынын каны төгүлгени катап ла көрүлет. Төрөл учун тынын берген советский жуучылдардын сөбөктөрине барып, бөркис чүпчүп, честь бердис.

Баштапкы күн батальонног бир канча солдат стройдон чыкты. Ол биске ачу-корон болды. Бу жууда Ойрот-Турадан барган менинг ротамда полкомвзвод блуп турган Берников ло база 3 солдат божоды. Олордын сөгин жууп салдыс.

Канча күнге жуулажып, канча-канча деремнелерди алып, өштүлерди өлтүрип, сүрүп, батальоннын командирлери ле солдаттары там ла таскап үренип турат.

Батальонго коркышту кату ла жаан көрүмжилү жуу Горчица деп атту деремнеде учурады. Бу деремнени тургуза ла жуулап аларга чанала жүрер бистинг 144 батальонго дивизиянын командиринен кату приказ келген. Бу журт гитлеровецтердинг жаан учурлу кору жери болгон. Онын жаныла шоссейный жол барган. Москванын жанында оодо чаптырала, арткан-калган немецкий черүлер бистинг кызыл черүге сүрдүрип, бу жолло түни-түжиле үзүги жогынаг өдүп турган. Онын учун немецтер ол деремнени тыгыда жазап, көп черүлер туткан.

Горчицада бистен озо үч батальон канча күнге жуулажып, камык черүзин кырдырып, немецтерди онон сүрүп болбогон. Горчица деп де-

ремнени аларына бистин батальонго коркышту уур келишкен. Баштапкы күн жууда көп коромжы болуп, батальоннын комиссары Потешкин уур шыркаладып, стройдон чыгып барган. Меге ойто катап батальонды алып, комиссар болуп иштеерге келишкен. Бу батальоннын командирлери ле солдаттары меге таныш, онын учун иштеерге де жеңил болгон.

Батальоннын командири лейтенант Чернотинский финский жууда турушкан. Ол жуулажары жанынан жаан ченемелдү офицер болгон. Бу Горчицаны жуулап аларына биске көп сүме-арга да керек болгон. Коромжы көп тө болгон болзо, бис эки күннинг туркунына жуулажып, немецтерди чыгара сүргенис. Деремненин жаны улустың соёгинен капкара жаткан. Бир де бүдүн тура артпаган. Туралардын күйүп турганына теңери өрө чөйилип-чөйилип калган от-жалбыш болгон. Же оны ончозын чийип учына да жетпес.

1941—42 жылдардын кыжында бистин батальонго, өскө дө воинский частьтарга жуулажарга уур ой болгон. Калининский областьта жаан кар түжүп, тың соок күндер болгон. Артиллеристтердин аттары күрт-карга түжүп калган, орудиезин тартып болбой шыралап тура-таң. Бистин чаначыл батальон кардын үстиле кайкалада жүгүрип барып, артиллеристтерге болужып, орудиезин кардаң чыгарыжатан.

Бу өйлөрдө соок ло кургак курсакла ажанып жүретенис. Изү курсак экелетен кухня канча күндерге база келбес. Кезик өйлөрдө күрт карды ойып, күртүк-сымда чылап ого жаттыргызып, солдаттарды амырадатаныс. Батальоннын политический ишчилери тунде амыр уйку жок, кардын алдында жаткан солдаттарды ойгозып, бастырып, жүгүртип, эди-канын жылыдып туратан. Онон өскө чарчап та калардан айабас.

Бу уур-шыралу жуу өйинде бистин батальоннын командирлери, политишчилери, солдаттары физический күчин, политический таскамалын тың көргүскен.

Бу жууда чанала жүрер воинский частьтар жеңүге жаан арга сүмезин жетирген. Чаначыларды жаан кар да, кара жыш агаштар да буудактап болбогон. Немецтер турган журт жерлерди кыштайын жуулап аларга кажы ла жанынан келерге бисте жаан арга. Жалбак чаналарла жаан карга түжер эмес, ак халатту кардын үстиле өштүлерге көзинин алдына жедип те келзе, көрбөй калар. Эки чананы коштой салып, үстине жадып жылзаң, карга көмүлбезин, өштүлер де сеспес.

Бир катап канча күнге жуулашкан кийнинде эки батальонноң артиллерия-калган улузын стройго тургузып, солдаттардын тоозын алып, колы буттарын ужуткандары бар ба, су-кадыктары кандый деп, ончозын көрди. Кемде кандый сурак бар деп сурадыс. Канча күнге жуулашкан солдаттардын жүстери карарып, чырайлары чыгып та калган болзо, ого үзеери ол күн от жок, соок кардын үстинде де конгон болзо, бир де солдат комыдап ла кунугып неме айтпаган, ончозы омок-седен тургулаган.

Солдаттарды амырадып салала, комбатла экү дивизиянын шта-

бында совещаниеге барарга белтендис. Комбат айтты: «Саалысты кырып алак?»

— Je! Комдив саалду кижн көрбөгөн бө? Биске саал да кырып жаранарга бош жок, билбес пе? — деп, кокыр эдип айттым. Чернотинский мен дөөн чагкыр көзин күлүмзиредип, карманынан күскү чыгарып, меге берди. Мен оны алып, жүзимди көрзөм, жүзим бастыра кара тук. Кайкап, каткырап да күүним чыкты. «Комдив көрзө, мени чыгарып сүретен эмтир» деп, эске алыштым. Капшай ла соок сууга саалымды жибидип, капшай ла кырып чачтым. Комбат мен дөөн көрди: «Бот эмди комиссарга түней болдын» — деп, кокыр эдип унчукты.

— Баратан жорыкка буттарыбыска чана, бойыбыска ак халат кийек пе? — деп, комбаттан сурадым. «Je! Наступлениеге брааткан эмес, оны незин кийер» — деп, комбат айтты. Мен де ого жөпсиндим.

Койу агаштын ортозыла, жаан карды тактап салган чичке жолло жүрүп ле бердис. Кемисте де үн жок, бойыбыска нени де терең сананып, базып ла браадыс. Бот мынайда жаан жуу-согушка кирген эдим.

Виктор Данилов

СВЯЗЬТИН ЛЕЙТЕНАНТЫ

Сибирьде төзөлгөн 235-чи стрелковый дивизия Күнбадыш жаар мендей-шиндей аткарылган. Ол 1942 жылдын баштапкы күндери болгон. Фашисттер Москванын алдында бистин черүлериске туй соктыртып та алган болзо, же фронттын жанында уйаланган жерлеринен жаска жетире тескерлебес күүндү болгондор.

Темир жолдын ишчилери бойларынын службазын ак-чек бүдүрүп, түргөн жорыкту эшелонды станцияларда узак тутпай тургандар. Күнбадышта бу жуучыл бөлүктн өштүге удурлажа жуу-согуштарда арып-чылаган командирлер ле кызылчерүчилер энчикпей сакып тургандары ологро жарт болгон.

Дивизия темдектелген өйдө Старая Русса городтын жанында Калининский фронтко жедип келген. Бу дивизияда бистин жерлежис Алексей Сергеевич Будув болгон.

Өштү жуук. Удабастан ла жуу-согуштар башталардан маат жок. Бу мынызы ончозыл бөлүктн өштүге удурлажа жуу-согуштарда арып-чылаган командирлер ле кызылчерүчилер энчикпей сакып тургандары ологро жарт болгон.

Ол жаан ченемелдү командир чилеп, полктын штабынын связисттерине блиндажтарды кайда тудары, телефоннын эмиктерин кайдаар чөйбөри керегинде жакарулар берип турды.

Бистин жуучылдардын баштапкы линиязын үзе согорго ченежип турган өштүннн табаруларын кайра согуп, полк ол ок өйдө коруланар жерлерде бектенип баштаган. Же немецтердин самолетторы кызылчерү-

чилердин жуу-согушка белетенип турган жерлерин үзүк жоктон бомбалап, полктын штабынын баштапкы подразделениелерле колбузын үзүп турган.

Кулокино деп журттын жанында связисттер телефоннын үзүлгөн эмиктерин жазап турала, оштунин минометторынын торт ло мөндүрдий урулып турган снарядтарынын алдына жерге јада түшкендер. Олордын очозы корогон. Мынаг улам связынг линиязы жетире жазапбай, ол ло бойынча артып калган. Бу тушта Будуев бир канча связисттерле кожо кезикте жылып, оной тура жүгүрип, минометтордын снарядтары жарылып турган жер жаар ууланган. Качан ол једип келерде, анда жагыс ла блүп калган жуучылдар јаткан. Бу ла ойдө оштунин минометторы алдындагызынан тын адып баштагандар. Је связисттер колбуны түргөн орныктырып, корогон ло шыркататкан нөкөрлөрин түнде плащжабынчыларга салып алала, бойларынын штабы турган жерге чыгып баргандар.

Турачак аймактагы Кебезен журттан фронтко атанган уулдын баштапкы жуу-согужу бу мындый болгон.

1942 жылдын декабрь айында бистин черүлерис сакылталу ичкерлешти баштап ийгендер. Је жаан карлу чөлдө ичкерлеери андый ла јенил керек эмес болгон. Саперлордон ала хозвзводко жетире — очозына, керек дезе кайучыларга ла связисттерге, колдорына күрек алып, калын карды күреерге келишкен. Олордын јолыла артиллерия, октары тарткан автомашиналар өткөн, фронттын баштапкы чийүзинен шыркататкан жуучылдар чыгарылган.

А жуу-согуштар токтом јоктон оной ары улалган. Онын учун командованиеге связь-колбу кейдий керек болгон.

Јуу-согуштардын бирүзинде колбу ойто ло үзүле берген. Јуугында өскө связист јок болордо, лейтенант Будуев терең карды ырып, анаар бойы барган. Өскө жуучыл бөлүктерди озолой берген батальонло колбуны, кандый да болзо, ойто орныктырар керек болгон. Бир канча ойдөң эмиктин үзүлгөн јерин таап алган. Артиллерийский снаряд телефоннын кабелине чике тийип, јарылган эмтир. Снарядтын орозын айландыра үзүлгөн эмиктер туш-башка чачылып калган јатты. Связист терең карда јажынып, эмиктин эки учын таап алала, ородо олорды бириктирип ийген. Ол керек дезе полктын командирине телефон ажыра мындагы айалга керегинде жетирү де эдип ийген.

Је бу ойдө жуукта немецкий автоматчиктер көрүнип келген. Өскө арга јок болордо, Будуевке тең-тай эмес жуу-согуш өткүрерге келишкен.

Бир канча фрицтер карга көңкөрө келип түшкен. Је лейтенант бойы да автоматтын окторыла төжине уур шыркаладып ийген. Жагыс ла карагуй кирген согында оны јеткер јок жерге апарып, керектү медицинский болуш жетиреле, ыраак тылдагы госпитальга аткаргандар.

Бутка турарга жетире ас эмес ой өткөн. Бу ойдин туркунына Алексей Сергеевич Горно-Алтайскта өткүргөн бала тужын көп катап эске

алынган. Кажы ла катап ол сок жангыс суракты бойына канча ла катап беретен. Онын үредүчи болор деген амадузы ненин учун бүтпеген?

Кичинек тужында ол Кебезендеги журт школды үренип божоткон. Адазы жада каларда, ол 1932 жылда Чолушман журтка көчүп, анда крестьян жашооскүриминин школында үрене берген. Жай ойинде ол Жайлуда строительдердин болушчызы болуп, ого коштой айыл-журтта кире-чыга иштеп жүретен. 1935 жылда ол Горно-Алтайсктагы педтехникумга үрнегерге кирген. Уредүни божодып саларда, оны черүге алып, кичү командирлер үредер школго ийгендер.

Черүдег жанып ла келерде, жуу башталган, ол ойто черүге атанган.

— Менин амадуум бүтпегени учун кижн өлтүрөөчи Гитлерге баштаткан фашизм бурулу, — деп, А. С. Будуев госпитальда жадала сананатан. — Мендий улус миллиондор тоолу. Олор фашизмнин жаманын качан да ундыбас. Эмди школ керегинде незин сананар? Жангыс ла капшай жазылып, ойто фронтко атанар керек...

Госпитальда үч ай болуп, шырказы жазылган согында, оны Воронежский фронтко ийгендер. Мында ол 7-чи артиллерийский корпусуа связьтин взводынын командирине көстөлгөн.

1943 жылда Воронежский фронт, Белгород-жаар ууламжы — ол бастыра советско-германский фронтто эн курч ла каруулу бөлүктердин бирүзи болгон.

Жуу-согуштардын бирүзинде өштүннн ума жок көп танктары артиллерийский корпуска коскологду согулта эдер амадулу ичкери ууланган. Онын учун бистин черүелердин командованиези жангыс ла танктар адар пушкаларды эмес, же анайда ок 122 ле 155-миллиметровый гаубицаларды көндүре адышка көчүрер жакару эткен.

Анайдарда, лейтенант Будуевке артиллеристтердин бектенген жерлерине, фронттын баштапкы чийүзине связьтин линиязын өткүрер керек болгон. Будуев бойынын связисттериле кожо бу ишти кыска ойдин туркунына бүдүрип салган. Же качан танктардын историяда мынаг озо болбогон тартыжузы башталарда, телефоннын эмиктери улам ла үзүлүп тура берген. А жер ле тегери бириккен бу жуу-согушта оны жазаары сырагай женил эмес болгон.

Командирдин көзинче онын эн артык нөкөрлөри жен жастанып жыгылган, а олорды солыыр улус там ла там астап турган. Бу тушта лейтенант жалтанбазын ла эпчилин көргүзип, артиллеристтердин командный пунктла үзүк жок колбулу болорын жеткилдеерге, жуу-согуш өдүп турган жерлер жаар бойы көп катап барып жүрген.

Жууда улус жаантайын жедишпей жат. Взводто связисттер жедишпей барганда, лейтенант Будуев жедикпес-тутакты түзедерге бойы баратан. Мынаг улам ого көп катап жүрүминин бегин ченеерге келишкен.

Корпус Харьковский областьта Ахтырка гөрдтын жанында ууркүч жуу-согуштар өткүрип туратан. Оштү, темир жолдын станциязын колынан ычкынбаска, бистин ичкерлеп турган черүлерге улам сайын жандыра согулталар эдип турган. Кейде өштүннн бомбардировщиктери

айланыжып, жерде танктары табарып тургандар. Же бистин черүлөр гордоты тўней ле жайымдап алгандар. Бу женил эмес жууларда взводтын командири колбуны жаантайын жеткилдеп тура, көп тоолу связисттерин жылыткан. А ичкерлеш ошон ары Днепр сууга жетире улалган. Мынан улам корогон жуучылдарды жагы солдаттарга сольырга келишкен.

Бистин черүлөрдиг алдына уур-күч ченелте тура берген. Олорго Днепр сууны форсировать эдер ле, а связисттерге бастыра аппараттардын үзүк жок ижин жеткилдеер керек болгон. Суунын сол ло он жаратарынын ортозында бек колбу болор учурлу.

Текшивойсковой подразделениелер ле частьтар келер жуу-согуштарга белетене бергендер, а связисттер телефоннын эмиктерин суунын тўбиле өткүрерин баштагандар. Олор бойыннын командирине баштадып, кабельди жүктенип алала, учураган ла немелерден: тоормоштордон, баржалардын ла кемелердин арткан-калган жосторынан, жыгылган агаштардын тазылдарынан тудунып, Днепрдин он жарады жаар жүскендер. Оштўнинг снарядтары ла миналары олордын ўстине урула берген... Связисттер суунын он жарадына чыгып келерде, олорго плацдармды колго алган жалтанбастарла кожо фашисттердин табаруларын туй согорында туружарга келишкен.

Лютежский плацдармды элбедери башталган. Телефон ажыра колбу тударын база элбедер керек болгон. Ол элбедилип те турза, же орудиелердин снарядтарынын, самолеттордын бомбаларынын, миналардын осколоткорунын улам сайын ўзўлип турган. Связисттерге, чындап та, сўрекей күч келишкен. Же олор жана баспай, суунын сол ло он жараттары телефон ажыра колбулу болорын жеткилдеери аайынча жакылтаны бўдўрип салгандар.

Плацдармдагы черүлерле жаантайын колбу тударын жеткилдегени учун лейтенант А. С. Будуев «Кызыл Чолмон» орденле кайралдаткан.

Украинанын төс городын — Киевти жайымдаар тушта связисттерге база да көп иштеерге келишкен. Оштўнинг тыгыда коруланган жерин ўзе согор амадула корпусын бастыра артиллериязы кўндўре адышка кўчўрилген. Онын учун связисттер командованиеле жаантайын колбу тудуп, атакага барган подразделениелерле кожо ичкери баргандар. Киев жайымдалган кийинде, корпус жуучыл техниказын алдындагы кемине жетире орныктырып, астай берген жуучылдарга ўзеери жагы солдаттар кожуп, 10 кўннин туркунына городто турган. Украинанын төс городы учун жуу-согуштарда корпуска көп жылытулар эдилгени бу мынан жарт билдирип жат.

— Онын кийинде связисттер пехотанын баштапкы отрядтарыла кожо Львов город жаар ичкери чурап баргандар — деп, А. С. Будуев эске алынып куучындайт. — Менин взводымнын солдаттары жаан ла оок жуу-согуштарда арып-чылаарын билбей туружып, командованиеле колбу тударын билгир жеткилдегендер...

Львов город бистин черүлөрдиг кийинде арткан. Анда ок Будевтин көп жуучыл нўкўрлори карындаштык мўнкўлерде арткандар.

А тирүү арткан черүчилердин ичкери алдында — СССР-дин государственнй граны. Једимге оморкоткон пехотинецтер, артиллеристтер ле танкисттер фашисттердин туштаган ла коруланар јерлерин колго алып, ичкери јүткип тургандар. 1944 јылдын август айынын баштапкы күндеринде связисттер командованиеге сүүнчилү јетируү ийгендер. Анда бистинг баштангы черүлер Польшанын Пшемысль городынын јанында СССР-дин государственнй гранын кечкени керегинде айдылган.

— Кызылчерүчилердин оморкогонинын учы-кыйузы јок болор деп билдирген. Городтыг эл-жонынын, айса болзо, олјочылардын мендей-шигдей јазаган ак флагтары городтын тураларынын көзнөктөринен ле јабынчылардын үстинен көрүне берерде, кижии канайып сүүнбес! — деп, Алексей Сергеевич айдаг. — Бу керек меге де, менин јуучылдарыма да кандый јаан сүүнчи јетирген деер. Јуу учына јууктап браатканын бис шак ол тушта јарт сескенис.

СССР-дин государственнй гранын кечер тушта связьтинг подразделениелерин билдир башкарганы ла јуучыл операция једимдү өткөни учун лейтенант Будуев Ада-Төрөл учун Улу јуунын II степендү ордениле кайралдаткан. Онын подразделениезинин јуу-согуштарда аңыланган связисттери јуучыл кайралдарла база кайралдаткандар.

Једимдер ле јуу-согуштар өскө јерде өткүрилип башталганы јуучылдардын ийде-күчини онон ары көптөткөн. Связисттер пехотала кожо Краков город учун башталган калапту јуу-согуштарга токтоду јоктон ичкери баргандар. Је олордын јольна сақыбаган јанынан бир «буудак» тура берген. Гран ары јанында башталган јуулар связисттерге јаны уур-күчтерлү болгон. Телефоннын эмиктери јаңыс та бомбалардын ла снарядтардын јарылыжынан эмес, је анайда ок 1940 јылдан ала Польшанын јеринде уйаланган фашисттердин колынан јаантайын үзүлип турган. Фашисттер связьти өнөтийин үреп тургандарын связисттер јаны ла тартылган кабельдин јанында тозу төзөйлө, јарт билип алгандар. Мындый айалгада сок јаңыс эп-арга — радиоколбуга көчөри болгон.

— Је онызы келер өйдө болгон — деп, взводтын алдындагы командири куучындайт. — А ол тушта биске фашисттердин каршулу керектеринен улам болуп турган једикпес-тутакарды түрген-түкей јоголтып, телефон ажыра колбу тударын онон ары улалтарга келишкен.

Краковтын алдында өштүнин бомбардировщиктери связьтинг бастыра линияларын айдары јок тыг үреп салгандар. Мынан улам взводтын ончо јуучылдары үзүк јоктон јарылып турган бомбалардын ла снарядтардын ортозында связьти ойто орныктыргандар. Је анда, Краковтын алдында, көп тоолу солдаттар јуучыл јакаруны бүдүрерге барала, кайра бурылбагандар. Олордын тоозында јакшынак связисттер татар Авезов ло украин Сашенко болгондор. Олгөн јуучылдардын ордына командир үзүлген эмиктерди бириктирерге бир катап бойы барган. Је сақыбаган јанынан једе конуп келген немецтерле јаңыскан адыжып турала, ол уур шыркаладып ийген. Је онон озо ол телефоннын эмиктерин бириктирип салган.

Лейтенант Будуев госпитальда жадарда, ого башкарунын бийик кайралын — Ада-Төрөл учун Улу жуунун II степеньдү экинчи орденин бергендер.

Госпитальда эмденип, шырказы жазылган соңында, оны 4-чи танковый Кантемировский дивизияга ийип жатканын билип алала, ол бойынун подразделениезине барарга көп катап суранган. Анда онын көп жуу-согуштарда кожо турушкан нөкөрлөри болгондор.

Же жакару — ол жакару ла! Будуев Одер сууны форсировать эдер алдында фронтко једип келерде, оны дивизиянын радиостанциязынын начальнигине көстөйндөр. Онын Одер сууны кечери башталган. Танктар понтоннын күрле сууны кечип, сол јаратка једип барарда, дивизиянын командиринин бастыра жакарулары ла јакыталары радио ажыра берилери башталган. Танктар немецтердин коруланган јерин үзе сого-ло, Одер ле Шпрее суулардын ортозында оштүнниң јаан группировка-зын курчап алган. Курчуга кирген немецтерди оморды ээчй барып јаткан мотострелковый частытар корулап турган. А танкисттер токто-ду јоктон Шпрее сууны форсировать эдип, вермахтын мактулу генералдарына баштаткан арткан-калган частытарды јоголтып баштагандар. Дивизия Дрезден јаар јүткиген. Же кенетийин лейтенант Будуев бийиктей турган штабтын комдивке ийген жакарузын «тудуп» алган. Бу жакару айынча дивизияга, маршрутты түрген солып, түштүк јаар, Праганын түймееи көдүрөөчилерине, болушка барар керек.

Танкисттер Чехословакиянын немецко-фашистский олјочыларга удурлажып турган албатызына болужарга ойинде једип келгендер. Чехтер совет жуучылдарды колдорында чечектерлү утыгандар. Жуучылдардын ортозында бистинг јерлежис Алексей Сергеевич Будуев база болгон.

Одер ле Шпрее сууларды форсировать эдеринде турумкайын ла јалтанбазын көргүскен танкисттер башкарунын кайралдарыла кайралдаткандар. Дивизиянын командири генерал Полубояров Алексей Сергеевич Будуевке Ада-Төрөл учун Улу жуунун I степеньдү орденин табыштырган.

Ада-Төрөл учун Улу жуу А. С. Будуевке бу мынайда божогон. Ол төрөл јерине јанып келген. Же ол алдында талдап алган јолыла барарынаг мойноп ийген.

— Фронттогы јолдор мени кайдаар ла апарганда, меге ончо јерлерде бистинг Төрөлистинг ле Европанын ороондорынын өртөлгөн лө жемирилген јүстер тоолу јурттары ла городторын көрөгө келишкен — деп, А. С. Будуев куучундайт. — Менин алдымда јайрадылган промышленный предприятиелер јаткан. Албаты-хозяйствоны орныктырарга башка-башка специальностьту мундар тоолу строительдер керек болтонын мен јакшы билип алгам, керек дезе черүде тужымда мен строитель болорго бек сананып алгам...

Новосибирсктеги строительный техникумды үренип божоткон кийинде, ол Горно-Алтайскка јанып келеле, «Горно-Алтайскјуртстрой»

тресттин строительный организацияларында иштеген. Мастер А. С. Будув М. И. Калининниң адыла адалган областной библиотеканы тударында эрчимдү турушкан. Онын башкарганыла городто көп туралар тудулган.

Эми ол туку качан амыралтада. Же Алексей Сергеевич ойди калас качан да өткүрбейт. Ол городтогы школдордын үренчиктеринин күүнзеген айылчызы. Үренчиктерле туштажулар болгондо, Алексей Сергеевич фашизмге удурлажа өткүрилген жуу-согуштарда совет жуучылдардын ат-нерелү керектери, айас тегеринин алдында амыр-энчү жадын-жүрүмге јединерге кандый жылайтулар эдерге келишкени ле төртөн жылдын туркунына орооныс кандый јаан једимдерге једип алганы керегинде јилбилү эрмек-куучындар өткүрет.

Ефим Медведев

ӨЛГӨНДӨРДИҢ ТООЗЫНДА ЈОК

Койу агаштар ортозыла састы шерделеп јазалган јолдо автомашинаны тыг силкирде, старший лейтенант Григорий Курускановтын госпитальда јадып эмеш јазылган шыркалары ойто ло оорып, сыстап баштаган. Литкези тыг сьстайт, кулактарында шуулаш өтпөйт, көстөрине јажыл оттор көрүнөт. Григорий буттары шыркалу да болзо, јойу басса торт болор эди деп сананып браадат. «Јол эмес, чек ле кийим јунар доско. Билген болзом...»

Бу автомашинанын шоферын Григорий штабка јетир деп, чек ле јайнап сураган эди! Бойымнын полкыма бачымдап барып јадым, ол кайда да Брянсктын ары јанында дешкен. А ол, Курусканов, бүдүн-јарым айды госпитальда өткүрген.

— Сен јокко өштүге чыдап болбос деп турун ба? — деп, машинанын «ээзи», јажы јаанай берген, јүлинбегели удаган, чылбар фуфайкалу ефрейтор-шофер куучындаган.

— Чыдаар, онызы јарт. Же кажы ла солдат бойы учун жуулажып јат. Мен анда болбозом, сен болбозон — фашисттерди кем жуулайтан? Јетирген учун мен сеге бир банка тушенка, јарым өтпөк калаш берейин...

— Бойсын, тушенканды ла калашты бойына арттыр, сеге ол керек. Вот махорка эмеш берзен — макалу болор... Кузовко чык.

Курусканов бир пачка папирос алып берди.

Атандылар. Шоферло коштой карый берген үй кижии отурды. Ол төрөл Бежица город јаар јанып брааткан эмтир. Онын учун Курусканов-сөс јоктон кузовко чыгып алды. Кузовто үч эжер автопокрышка, кайыр-чактар, таарларда не де бар. Байла, машинанын запчастытары болор. Курусканов кайырчактардын бирүзинин үстине отурып алала, керектер келиже бергенине карандыра сүўнип, — «Је, јортолы! Јолыс түс болгой» — деди.

Фронттогы жол... Оны кем жазаган, түзөткөн деер? Баштап тарый жол тапту түс болды. Машинаны тын силкибей турган. Курусканов пилотказын тереңжиде кийеле, жолдын эки жанында жалаңдарды, быжып клееткен арышты, анда-мында өскөн агашты, күйүп калган машиналардын ла автобустардын, журттардын арткан-калганын кунукчылду көрүп браатты.

Калганчы жуу сагыжына кирет. Онын учына жетире Курусканов турушпаган.

Дивизия Орел городтын түндүк жанында коруланып турган өштүн Ожигово деремненин жанында жуулайла, ичкери табару эдип барзын деп жакару алган. Деремне бойы жоголып калган. Жаңыс ла командирлердин жуу алдында жазаган карталарында мында андый деремне бары темдектелген. Курускановтын ротазынын ичкери алдында андамында печкелердин трубалары көрүнүп турган. Деремне жок. Печкелер та канайып арткан? Олорды артиллериядан аткылаган, штурмовиктер «жулдаган». Олор десе турганча! Курусканов немецтерди баштапкы окоптордон чыгара сүрөргө ротазын ол печкелер жаар орды жок деремнени жайымдаарга апарды.

Рота жүгүрүккө баштапкы траншеяга жеделе, немецтерди кырып, кезиктериле колдомдожо берген. Командири Григорий Курусканов траншеянын кырына жедер кажы жанында көстөринин алдына от жалт эделе, бойун кейдин толкузы өрбө көдүргөн.

Санитарлар оны абрага салып турарда, сагыжы кирип келген. Баш чойдый, кулак чек тунуп калган, не де угулбас, буттары тын сыстайт. Контузия. Буттар шыркалу. Керектер коомой. Сырагай ла эби жок өйдө стройдон чыккан. Каңчанчы катап андый болуп жат. Шыркалар көп. Кайрал бир де жок. Абрада жада, баштапкы жуу сагыжына кирди.

Сержант Курусканов турган рота Күнбадыш фронтко 1941 жылда декабрь айда келген. Эшелоннон Сухиничи станцияга жетпей, кандый да ады жок полустанокто түшкөн. Ротага патрондорды ла гранаталарды береле, Сибирьден келген дивизиянын полкторы сайын үлеген. Ол ок түнде кайын аралда өштүгө табару эдерге жазанып алдылар.

Алдында ыраак жок төндө деремне көрүнөт. Оны кенете табару эделе, алар керек. Кенейте табару эдерге күч. Курлаага жетире карлак жалаң. Кажы ла алтам жерди немецтер минометтордон, артиллериядан аткылаарга ажындыра белен.

Таң адып келерде, теңгери өрбө адылган жажыл ракетала рота ичкери болды. Жалаңга жедеп-жетпей ле жүрерде, немецтер минометтордон аткылап баштаган. Анча-мынча болголокто — ротанын тал-ортозы жок. Ожинине шыркалу, тумчугу ужып калган Курускановты Калугадагы госпиталь жаар аткаргандар. Анда врачтар эмдеп жасканча үч ай өткөн.

Госпитальда жазылган соңында Курусканов фронтко барбай, младший лейтенанттардын курсында үренди.

Армиянын штабына келген лейтенант Курускановло куучындажала, — «Биске взводтордын командирлери керек. Сен ротанын команди-

ри болорың, үч ай үренип турганча шыркаларың учына жетире жазылар, жуулажарга үренип те аларың. Жөп? Бичип жадым: Курусканов Григорий Яковлевич. 1922 жылда чыккан. Алтай. Комсомолец, черүге Турачактагы райвоенкомат алган...» — деди.

Анайда ол офицерге үрене берди. Шырка жетире жазылбаган, узикте тың сыстап жат. Же Курусканов нөкөрлөриненг сондобоско, улустың учына түшпеске сананат. Уредү уйан, не де эмес. Мында үч айдың туркунына уставтарды үренер, мылтык-жепселди, тактиканы үренип билип алар, политический уредү жанынан бийик кеминде мылтык адарында чечен болор керек. Чырмай ла, курсант Курусканов!

Бир катап колмылтыктан таңма адарда Курусканов ончо улусты — курсанттарды ла командирлерди кайкатты. Бежен метрден фанерада жураган фашисттин маңдайына беш ок тийдирген.

— Сен мынайда чечен адарга кайда темиккен? — деп, ротаның командири сураган.

— Айлымда, нөкөр лейтенант, Алтайдың аба-жыш тайгазында. Менде кырлу мылтык болгон, чактырмалу. Билереер бе, андый мылтыкты. Оозынан октоп жат.

— Петр Первый тужында чылап па?

— Эйе, байла, ол өйдөгү черү андый мылтыкту болгон болор. Ол кырлудан мен тийиннинг терезин үребеске көзине адып туратам. Тийинг деп кичинек анды билереер бе? Борбок куйрукту, кутус анычак.

— Чын эмеш пе?

— Андый мылтыкты береер, көргүзейин!

Жуугында турган курсанттар каткырышты.

Адары жанынан Курусканов, чындап та, чечен болгон: колмылтыктаң да, бешадардан да, «ППШ» автоматтан да, «Максим», «ДП» пулеметтордон до.

1943 жылда март айда Григорий фронтко атанган. 18-чи гвардия дивизияда взводтың командири болордо, бир катап Бухань разьездтинг жанында келип жаткан өштүлерле пулеметтон адыжала, кайра сүрген.

Жуулажа-жуулажа келерде, взводто жүк ле алты кижиге арткан: үчү-зи бешадарлу, экүзи автоматту, бир солдат колпулеметту.

— Сен, уул, экинчи номер бол. Диск-магазиндерди көр, ончозы окту ба, жок по — деп, рядовой Симаковко айтты. Оскөлөрине, — мениң жакаруумла адараар — деди.

Немецтер бежен метр кире жууктап келерде, взводтың командири жакарды:

— Адаар!

Фашисттер андый болорын билбеген. Көп солдаттар ол ло жерине жап эткен: адыш, анчада ла пулеметтон, чечен. Арткандары жада бергендер.

— Же фашисттердинг мында ла балы бадар — деп, взводтың командири болушчызы Симаковко айтты. — Экинчи дискти берет. Түрген!

Дискти солып турганча, фашисттер тура жүгүрө, ичкери тап эдерде, ол ло тарый Курускановтын «ДП» пулемеды оморды, өлөндү чалгы чылап, кыркып ийди.

Ол тушта Григорий Курусканов бастыраы да эки күн жуулашкан. Катап ла — госпиталь. «Мен ырыс жок кижн. Же кем жок, баш бүдүнн жакшы» деп, ичннде сананып жүрди.

Же жайгыда Орел городтын түндүк жанында өткөн жаан жууда Курускановтын бажына база жедишкен. Контузиядан жаман неме жок. Эмди агааш аразында колосколу жерлерде шерделер салып жазаган жолло автомашинанын үстннде барып жада, контузиянын шыралузы база ла билдирип туру. «Эмди кайткай не, фашисттер менин тыныма жедер ок уруп алды эмеш пе?» деп сананып бар жатты.

* * *

Старший лейтенант Курусканов передовойго жедеп жүргенче, дивизияны армиянын экинчи эшелонына эмеш амырадарга, ол айас корогон жуучылдардын ордына жагы улус кожорго апарып салыптыр. Дивизия тылда узак болбогон. Удабай жагы жуучыл жакару келди.

Курусканов дивизиянын штабында кадрларла башкарап майор Маркинди табала: — Службаны онон ары өдөргө келдим! — деди.

— Келгенин жакшы, старший лейтенант. База бир-эки час оройтыган болзон, бисти мында таппас эдин. 53-чи стрелковый полкко ротанын командири болуп барарын. Полк вагондорго отуруп алган. Бачымда.

Станцияда бойына керектү поездти түрген таап алды.

— Ротаны жедер жеге жедеп алала аларын. Эмди эшелоннын дежурныйы бол. Керектү жакаруны штабтын начальниги берер — деп, батальоннын командири майор Невзоров Курускановко айтты.

Ноябрь айдын баштапкы күндеринде батальон Великие Луки городтын жанында түшкен. Дивизия Калининский фронтто. 18-чи гвардия дивизия көнү өскөн агаштардын ортозында турды.

Курусканов ротаны алала, жууга киргелек солдаттарды үредип, тазыктырып баштады. Мында жинт жуучылдарды үреткедий кырландар, төгдөр, састар көп.

Кыш жедеп келди. 10 ноябрьда дивизия жуучыл жакару алган. Амыраныш, үренип божогон. Дивизия жүс километр жер өдөлө. Пустошка станциянын жанында жуулажып турган 3-чи ударный черүге барып кожулар учурлу.

«Ол немецтердин тылы эмеш пе? — деп, Курусканов картаны аяарып, сананат. — Жоу жүс беристе өдөтөни ойын эмеш, же бистин уулар чыдажар».

* * *

Немецтердин обороназын үзе соготон жеге — эки көлдин ортозына түнде жеттилер. 18-чи гвардия дивизиянын командири генерал-май-

ор Завадовский корпусун командиринен алган жакаруда айдылды: «15 ноябрьда эртен тура 8 часта Мишово — Денисово — Горкиде 115-чи стрелковый дивизияны солыла, өштүдөн Себеж-Пустошка жолды жуулап алар».

Курускановтын ротазына Горки деремнени өштүдөн жайымдаар задача тургузылды. Кайу өткүрер ой артпаган. Артиллерия өштүниги турган жерлерин аткылап баштады. Курускановтын командазыла рота тура жүгүрөле, ичкери болды. Деремнеге жетире жарым жолды өткөлөктө, өштү ротаны артиллериядан, минометтордон, пулеметтордон аткылап баштады.

— Жат!

Ротада көп улус шыркаткан ла өлгөн, артканы командирдин жакарузыла жада түжеле, күректерле казына берди. Курускановко бу учуралда ок тийбеген. Снарядтар от-алыжып турганына көдүрилген кара туман жер ле теңерини бириктирип ийгендий. Жадып, неме болбос. Ол тоозынды тузаланып, ротанын артканын кайра эмес, ичкери апарар деп командир шүүнди.

...Анайда ротанын арткан-калганы ичкери бололо, деремненин жаказында огородторго једип алды.

Түнге жетире сакыйла, Курусканов өштүни эки жанына жуулаар деп сананды. Эки взводты ийеле, бойы беш солдатту азыгы жерде артала, өштүге мында рота арткан деп көргүзөргө пулеметтордон, автоматтардан тын адып баштады. Ол өйдө взводтор коруланып алган фашисттерди жарымдай курчай алып, эки жанына жуулаарда, өштү чыдашпай деремнеден качкан.

Батальоннын командирин ол ло тарый Горкиге келеле, Курускановты жаан јенүле мактады.

— Молодец! Сени башкарунын кайралына берерим. Јакшы жуулашкан улустын списогын бер, оморды база кайралдаар керек. Улусты азырадын ба? Патрондор бар ба? Батальон танг адарга жетире Васьково деремнени жуулап алар учурлу.

Гвардеецтер Васьковоны ол күн түнде база жуулап алгандар. Је фашисттердин командованиези 18-чи гвардия черүге удурлаштыра јангы көп черү, жуулажар техника, ол тоодо «Фердинанд» орудиелер тургускан.

Ол күн Курускановтын ротазына, Невзоровтын батальонына сүрен күч болгон. Немецтер гвардеецтер турган јерди артиллериядан, минометтордон аткылап, авиацияла бомбалап божойло, көп катап атака эткен. Керек арай ла колдомдорго јетпей турган. Је өштүниги ончо атакалары туй соктырган. Көп улусын кородоло, фашисттер бойлоры корулана бергендер.

4 декабрьда ротанын командирин старший лейтенант Григорий Курусканов төртинчи катап шыркаткан. Шырка жаан эмес — ок сол колдын алаканын өткөн.

Ол өйдө 18-чи гвардия дивизия командующийи генерал Галицкий

болгон 2-чи гвардия черүге кожулган. Шырка бир эмеш жазылып келерде, Курусканов госпитальдаг суранып чыгала, бойынын ротазына једип барды.

—Сенин азыйгы ротанга көп улус артпаган. Көп жаңы улус келген. Је оло орчозы јуулашкан улус. Гвардеецтер... — деп, майор Невзоров айтты.

Эртезинде ле гвардеецтер ичкери јуулап баргандар. Курускановтын ротазына өштүнүн артиллериясына аттырып, тогуп калган Ласвидо көлди кечеле, ол јарадында өштүни јуулаарга келишкен. Оштү отурган јаратка ротадаг јүк ле јирме кире кижі јеткен: өскө улус өлгөн эмезе шыркалу арткан. Батальоннын арткаг роталары јаратка једип болбой, тоштыг үстинде јадып калган эмезе кайра болгон.

Јирме кижі — рота эмес. Оштү отурган јерди көнү јуулап аларга күч. Тап ла эдип тура јүгүрзе, ол ло тарый пулеметтор, автоматтар кырып салар.

Канайдар. Курусканов эн ле чыдалду жалтанбас беш уулды талдап алала, өштүнүн окопторынын алдыла тартылган атпаалду сабактарды кезеле, өскө јуучылдар једип келгенче өткүштер эдер деп сананды. Беш кижі ак жабынчы-халаттар кийип алып, ичкери јылып, сабактарга једеле, иштене бердилер. Он минут өткөн соңында өткүштер белен. Курусканов ротадаг арткаг солдаттарды јылышла јетирди.

Эмеш амыранала, рота өштүнүн окопторына чурап барала, фашисттерди колдомдоп, ол јерине адып, бир дзотты ла блиндажты јуулап алды. Он колына шыркалаткан Курусканов эки катап кызыл ракеталар божотты. Ол «Рота өштүнүн траншеяларын јуулап алды» деген јетирү. Удабай батальоннын арткаг роталары једип келген.

База ла катап госпиталь, бежинчи шырканы эмдеп јат. 1944 жылда июль айда Курусканов госпитальдаг чыгарда, онын төжине Кызыл Чолмон орден тагылды. Фронтко капитан болуп једип барды.

17 августта капитан Курусканов база катап алтынчы катап шыркаладала, госпитальга кирген. Анда эмденип јада, Турачак райондо Суронаш јурттагы карындажы Михаил Курускановко бичиген: «Эн ле күч ой өдө берген, шыркалар жазылып барып јат. Удабай чыгар болорым».

Чын. Капитан Курусканов госпитальдаг чыккан. Ол ло тарый фронт јаар атанала, бойынын гвардия дивизиясы јаар барды. Ол тушта өштүнүн авиациясы темир јолдын станцияларын, јолло барып јаткан автомашиналарды тыг бомбалап турган ой болгон. Капитан Курусканов дивизиясына једип барбаган.

* * *

«Өлгөндөрдиг тоозында јок» деп, Курускановтын билезине Москвадан бичик келген. Онын сөөгү кайда јадып јат? Оны билер кижі јок.

Москвада Кремльдин јанында садта солдаттын сөөгін јууыла, үстинде салган плитада «Сенин ады-јолыңды кем де билбес. Сен ат-

нерелү жуулашканынды, албаты-калык качаннын качанга ундыбас» деп бичиген.

Григорий Яковлевич Курускановло кожо жуулашкан Кызыл Маанынын, Суворовтын орденинин 18-чи гвардейский стрелковый дивизиянын жуучылдары, баштарынын чачы буурайган ветерандар, ол сооктин жанына келип, шак мында гвардиянын капитаны Григорий Курусканов ло мундар тоолу андый ок геройлордын сооги жуулган дежер.

Кузьма Поклонов

КУРЧУДА БОЛГОН КЕРЕК

(Куучын)

Керек Украинада болгон. Мен командирдин ат алаачызы болгом, а Борис Тарасенко, украин уул, санинструктор. Бир катап бис бомбашка учураганым. Ротный «кей!» деп кыйгырарда, бис жалаң башка чачыла бердис. Немецтер ол ойдо улустын күүн-санаазын чайбалтар тал-табышту атакалар тузаланып туратан. Айландыра өрүмдеп койгон темир бочколорды бомбаларла кожо самолеттон таштап ийетендер. Куру бочколор кижиге тийбесе, тын ла коркышту эмезин бис билерис, же түңей ле онын жүрекке өдөр тал-табыжынан, аргалу болзо, жердин алдына да киргедий качатаныс. Бийиктен келип жаткан куру бочколор сыгырып та эмес, торт ло жүс абызындалып алгырып, кыйгырып туратандар. Кижинин санаазында эмди ле та не де боло бергедий, чачы атрайып, эди-капы жымырай берер. Мындый айалгада, аргалу болзо, касканы буттын бажына жетире кептей тартар күүнин келер. Эрлик ле уксын ол коркышту тал-табышты. Биске удура та кандый да таппазы ла жок шилти отурганын бис ондоп ийгенис.

Же кем жок. Бомбалаза — бомбалагай ла, чыдажарыс. Бис кажыбыс ла жайынган жерибисте отурып ла жадыс, бой-бойлорыс керегинде нени де билбесиз. Орто-ортозында бистинг зениткалар оштүнин самолетторын, торсыктап турган ийт чилеп, тапылдада адып салат.

Оштү бомбалажын өскө жерге көчүргенин сезип, бажымды чыгарып көрзөм, самолеттор экинчи катап айланып жаттылар. Олордон та ненин де учун бирүзи сондоп калган кийнинен учат. Менен жүс бежен метр кирези ыраагында Борис жүгүрип клеет. Байагы сондоп калган кайракан бомбаны таштаарда, Борис ле менин ортобыста бомба жарылып, жер-тегери бириге берди. Бомба Бориске жуук ла жарылды ошкош.

Сананзам — керек уйан, нөкөрди аргадаар керек. Оштү айланыжып, катап табарарга белетенип турганча, мен нөкөриме једип бардым. Оны тобракла көмүп койтыр. Мен оны отурган оромо экелип, силкип жадып ондоп алдым. Мында бис бомбалаш божогончо отурып, шыркалу ла сербее улусты госпиталь јаар аткардыбыс.

Мен Бористи база катап көрбөс, ого туштабас болорум деп санангам, же керек сананганымла болбогон.

Мынаг беш ай өткөн кийинде, 1942 жылдын жазында, бистинг батальон курчуга кирген. Көп уулдар өлтүрткен, кезиги олжога киргендер. Арткандары жажыгылап, экиден-бирден курчудан чыккандар. Мен олжодон качкам, онон недеде кирези өйгө азып-тозуп жүреле, бир журтка учурагам. Бу журт өкөөр көрүнгөн, туралары апааш, оромдоры жажыл, ару болгон. А эмди оны өнөтийин ыштап койгондуй. Журттын тураларынын кезиги жемирилип калган, кезигинде көзнөк, эжик жок. Бир час кирези өйгө агаштын ортозынаг журтты аыктадым. Журтта тымык. Бүрүнкүй кирип турган. Мен тидини болбой база эмеш сакыйла, журт jaar бастым.

Браак баспадым. Учуроган ла баштапкы тураныг эжигин токылдаттым. «Шмайсеримди» адарга белен туттым. Кем де эжикти ачып jat. Эжикти чыгарган энем ачкан болзо мынайып кайкабас эдим! Алдымда Борис Тарасенко турарда, манзаарганыма сирейе када бердим ошкош.

Бис түниле ле куучындашканыс. Алдында Бористинг сербеетип галымзыраганы жеңил болгон эмтир. Оныг кулагы шыгырап, бажы айланып турган, оног ондоло берген. Ойто ло жуулашкан, же узак өйгө эмес. Курчуга кирген, олжолоткон.

— Баштап тарый немец калжу болгон, болор ло болбос неме учун кындакла туда беретен. Айдарга да болбос күч иштер эттирткен. Күнүг ле сайын улусты кыра адар, оморды биске көмдүртер. Же нени көрбөдим деер... Оног немецтинг калжууратаны эмеш киреленген. Тоолу улуска, омордын тоозында меге, айылдарында билезиле ядар jөп берилген. Омор жагы ядын-жүрүмнинг эжилери тыг ла кату эмес деп көргүзере санангандар. Бистинг журттаг жагыс мен. Бисти иштеерге сыр эдер заводко ийгендер. Же бис недедеде эки катап комендатурага барып темдектедер учурлу болгоныс. Анайдарда, мен бистинг улус келгенче айлыма бууладып койгом. Мен нени-нени кылынып ийзем, мениг билемди — үч баламды ла эжимди жуукага апарып божодып койгылаар — деп, Борис туйуктанып айткан.

Бот кандый айалгада бис болгоныс. Борис олжодо, онызы jарт, а мен кайда? Олжодо до жок, бистинг де улуска jеткелек. Чычканныг жагыла тураныг бүркүзининг алдында отураар болдым. Бир күн, бир недеде, база бир недеде отурдым. Же канчазын отураар.

Бир күн картошколу калаш экелген Бориске айттым:

— Меге чаазын ла jаман-жудык кийим экелип бер, бистинг улус jaar албаданып көрөдим!

— Өдүп болбозыг — фронт ырай берген. А мен сеге тегин де тузалу керек таап койгом.

— Партизандар дөбн бө!

Борис каткырат:

— Айылду болорыг, Петро Миройчы! Бир келин бар.

— Кокырлажатаң ой эмес ине, канай туруң!

— А мен кокырлабай јадым, эрген айылчы сагы.

Бу та нени таап алган, сананып, жартына чыгып болбодым.

Эрген тура айылдын жанында улус куучындашканы угулды. Жыртыктаң көрөм — ме, полицай туру. Ол фуражалу, жегинде жамы келелеген таңгышкынду, бойы жетен жашка шыдарлай берген тестек кижги. Оныла коштой Борис туру. Же сагып алганым бу эмтир деп, бойымды шилтедим.

Минут та өтпөди — Борис меге чыгып келди.

— Түш, старостага текпишти өрө кармактанарга жарабас, оның жаы да жаан, тоомжылу да кижги.

Мен баштап нени де ондобой, автомадымды ала койдым.

— Акыр, токто, аамайтыба, жуулажар ой келер!

Мен текпишле оның кийнинен түштим. Бис төр кып жаар өттибис.

Полицай мени аыктап отурала, айтты:

— Жараар, өңжүк уул эмтир!

Меге керектин аайы эмдиге ле јарт эмес. Борис менин алаатып турганымды көрүп, айтты:

— Сен ого јартап берзең, адабыс.

— Же мында нени јартаар. Сен бойың айттын ине ол жуулажарга, тартыжарга күүнзейт деп — ол мен жаар көрди.

— А сен не учун тартыжарга турган, уул?

— Улус учун — деп, каруу бердим.

— Бот сен улус учун, кичинек балдар учун тартыш, жуулаш. Мында төрт балалу бир тул келин бар. Балдары бирүзи бирүзинен кичинек — карган полицай полдон өрө темдектеп көргүзет.

— Жуулажышта тул келиннин кандый камааны бар! — деп, мен корододым.

— Акырзан! Куучындап турган жаан улусты токтодорго сени кем үреткен? А? Бот, унчукпай ла тур! Бот мындый келиннин өбөгөнин еврей дежип, адып койгондор. А келиннин адазы өлтүрткен кижги оның кызынын өбөгөни эмес деп угузу эткен, ондоп туруң ба? Немецтер балдарды өлтүрбезин деп карганнын угусканы ол. Эмди сен ол келиннин өбөгөни болорын, а балдар база сенин болор. Олорды быжу өлүмнен сен айрып аларын, онон мындый көп балдарды азыраарга база керек ине. Бот ондый керек.

Староста жүре берген, мен туранын үстине чыккам. «Бот, тың ла жуулаштын ошкош» деп, мен бойымды шилтегем.

Түнде уйкум чыгып шыралагам. Јүрегим торт ло типилдеп турган. Тындазам, тышкартында тал-табыш јок, тымык, турада база араай. Мен сананып, узак јаттым. Тул келин бу ла јердин кижизи ине. Оның өбөгөнин јурттын ончо улузы билер. Мен өскө кижги деп немецтерден канай јажыраар. Јурттан түней ле ийт ошкош неме чыгар, керектин чынын немецтерге јетирер. Мында мен бойым учун эмес, јаш балдар учун коркып турганымды билдим. Мен, жуу бир јыл мынан кайра да

башталган болзо, онын кинчек-шыразына шайый бергем, олүмди де көргөм. Оштүлөр жаш балдарды, үй улусты канайда карам-кайрал жок кыргылап көмгөндөрүн мен Бористен бого келген баштапкы түнде уккам. Оны угуп, мен сүрекей кородоп ачынгам! Не-не болзо, мени балдарла кожо адып койгой деп санандым.

Сен эмди Петро Мироныч эмезинг, сенин адыг Михай Егорович Коноваленко, а сенин үйининг ады Гана болор. Слерлер эмди ле та-ныжарыгар.

Бис тураныг үстинег түжүп, төр кып жаар өттибис, көрзөм — үй кижиг отуры. Лиит эмес, же жараш. Таныштыбыс. Комендантын алдына кандый болотоньна Борис бисти үреткен. Меге жагы документ табыштырган. Ол документ аайынча мен большевиктерге жаман көрдүргөн кижиг, түрмеден жагы ла чыгып, төрөл журтыма жагып келгем. Мен үйимле туштажатаньма тыг ла белетендим. Түнде староста мени журтан чыгара тартып, артырып койгон. Мынаг эртен тура мен «жанатан» учурлу болгом.

Жөптөшкөн аайынча мен эртен тура камык патрульдарды өдүп, комендатура жаар жүткидим. Мында староста сүрекей жакшы иштегени билдире берди. Мени торт ло сакыган немедий уткып турдылар. Бого Гананы балдарыла кожо алдырткылап келгендер. Менин жагы кайын адам база ла мында. Ол мени көргөн бойынча ыйлай согуп ийген. Комендант, кайкамчылу арык майор, меге амырайтан үч күн берди. Онон сыр эдер завод жаар иштеп барарын деди. Мени мынайып жылу уткыгылап ла турганча, менин «үйим» Гана калактап сыктай берди.

— Ой, Михай! Сок мени, же өлтүрбе, балдарыга эне керек ине! Сен эзен-амыр жагып келер деп билген болзом, журтыма кемди де кийдирбес эдим!..

— Уккам, кадыт, мен жокто кандый жескиччилү немени менин журтыма кийдиргенинди — мен Ганага калып барала, чачынан жыга тартып, токпкой бердим.

Же мында та не ле боло берди болбогой! Балдар кыйгырыжып ылашкан. «Кайын адам калжурый берген» мени кабыра кучактап, Ганадан туура тартат. Карган староста эдер немезин таппай, торт ло кыйгырып, ийиктелип турат. Көдүртке комендант столды жүдруктап, «век, век» деп, кежири кырландап кыйгырат. Кыйгырып турала, ол торт ло көгөрө берген. Бисти жүк арайдан комендатурадан ийде салып чыгаргандар. Гана айлына жетире «жаньс ла өлтүрбе, жаньс ла өлтүрбе, көөркий» — деп жайнап, ыйлап кыйгырган. «Кайын адам» мени тудуп-каап, чындык эмес үйимди «өлтүрерге» бербей турган.

Сыр эдер заводко ишке киргем. Борисле кожо бистин улус өштүни сүрүп келгенче мында иштегенис. Онон мылтыгымды алып, немецтерди күнбадыжы жаар сүрүшкөм. Фашистерден көп албатылар жайымдашкан...

Эмди сананып отурум: «Сүрекей жаан жуу болгон, улус миллион миллионьла кырылган. Жакшы улус килебеген болзо, Гананы төрт бала-

зыла кожо фашисттер өлтүрүп койор эди. Жакшы улус табылган, олорды быжу өлүмнөн айрып, аргадап алгандар. Мында менин үлүүм жаан эмес. Же мен балдарды аргадап аларга күчимди, эп-аргамды ончозын бергем».

Улууай Садыков

45 ЖЫЛДЫҢ ЭКИ КҮНИ

(Документальный куучын)

1945 жылдын май айы жаңы ла жаңырган. Апрель айдын учы жаар жаскы жааштар айазып, айас, жылу күндөр тура берген. Ол жыл жас та эрте келген болгон. Колхозчылар кыра ижине апрель айдын баштапкы күндеринде чыккандар. Мен ол тушта Боделукова Тостомой деп келинниг сегогы болуп, экү төрт атту кыра сүрүп турганыс. Иш жакшы жылып, бистинг колхоз кыра сүрерин учына жеде берген. Журттын одо-жында Чаңкыр деп кырдын эдегинде 6—7 гектар кирези кыра лап турган жер арткан. Оны ла сүрүп ийзебис, бистинг ижис божоор. Кыра тырмап, аш үрендеп тургандар база биске жедежип келгилеген болгон. Жаскы кыра ижи жаңыс ла бу жылда эмес, алдында да жылдарда жакшы өдүп, «Большевик» колхоз Шебалин аймакта ончо хозяйстволорды акалап, озочыл ады область ичинде жарлу болгон. Иш эрте тагнан ала бүрүнкүй тўнге жетире өдүп, улус арыдым, аштадым деп комыдабай, калганчы күчи чыкканча иштейтендер.

Күн өксөп, учура тўш боло берген кийинде Тостомой аттарды токтодоло, айтты:

— Аттарыс жобой берди, эбеш откорып алак. Онон башка, ажанар ойгө жетпей, арыгылай берер болор.

Бис алдында да күндерде аттарыс терлеп, күчтери уйдаа бергенде, албадабай, комуттарын уштыйла, эмеш откорып алатаныс.

Аттарысты откорып койоло отурзабыс, одоштой журттагы колхозтын конторазынын жанына улус жуулып, шакпыражып турды.

— Бу неге түймөп турган улус болотон? — деп, Тостомой ол жаар аяктап көрүп отурала, айтты. — Бу тегин эмес, не де болгон болор.

Онон көрүп отурзабыс, бир кичи кызыл мааны тудунып алган конторанын үсти өрө чыкты.

«Байрам күн көдүрбеген мааныны бүгүн неге учурлап көдүрүп жаткан болотон?» — деп, экү алаң кайкай бердис.

Бисле коштой жер сүрүп турган Мундукин Акча узун кайыш камчызын кургак өлөнгө шылырада сүүртеп алган базып келди.

— Экү нени аяктап отурыгар?

— Контораның жанында улус жүгүришип, мааны көдүрилип жатканын көрүп отурыс. Та не болгон болотон? — деп, Тостомой айтты.

— Кече Иван Иванович бистин черү фашистердин өргөөзин жуу-тап туру деп, картада Берлинге кызыл маанычак жапшырып жаткан жок по, жуу божогон болды? — деп, Акча уккан, билген кижги болуп, омок айтты.

Иван Иванович (оның фамилиязын кем де адабайтан) бистин колхозтын счетоводы, эстон кижги болгон. Ол 1943 жылда келген. Коркышту бичикчи, билбези жок кижги болгон. Оны Эстонияда министр болуп иштеген кижги дежиш туратандар. Эки балалу, жажы жаанап калган кижги. Ол бистин жерге та канайып келген, соныркап уккан кижги жок. Жуу божоордо, ойто жери жаар жүре берген.

Колхозтын конторазында жаан карта бар болгон. Иван Иванович ого бистин черүниң жайымдаган городторын темдектеп, кызыл чаазыннан маанычактар кезеле, жапшырып туратан. Картага жаңыс ла жайымдалган городторды эмес, фронттын чийүлерин база журайтан. Эртең тура конторага келген улус ол картаның жанына жуулып, жуу кайда өдүп турганы керегинде куучындажып туратандар. Иван Иванович колында карандашту фронт күнине канча кирези ичкерлегенин жартап туратан. Акча, байла, кече картагың жанындагы куучында турушкан болгодый.

Жаан удабай бир таң атту кижги бис жаар уулу чаап келетти. Жуу-тап келерде көрзөбис, колхозтын председателиниң заместители Корлокоев Чынар болуптыр. Акыр, бу кайракан бисти иштебей не отураар деп адыла бербезин деп, иштенерге жаткан улус болуп, отурган жеристен тура жүгүрдис. Чынар жеде конуп келеле, ат үстинен кыйгырды: «Нөкөрлөр, бистин черү Берлинди жуулап алган деп жетири келди. Рейхстагтын үстинде кызыл мааны кондырылган. Удабас жегү болор! Ижигерди токтодып, ончогор төмөн культстанга жуулыгар, удабас митинг болор. Аймактан кижги келген».

Акча бөрүгин ушта тартала, тегери өрө таштап, жардак үниле кыйгырды: «Ура-а! Берлин бистин колдо, удабас жуу божоор, Кураан, Иштенер, Бортко акамдар жан келер! Ура-а, ура-а!..»

Мен база бөрүгимди өрө таштайын дезем, байа изүркенеле, кыраның ол учына таштап ийгем. Таштаар немемди таппай турала, бозу терези жаргак тонымды уштыйла, саң өрө мергедедим. Жаашка өдөлө, тарбайа кадып калган таңма бийик учпай, талырт эдип, келип түшти. Сүүмжимди бадырып болбой кыйгырдым: «Ох, кандый жакшы! Менин адам база удабастан жанып келер! Ура-а, ура-а!»

«Эзен арткан улус жанып келеткен туру, жок улус кайдан келзин» — деп, Тостомой сүүнбей, карыкчылду айтты. Ол былтырдан бери өбөгөн Боделуков Табылгыдан письмо келбей туру деп санааркап туратан. Кезикте салданың сабынан тудала, өрө көрбөй, та кандый да комыдалду кожондор кожондоп келедер. Мен оны кайа көрөлө, тыңдалап, угуп барадырым. Кезикте үнин көксине түжүреле кожондоор

болзо, меге ыраакта немедий угулар. Оны та канай кожондойт бол-богой деп кайкап турарым.

Менин адамды келер болор деп сакып турганым тегин эмес болгон. Калганчы письмозын 1943 жылдын кыжында алганым. Онон бери письмо до келбеген, бичик те албаганым. Көп улустаң өлгөн деп бичик келген, адам керегинде неме жок. Карган адам жарын одырып, белге салганда айдатан: «Куушкан түшти. Олбөгөн болор. Јаңыс айлына јанатан јол көрүнбейт, байла, узакка барган кижн болгодый». •

— Ленинградтын үстиги јанында јуулажып турум деп письмолон эмес беде, ол коркышту ыраак јер болбой, онын учун јарында ойто јанатан јолы көрүнбей турган — деп, јаанам айдатан. Јаанамнын айтканыла болзо, ол јаман түш көрбөгөн, јууга барган уулдары экилези јанып келер.

Јаанам јуу керегинде кино болотон деп укса, бисти јакарып турар: — Ол киноны ары-бери буландабай, јазап көргүлсеер. Адаларыгарды көргүзип турган кино болды. Көрүнзе ле, меге түрген келип айдаар. Орус тил билбес те болзом, барып көрөтөм. Көзим кылбыкпайтан болзо, бойым да барып көрөр эдим.

— Ол камык солдаттардын ортозынан балдар оморды кайдан таныткан. Бир ле түнгей солдат кийимдү улусты кинодон болгой, колыннан тудала эзендешсенг де, бачым таныбазын — деп, таадам куучынага кирижер.

— Кижн кайдан билер оны, айса болзо, аалга јерге јаныскандыра турганы учураар, балдардын көзи курч, канай таныбас болор деп турун — деп, јаанам таадама сырагај јөпснбес. Бис те јаанабыстын сөзине бүдүп, кажы ла кинодон адаларысты бедреп турарыс. Качажып, кемиске де учурабас. Јаңыс ла бис эмес, өскө дө балдар ондый болгон. Кинодо чып-чын болгон немени көргүзип турган эмес, артисттер ойноп турганын ол тушта кем билген. Кийинде ондоп турбай.

Кульстанга јетире ыраак эмес болгон. Аатарыстын качагандарын тужап, немеге барбайтандарын бош агыдып ийеле, ончо кырачылар чубажала, культстанга келдис. Культстан дејип турган јерис — Шаман эмегеннин кышкыда аттар азырап турган јери. Мында пол жок, јер јабынчылу; сок јаңыс кичинек көзнөктү болчок тура, јаан аланчык айыл, канча-канча бөлинтилерлү аттын чедени. Айландыра чыт эдип калган кара агаш. Онын учун кышкыда мында ыжык.

Бис келзебис, јурттын алтыгы јанындагы јаланда јер тырмап, аш үрендеп тургандар јеткилеп келтир.

Колхозтын председатели Баит Матвеевич Могулчин, бригадири Лапасова Ечиш, счетовод Иван Иванович, база бир солун орус кижн тышкары тургускан столдын јанында сыр каткыда куучындашкылайт.

Сеялкала аш үрендеп турган Муқлаев Малчы омордын јанына базып келеле, ончозыла эзендејип, омок айтты:

— Берлин учун ичип ийер керек.

— Жарманды жегеле, жаскы кыра ишти божодоло, жаньс аай байрамдарыс — деп, Бант Матвеевич айтты. — Бүгүн байрам эмес, бистинг черү Берлинди алган деп жетириү эдерге келдис. Жаан эмес митинг болор, бу кижн жартап айдып берер.

— Акыр, бу Берлин дежерде, ол Жарманиянын төс городы бедн, балдар? — деп, аттар кабырып турган Жашпай өбөгөн сурады.

— Эйе — деп, Акча билеркеди.

— Андый болзо, жуу учына жууктажа берген турбай, жакшы, жакшы. Жер түбине барала, жен жастанып жыгылбагандар удабас жанатан эмтир. Аракы-чегенеерди эмештен азып, белетенип жадаар, келиндер.

Жашпай өбөгөннин жакарузын угуп турган кижн жок, ончолоры солун кижн нени айдарын сакып турдылар.

Ончо улус жуулган кийнинде Иван Иванович конторадаг экелген картазын болчок туранын стенезине илди. Ондо Берлин городты эбире кара карандашла чийүлейле, кызыл маанычак жапшырып койтыр. Фронттын чийүзи Берлиннин ары жанында болуп калтыр.

Аймактаг келген кижн көксин жөткүрип кениделе, орустап жартады: «Бистинг черү фашисттердин төс городын алган деп радио ажыра жетириү болгон. Эмди ондо калганчы жуулар өдүп жат. Германиянын жерин үч ороон курчап алган. Ары жанынан бери американдар, англичандар келип жат, бу жанынан бистинг черү. Фашисттердин бистинг черүле удурлаш коркыш, калганчы патронго жетире жуулашкылап жат».

— Бастыра жерин жууладып алала, неге иженип турган танмалар бу? — деп, Салак өбөгөн жастыра-мыстыра орустады. Ол өбөгөн бу жууга барбаза да, 1916 жыда черүге алдырып, кайдоөн дө ишке барып жүрген. Онын учун орус тилди эмеш-умаш билер болуп калган.

— Неге де иженип жат — деп, докладчик жартады. — Бистинг черүле омор өлгөнчө удурлашса, американдарга анаар ла олжого кирип турган. Оморло тын жуу-согуш та, көп өлүм де болбой жат.

— Женүге жедерге көп ой артпаган турбай — деп, анан-мынан үндер угулды.

Митинг божогон кийнинде такып ла ижиске бардыс. Тоолу күндердег жаскы кыра ижн божоп, тогузынчы майга жеттис. Ол күн колхозтын конторазында жаскы кыра ижн божогоньна учурлалган жаан жуун болотон болгон. Жакшы иштеген улуска баалу сыйлар беретен деп табыш угулган. Мен жуунга барарга шыйдынып турзам, кыштаг бери төжөктөн туруп албас болуп, жаан оорыган энем үни көксине түжүп калган шымыранды: «Сен жакшы иштеген, балам, нени-нени берер болор. Сенде жайгыда кийетен өдүк жок, өдүк беретен болзо кайдат. Жуу божоп жат дешкен, удабас адагар жанып келер болор. Мен ондолбос кижн болбойым, адагар келгенче абагарды, таайыгарды айланатан турыгар. Омор слерди өскүзиретпес. Операция эттирген болзом, ондолып айабас эдим, дохтырлар да менен чөкөгөн болгодый. Эмди иженетен неме жок. Улустын учына түшпей, кичеенип иштезеер, курсагаардан аштабазаар. Бой-бойыгарды көрүжип, килежип жүригер».

Энемнин бу эмеги калганчы айткан сөзи деп ол тушта ондобом. Жаргак тоным шалырап, јакшы иштеген кижі болуп, кандый бир сый келижер болор бо деп, контора јаар јүгүрдим. Мак эмес, Тостомой ло менин ижис јакшы болгон. Күнине норма аайынча алтан сотык јер сүрер керек болгон, бис онон бир де сондобой, аттарыс јакшы барганда, јетен сотыкка јетирип ий туратаныс. Ол тушта күндүк норманы бүдүрбей, культстан дөбн јанатан да јан јок болгон. Кезик кырачылар салдазына јоон эмдик аттар јегип, олоры күчи чыккалак тушта күнине бир гектардан да сүрүп туратандар. Тостомой ло менде эмдиктерди тудатан чак бар эмес, јобош аттарысты ла јаан јоботпоско араайына иштенетенис. Аттарыс арыза ла турарыс, өйди бир де калас өткүрбейтенис. Салдабыс та јазыла сынбаган. Тостомой ижине чебер, кижиге јалакай кижі болгон. Мени бойынын балазындый кичејейтен.

Конторага келзем, улус көп јуулып калтыр. Корлокоев Чынар фронтон кийип келген гимнастерказына «Кызыл мааны» орденин, гвардия значогын, мөңүн медалдарын јылтырада тагынып алтыр. Ол фронтон 1943 јылдын күзинде, аш кезип турар өйдө, јанып келген. Ол тушта јуудан андый көп кайралду улус келип турган эмес, улус орден, медал деп неме де аайлабас. Корлокоев Чынарды герой дејип туратандар. Герой кижини тегин ишке канай тудат, колхозтын председателинин заместителине јөптөгөндөр. Онын алдында бистин колхозтын председателинде заместитель јок болгон.

Колхозтын председатели Моголчин Баит Матвеевич јаантайын иште, ончо немени башкарып турар, онын заместители та нени эдетен, байла, Баит Матвеевич оорый-эштей берзе, ордына иштейтен болбой, бис оны аайлабайтаныс.

Бүдүрерге чокымдалган иш бар эмес, Корлокоев Чынар да көп керектерге киришпес, бойынын ла алдына салып јүретен. Улус оны та канай көрөтөн болбогой, меге ол сүрекеј јакшы кижі болгон.

Черүге ол јуудан озо 1939 јылда барган. Онын алдында колхозтын укту букаларын азырап туратан. Айыл-јурт јок өскүс кижиде онду кийим-тудум да кайдаг келзин, кыштын корон соогында тазап калган элик тере жаргак тонду јүретен. Ол тушта менин адам саар уйлардын фермазынын заведующийин. Тон јок шыралап јүрген Чынарды көрүп-чыдабай, бойынын кийип јүрген кой терези жагы тонын берген. Чынар оны ундыбаган болуптыр. Јуудан келеле, бисти көрүп, адагар меге килеген, соокко тонуп, шыралап јүреримде тонын берген эди деп айдып, биске болужар эп-аргазын таппай турар. Ол тушта колхоз трудкүнге күскиде эмеш аш үлеп, кыш, јас өйлөрдө сураган улуска арутаган үрен аштын куйругын, кылганду кара сулазын берип турар. Оны да көптөн бербес, Баит Матвеевич кемге де үч килограммнан көп бербейтен. Энем Корлокоев Чынардын киленкейин билип, мени конторага аш сурадып-ийзе, Баит Матвеевичтен эмес, Корлокоев Чынардан сура деп сүмелеп турар. Мен конторага келеле, ого тагынан јолыгарга кере ле тўжиле айланыжарым. Конторадаг улус айрылар эмес, андый учу-

рал чат келишпес. Кезикте ажанып баратан жолына тозорым. Суразам жок деп айтпас, чаазынды карманынан кодороло, тизезине салала, бичип берер. Оны не мынайып турган дезе, Корлокоев Чынар ашты кысканбай 5—6 килограммнан бичип беретен.

Баит Матвеевич те өрөкөн кысканып турган эмес, алмарда аш көп жок, жыл чыгар, ончо улуска эмештен де болзо једиштирер деп сананатан ошкүш. Бар ла дейле, күн эртеде ончозын үлеп койзо, эртенги, сонгзынгы күн нени јиир, оны база сананар керек. Кату өйдө калбак та аш тоодо. Онойтпозо, јонды канай башкарат, бир күн өткүрө тойу, экинчи күн чек торо отурарга јарабас. Оны билер ле кижги билер, санаалу ла кижги сананар. Баит Матвеевичти кезик улус кату, карам кижги дейтен, мен ого ол до тушта, эмди камык өй өдүп те калган кийнинде, бүтпейтем.

Конторага јуулатам улус ончозы јуулып, јуун ачылар ла алдында Беш-Өзөктөн тил јетиретен кижги келди. Ол тушта Шыргайтыда телефон до, радио до жок болгон. Келген кижиден угар болзо, аймактын төс јеринен бистин черү јенү алган, Германия олјолоткон, јуу божогон деп телефонло јетирү келген болуптыр. Оны уккан јерде ончо улус кыйгырыжып, бой-бойлорын кучактай алыжып турдылар. Јуунда иш керегинде јаан куучын да болбоды. Баит Матвеевич колхозчыларды јенүле, јаскы кыра ижи өйинен озо божогоныла уткып, озочылдарга баалу сыйлар табыштырды. Меге келишкен неме кату өдүк көктөйтөн үлекерлеп кезип койгон тере болгон. Ол до бүткүл өдүктинг эмес, јүк ле бажыннг, эдинзе кончын бойы табар керек. Бүткүл өдүктинг терезин берерге, байла, көп улуска једишпеген болбой. Өдүктинг бажы ла ылтагы бар болзо, онынг кончы неме беде. Јаргактан да эдип албай деп, өдүк жок кижги, алган сыйыма коркышту сүүнгем.

Акыр, алган сыйымды энеме апарып көргүзөр деп, сүүмјимди бадырып болбой, шык билинбес јанып келетсем, удур таадам оп-соп түжүп калган базып келетти. Ол тегин де соок бүдүмдү, андый-мындый немеге каткырбас-эштебес, кату кижги болгон. Арбанбас та, тал-табыш та чыгарбас, айдатан немени эки-үч ле сөслө кезе айдып койор. Таадамнын сөзинен бис качан да чыкпайтаныс, ол јангыс ла айлында эмес, бүткүл јондо тоомјызы јаан кижги болгон. Узы база коркыш. Колхозтын сынган камык чанактарын кыжыла јазаар, јай болзо, айрууштырмууштар эдер. Улустын түби ойылган көнөктөрин, казан-чөйгөндөрин түптееер, керек дезе, эки-үч башка оодылып калган шајын аяктарды јараштыра курчайла, бириктирип ийер. Ол тушта шајын аяк торт кересе болгон. Агаштан калбак, аяк, чуучак эдер болзо, улус чек блаажып турар.

Таадам анчада ла мылтык јанынан ус кижги болгон. Онынг кындагын эдер, кырын тартар, көрүмји жок мылтыктарга куулы, мөңүн боо-колдор эдип, сан башка этире јарандырып ийер. Онынг учун бистинг айылдан айбыланып јүрген улус јайга-кышка чек айрылбас. Кезикте өскө дө јерден келгилеп турар.

Таадама алган сыйымды жайа тудуп көргүссем, чырайын да эргиспей соок айтты: «Энең жаңы ла божой берди. Сбөөк жуурга болушсын деп улус айдарга барадым. Сен барып, Ечиштең ат сурап ал. Ол кыра сүрген аттарыгардын бирүзин берзин. Чанак керек жок, айылда бар».

Таадамның айтканы кулагыма бирде угулып, бирде угулбай, кандый да болчок неме көксимненг өрө көдүрилеле, бакурылыма кептеле берди. Тыныжым да буула берди. Нени де айдып албай, таралып, жыгыларга турдым. Онон байа бакурылымды бөктөгөн неме божодордо ло, тың багырып ий калтырым. Таадам мененг корко берген болбой, чырайы кугара берди. Алган баалу сыйымды таадамның жанына таштап ийеле, айлым жаар жүгүрдим. Болчок турабыстың эжигин ача таштайла, кире конуп келзем, агаш орында жаткан энемниң жүзин пладыла жаап койтыр. Турада кижиде жок, жаңыс ла жаанам энемниң кийимдерин жуунадып туру. Унчукпас эжем жуунда, Эрте ийним та кайда барган.

Жаан удабай таадам, эжем, Токпок деп экинчи жаанам келдилер. Эжем ыйлаарда, мениң көстөримниң жажы анаар ла быдырап төгүлүп турды. Келер өйдөгү өскүс жүрүмимниң шыразын билеле, ажындыра кородоп турган эмезим, ыйым ала-көнө лө келип турды. Бойым тегинде ыйлаак кижиде болгом, кезикте болор-болбос немеге «быштагымды сыгып», энеме чыбыктадып та туратам. «Бу учкан-кулугур өскүс артарын белгелеп, ала-көнө сыктап турган болбой» — деп, энем арбанатан.

Таадамның жакарузыла бригадир болуп турган Лапасова Ечиштең ат сураарга айлына келзем, мениң чырайымды көрөлө, сурады: «Не болды, таай? Бу жаан байрам күнде не ыйлап тураар?».

Мен оогош то болзом, Ечиш мени таайым деп байлап, слер дейтен. Ол жаңыс ла адымды байлаган эмес, жүрген жүрүмимде коркышту болушкан кижиде. Оскүс, аштап жүрген кижиге не керек, айылга кирип келерде, кижиде деп тооп, тойо азыраганы да коркышту жаан сүйүмү. Оны кижиде жажына ундыбай жат.

Жуунуң жылдарында бистер—бир ле түңгей оогош уулдар, фронтко баргандардын айылдарына кышкыда кургак одын тартып турарыс. Одын экелзе, бор-карла азырап ийетен улуска кургак агаш бедреп, арка-туунуң кырына чыгарыс. Байа соок, кижиге куру чайын да кыскана беретендерге ары кургак эмес, бери үлүш эмес, чыкту да агаш экелзе, кем жок. Андый улустың очередине жедип келгенде көп жобобойтоңыс. Ечиш жалакай, оорыбайтан болзо, эдинде кезип бергедий киленкей кижиде болгон. Ончо эр улус фронтко жүре берерде бригадир болуп, камык иш башкарган. Шыргайтынын колхозы жуунуң жылдарында жаантайын озочыл болуп, жаңыс ла пландарын эмес, үзүгү жок үзеери жа-кылталарын женүлү бүдүргенинде онын үлүзү жаан.

Мениң көзимниң жажы төгүлүп туруп келген сурагымды угала, айтты: «Эмди аттар бош, бойыгардын кыра сүрген аттарыгардын талдамазын тудуп алыгар, таай. База кандый сурак болор, келип айдыгар, арга-чагым жеткенче болужарым».

Мындый жалакай сөстөрдү угала, сагыжым жарып, аттар сугуп турган чеден жаар бардым.

Кандый да уур кош тартса найланбайтан кара адымды тудала, айдыма келзем, таадам сөөк жуурга чанак жаап жат. Ол тушта кижини олжоду, улус жайгыда да болзо, чанакла апарып, сөөк жуулза, апарган чанактын сындырала, онын үстине салып койотон. Энемди де анай жууган, сөөгинин үстине салган чанактын сыныктары бу жуукка жетире жадатан.

1945 жылдын май айынын экинчи күни... Май меге коркышту сүүнчилү болгон. Бистин черү Берлинди аларда, жуу удабас божоор, адам жанып келер болор деп ижендирген, же...

Жуунун түбегин, оны баштагандардын жеткерин ундыган арга жок. Оны кажы ла кижини жыргалду жакшы да ойдө, жүрүминде уур-күч те тушта эске алынып жүрөт.

КИЧИНЕК НАЈЫЛАРЫСКА

АК-КӨБӨҢ БААТЫР*

Жерди бүркей көк өзөрдө,
Агашты бүркей бүр жайыларда,
Камчыбыла жер кезерде,
Кайыкпыла суу бөлөөрдө,
Ак талайдыг жанында,
Ак тайганыг эдегинде
Ас та болзо жон журтайт,
Анча-мынча мал турдулайт.
Калык-жонды баштаган
Ак-Көбөң деп баатыр болтыр.
Табынду малды баштаган
Таакызы түгенбес тулбар жабага.
Ак-Көбөң баатырдыг жерине
Жыда-кылыш тудунып,
Жуулап бийлер кирбеген.
Ак малын тоскырар деп,
Казыр андар жууктабаган.
Амыр журтын чаксырадарга
Ачаптар өчтө баспаган.
Калык-жонун башкарып,
Камык малын кабырып,
Онойто амырап журтап турганча,
База бир күн көрүп турза;
Ак талай жарадынан ажа кайнап туру,
Ак тайга өрө көдүрилип силкинип туру.
Эр эжигин сакып турган
Эки көзи мызылдаган сары тайгыл
Урбес бойы үрер болды,
Улыбас бойы улыыр болды.
Аланчыкта отурган ала шонкор
Унин үспей калактай берди.
Мыны уккан Ак-Көбөң баатыр
Алтын-Оймок эжинең сурады.
Алтын-Оймок эжи

* Бу чөрчөкти А. А. Тыдыков 1922 жылда баят жеринде (эмдиги Кемеров областьта) журтаган теленет укту Тыдыков Орыска деп кижиден уккан.

Каруузын айдып турды:
— Сен сеспеген немени
Мен кайдаг сезейин?
Баатыр көрбөгөн керекти
Алтын-Оймок кайдаг көрзин.
Ак-Көбөн баатыр сурап айтты:
— Ак алкыны ача тартып,
Улу кат-бичикти алып бер,
Аайлап-баштап көрөтөм — деди.
Алтын-Оймок тура конды,
Алкы көжөгөзүн ача тартты,
Улу кат-бичикти колына берди.
Ак-Көбөн баатыр колго алды,
Жазап көрүп шүүнип турды.
Аайлап-баштап көрүп турза,
Уүрлү малды айдап алган,
Калык-жоннын канын ичет,
Камык малды өлтүрүп жигилейт.
Жер алдынан жеек шулбысла,
Жер үстинен кара албысла жөптү
Жети башту жеек Желбеген
Ала сарлыкка минип алган,
Ала көзинен от чагылат,
Ал тумчугунаг ыш жайылат.
«Таакызы түгенбес тулбар жабаганын»
Өкпө-буурын чийге жийтем,
Ак-Көбөн баатырдын
Кара бажын кезетем,
Канын чийге ичетем — деп,
Ай малтазын жагып турды,
Ала сарлыгын тапчылап,
Капшай түрген келип жатты.
Ак-Көбөн баатырдын журтына
Жети башту жеек Желбеген
Жедип келип кире конды.
Ак-Көбөн баатырдын
Кубулбас чырайы кубула берди,
Онбос бүдүжи онго берди.
Талай чылап ажып чыкты,
Жуу-чакка кийетен
Кат куйагын кийе сокты.
Ай мызлаган үлдүзүн
Жанбажына тагынып алды.
Өргөозинен чыга конды.
Баатыр сыгырузын сыгырып,

Баатыр кыйгызын кыйгырып ийерде,
Ак тайганын эдегинег,
Ак талайдын жаказына
Таакызы түгенбес тулбар жабага
Ат чакызына тура түшти.
Алтын ээрди арказына салды.
Атанар деп жазанып алды.
Алтын-Оймөк эш-нөкөри
Ак-Көбөн эжинен сурап турды:
— Кайдаары барарга турун,
Кандый жерге ууландын? — деп.
Ак-Көбөн баатыр айдып турды:
— Жети башту жеек Желбеген
Кан-Алтайыма кирип келтир.
Кара бажым кезетем деп,
Калык-жонум, ак малым айдайтам деп,
Онойдо мактанып келедири.
Кара бажымды кестирбезим,
Канымды Желбегенге ичирбезим.
— Удура барып жуулажатам — деп,
Ак-Көбөн баатыр жарлап турды.
— Узак жүрзөм, одус жылга,
Түргөн жүрзөм, он беш жылда
Жанарым — деп, эмеенине айдып турды.
— Эш-нөкөрүм эзен болзын! — дейле,
Эки колдон тудужып эзендешти.
Эгинег сыймап өпүштилер,*
Эзендежип алала айрылыштылар.
Ак-Көбөн баатыр үзениге будын басты,
Таакызы түгенбес тулбарга минди,
Тискин тудуп жортуп ийди.
Ак тайганы ажыра калыдып,
Ак жаланды аяктап турза,
Ала сарлыктын айры мүүзи
Ак булутка түртүлүп калган,
Эки айагыла тапчылай берген,
Жети бажы калан түшкөн
Жеек Желбеген маңга келет.
Ак-Көбөн баатыр көрөлө, сурады:
— Көс жедерден адыжалы ба,
Кол жедерден согужалы ба? — деп.
Жети бажы каландаган
Желбеген каруу берди:
— Адыжар менде мылтык жок,

* Өпүштилер — окшоштылар (байат сөс).

Кезижер менде үлдү жок.
Энемниң берген эки кол,
Канча күлүктерди баскан кол.
Таакызы түгенбес тулбарынанн тўш.
Ак-Көбөн баатыр
Таакызы түгенбес тулбар жабагадан
Түжүре калыйла,
Јети башту јеек Јелбегенди
Ала сарлыктан
Антара гартты,
Јака баштан аймашты,
Јаак бастыра тажышты.
Јети башту јеек Јелбеген
Ак-Көбөнгө јай бербей,
Эки колло ычкынды.
Онойдо тудужып, тартыжып јүреле,
Тайга бажында басканда,
Јемире базып јүредилер.
Талайдын үстине тудужарда,
Соолто базып турадылар.
Тууга барып согулганда,
Таштар оодылып төгүлет.
Агашка јөлөй табарганда,
Тазылынан кодорылып антарылат.
Онойдо тудужып, тартыжып јүргенче,
Канча айлар айланыжып өдөт,
Канча жылдар жылыжып барат.
Ак-Көбөн баатырдын тулбар ады
Јети башту јеек Јелбегенниң
Карды јаан ала сарлыкла тудужат.
Таакызы түгенбес тулбар жабага
Ала сарлыкла уружып тура,
Ала сарлыктын јаан кардын
Јара тебеле, өлгөн сегин
Јерге бадыра тепсеп салды.
Ак-Көбөн баатырла
Јети башту јеек Јелбеген
Канча жыл тудушты болбогой,
Айагыла ас базадылар,
Колдорыла көп тайанадылар.
Олор экү ары агашка согулып,
Бери ташка согулып јүргенче,
Ак-Көбөн баатырга
Јок јерден күч кожудды.
Јети башту јеек Јелбегенди

Ак-айаска чыгара чачты.
Ойто јерге түжүрбей тудала,
Јети сүүри кара ташка согордо,
Калбакка толор кан артпады,
Ийт чайнаар бир болчок эт артпады.
Јети башту јеек Јелбегенди
Јердин үстинде јок эделе,
Ак-Көбөн баатыр
Тулбар адына минеле,
Байадына јанып келзе,
Эл-албаты эзен эмтир,
Малы-кужы амыр туру.
Таакызы түгенбес тулбар јабаганы
Јажыл торко јаланга барып,
Олөнгин татузын јип јүр,
Суудын сүсүгин ичип јүр деп,
Алкап туруп јерге ағытты.
Алтын-Оймөк абакайы
Ак-Көбөн баатырды
Јенү алган эжим дейле,
Кучактай тудуп өпүшти.
Эк-јаак алыжып,
Эрмек-куучын тыгыды,
Эзен-кабарын сурашты.
Калык-јонын јуунадып алып,
Алты ай, јети јыл јыргадылар.
Ак-Көбөн баатыр ла
Алтын-Оймөк абакай
Албаты-јонды башкарып,
Амыр-энчү јуртай бердилер.

Кўлер Тепуков

НОҚОРЛОР

Ыйлап отурат Кўчўгеш —
Кўзининг жажын тўгўт.
Јууктап келген Қискени
Керекке албайт, ајарбайт.

— Не болгон, Кўчўгеш,
Не ачу ыйлайдын?
Ајса менинг кўчим
Једерине бўтпейдин?

— Кўрбўйдинг бе, мойныма
Мойчо кийдирип салганын.
Кере тўжине јаныскан
Отурым мен карыккан.

Анча-мынча болбоды —
Кўчўгеш чыкты јайымга.
Қискеле кожо сўрўжип,
Ойноп чыкты јаланга.

ЈЫЛДЫН ОЙЛОРИ

Јаскыда кандый макалу —
Кўннинг чогы јылу-јылу.
Уйкудан турат андар,
Уја гартат таандар.
Сўўнип агат суучактар,
Сўўнет ого уулчактар.

Јайгыда кандый макалу
Ынаарлар оронгон тайгада,
Ыраак бистинг турлууста.
Эртен тура ойгонзон,
Эдил куштар кожондоор.

Жажыл торко јаландар
Ойноорго сени кычырар.

Кўскиде кандый макалу:
Кузук чертип соодорың.
Огурчын, моркоп, алама —
Ончозынан амзаарың.
Кўзўни ўни шынғырап,
Школго бисти кычырар.
Кожо ўренген нөкөрлөр
Јолыгып, куучын башталар.

Қышқыда кандый макалу:
Қырлангды төмөн чанакла
Қыйгыбыла учуртсан!
Соокко до тонгоның
Ойын ажыра сеспезиң.
База бисти сўўндирет,
Школго келзе Соок-Таадак.

Ончобыска сый ўлейт.
Ойын-каткы түгенбейт.
Јылдың ончо өйлөри,
Чынын айтса, макалу.
Олор биске качан да
Ончозы ла тузалу,
Ончозы ла макалу!

УИА ЧАЧКАН УУЛЧАКТЫ КУШТАР ШООТКОНЫ

Чик-чирик, чик-чирик,
Тумчугында чим-мирик.
Оны да сен арчалбай,
Нөкөрлөринген уялбай
Биске ле тыңзынадың,
Бистин уяны чачадың.
Чик-чирик, чик-чирик
Тумчугында чим-мирик.

ТОГУНЧИ

Ол тушта јай болгон,
Айса орой күс.
Јаныска күүк конгон,
Кожондогон: «Кү-күүк!»

Бис чанакла јыңылап,
Көктамандар жууганыс.
Кобыдан аккан суучакка
Кемечектер салганыс.

Јанып келген кеткиндер
Уйа тарткан теректе.
Көбү карга тоолонуп,
Кожондоп сүүнет јелечи.

Кырланды өрө чанакты
Чыгарарга кандый күч.
Изүге бис чыдашпай
Эжинерге барганыс.

Энгирге јетире ойнодыс,
Школго барар ой јетти.
Өлөн ижинен бурылып,
Энелерис јет келди.

Александр Ередеев

ТЕКИЙТ ОБӨГӨН

Бу калганчы күндерде Текийт өбөгөн улай кийбейтен учук буулу озогы очказын кайырчактан кодорып, конжок тумчугына илип, «Алтайдын чолмоны» газеттег баш та көдүрбей барган. Ол јаан бичикчи эмес те болзо, бойынын кирезинче үйелеп туруп, кычырып билер кижн. Балазап турган мал чылап, кимириктенип отурган апшыйагына чаптык этпей, карган үйн айылдын ижин эдип, ары-бери чөкпөндөп базат. Ненин учун дезе, Јыламаш јаанак једышказынын кылык-јанын јакшы билер. Шак мынайып кимиректене бергенде, ол кандый бир јаан солун-собыр кычырып отурган. Билип-угуп алганын үйине кыйалта јок айдып беретен эди. Чырайынан көрзө, кижн чочыыр тал-табыш эмес ошкош. Қарын, Текийттин чырайы јарый түжет. Шил өткүре онын көстөрн сүүнчилү эмтир. Байла, кандый бир ойгор шүүлте ле сөстөр угуп отурган болбайсын. Мыны Јыламаш каранынан көрүп, өбөгөннин

айтканын угарга энчикпей барды. Бу, тен, кандый удаан кычырыш. Жыламаш алдында бойы да эместен кычырып билетен. Эмди сегизенге жеткен, көс ийне де саптап болбос болуп артаган. Ол очко дейтен немени кийгенде, бажы айланар. Онызы ары ла токтогой... Апшыйагынын көстөри эмди де курч, кырда койлорды көрүп ийген турар. А бичик кычырза: «Көстөрим тумантыр» деер. Онын учун очко кийетени ол болбой... Акыр, ого чаптык этпес. Айла уккай. Жыламаш мынайда сананып, чай-чуйун аза берди.

Учы-учында Текийт азу сагалын сыймап, бир эмеш күлүмзиренип, сананып отурды. Онон тура жүгүрип, очкозын ла газетти кайырачагына сугуп салды. Онын кыймыгы кандый да эрчимдү. Торт ло жиидиркей бергендий. Уйининг уруп салган айагын алып, эки-үч шөлүреде ууртап ийеле, айтты:

— Бат, жадын-жүрүмис мынанг ары там ла жаранып өзөтөн эмтир. Айагыста ажыс анканын ажар, ак малыс арбыдап өзөр. Ол жанынан бу жуукта, күүк айда, Башкарунын темдектеген сөзи бар эмтир. Мыны угуп, кижичи канайып тегин отурар. Албаты-жонго беретен эмди де күчим бар эмес пе? Акыр, чайлап, ажанатан эмтирим.

— Ойто ло айылга отуруп болбой бардын ба? Кайдаар барарга? — деп, Жыламаш чочып сурады.

— А бу өрө аркада кургадып салган агаштарым бар эди. Удабас совхоз өлөң ижине чыгар эмес пе? Айрууш-тырмууштар, чалгылардын сабын эдейин деп.

— Сен кече ле койчылар көчүрижип, жайлуга барып келдин не. Адынды эмеш амырадып алзан кайдар. Пенсионер кижичи, жажын жаан болор — арып-жобоорунг, — үйи килеп айтты.

— Алдырбас, Жыламаш. Айылда эдер ишти эдип салгам. Артканын соондо... Ат кайтсын — коолду, семис, — деп, Текийт токыналу унчукты.

Онон ол сабы эптү, сүреен курч малтазын каптыргагына сугуп алды. Кынду жаан бычагын курына тагынып, тышкары бачымдап чыкты. Армакчыда адын экелип, ээртей сокты. Жаан удабады, армакчы, азык-түлүк, малта—канжаада. Жееренекке жерден бир темденип минеле, апшыйак өзөкти өрө жортуп ийбей кайтты. Жыламаш десе оны үй-дежип, агаш айлынын эжигинде туруп калды. Жедышказы адынын мойнын кедейте тартып, жорголодып жадарда, ол ичинде ого оморкоп, сананды: «Текийт эжим карган да болзо, озогы ла бойы, омок-седенг. Эмди де канчын эрлерденг артпас...»

Одош-тедеш жап-жажыл аркадан күүк жагкылдада эдип ле жат. Онын үнин Текийт ээринге чала кыйыннанг отуруп, тындап барадыры. Онын эдижин Жыламаш эжигинде база тындап туру. Ол экүнинг кожо өткүрген жылдарын күүктинг үни бир тизүге тизип алгандый...

Текийт бу жажына жеткели мында жортпогон, иштебеген кобызы жок болор. Шыра да, сүүнчи де көргөн. Ол бу ла өзөктинг ичине кичинек тушта байлардын койлорун кабырган. Шак мында Совет жагнын баштапкы быйанын алган. А ол кобынын оозында акка баштапкы

колхоз төзөшкөн эди... Жажына ла мал кабырган кижн. Бу ла өзөктин ичинен жуу-чакка атанган. Тартышкан, шыркаткан. Жанып келеле, үйиле ойто ло кой ижинде. Озочыл да болгон, орден де тагынган. А эм— амыраш. Жок, жок, амыраш токтогой... Апшыйак мынайда сананып, араайын жортуп отурды, жолды жакалай кырада кылгалар тапту ла узундап калтыр. Чабындарда өлгөнннн чыгыжында комыдал да жок. Быжыл жут, мал-ашка азырал болор, је жагыс иштеер ле керек.

Байа газетте јерди билгир-чике тузаланып, онын берген тўжўмин чеберлеер керек деп, кандый чын айткан. Текийт озодо аш салган, эмди дезе ташталып калган кыралар јаар көрўп, колы чычандап куучындап баратты. Ол андый жаңду кижн, јанында кижн бар чылап, куучынданып жүрер өрөкөн.

Алдында бу ла Өртөн-Оозынан анканынан ажаыра аш бүткен эди. Алты кырлу мажак торт ло кере карыш. А чарагы коп-козыр — мөндўр ошкош. Је бу тўжўм сугарыштан эмей база. Кызыл колло сугаратан јогыс па? А эмди бир тилимче јерге техника айланып, иштеп болбос деп, ол кыраларга ајару эткилебейт. Суактар туку ла качан туй бүдўп калган јадыры. Иштеген, тартышкан јерин көрўп, кижинин ичи чым эдер неме эмтир.

Текийт чала келген озогы кыраны көрўп, нени де эске алынала, адынын оозын тартып, бир эмеш сананып турды. Онон күлўмзиренип, ойто ло эрмектене берди. А бу ла кырада болгон эмес пе? Ол тушта Текийт јиит, жагы ла председатель болуп турган јыл. Бўгўнги чилеп, бу ла јолло жортуп отурган. Кенетийн кем де: «Болужаар, болужаар!» — деп, ачу-корон кыйгырат. Кыйгы чыккан јер јаар мантадып барала көрзө, бир жап-јараш, јиит кыс субакты буза тееп чыккан сууны бууп болбой турган эмтир. Кумак јер болор, бир ле бузулза, коркышту неме ине. Бу кыс аш сугарып турган болтыр. А суу јаанап, јерди јыра јизе, кырада аш та божоор. Ончозын јыра јип ијер. Текийт аттан тўжўре секирип, кыска болужа берген. Јаан-јаан, экче-экче јөндөрдн чўрче ле тееп ијет. Кыс оны тажып, сууны бууп јўгўрет. Текийт чакту, кашуун — күрек жагыс ла элестелип турат. Бузулып чыккан суу буулган. Јиит кыстын ээлгир төштөрине ле коо эди-канына сууланып калган кийими кандый јараш жапшынып калган. Ол кемзинип, эки жаагы оттый кўйўп, өрө дө көрбөй турды.

— Адын кем эди? — деп, Текийт куучынды баштады.

— Јыламаш. Бу јерге жуукта ла көчўп келгенис. Бригадир аш сугар дерде, иштеп турум.

— Јакшы, јакшы, Јыламаш. Көрзөн дө, сугарган јеринде аштын чыгыжы талдама болтыр.

Бу ла кўннен ала Текийт аштын чыгыжын көрөөчи кижн болуп, Јыламашка келип, кўнўн ле болужар болды. Онон кўскиде, ашты кезип соккон кийнинде, экў той эткен. Анан бери айрылышпай, бала-барка да, мал-аш та азыраган.

...Текийтин јерен ады кенетийн недег де ўркип, тууралап, шо-

кыра берди. Апшыйак санаазынан ойгоно чарчап, лаптап көрзө, жолдын жаказында чаазын эки таарда удобрение жадыры. Бого кандый да трактористтин прицепа анданган эмтир. Кулугур чаазын таарлу удобрениени ойто коштоорынан кыйылып, кезигин таштап ийген эмтир.

Обөгөн чугулданып, адынан түшти.

— Бу кайткан тагма, аш-өлөгнүн курсагын жерге таштап!—деп, ол арбанат. Таарларды жаашка өтпөзүн деп, көндөй жерге тажып салды.

Жол-жорук жедер жерге жетти. Текийт обөгөн адын армакчылап койоло, айрууш-тырмууш эдерге белетеп алган агаштарын жондой берди.

Анча-мынча болбой, түп-түс саптар жергелей жөлөнө берди. А апшыйак дезе узанып ла жат, узанып ла жат.

КӨЧҮРИШТЕР

НИВХ АЛБАТЫНЫҢ УУЛЫ

Совет ороондо литературанын чын једимдерине јеткен јакшы бичичилер көп. Олордын бирүзи Владимир Санги.

Онын бичиктерине учуразаар, алыгар, кычырыгар деп, мен кажы ла кижиге айдар эдим. «Изгин» ле «Тынграј» повестьтер, «Төгүн јол» ло «Кевонгтордын кижі алганы» деп романдар, көп романдар ла чөр-чөктөр — олор ончозы сүрекеј солун, олор кычыраачыга јаңы јүрүм көргүзер, јетпеген јерлерге јетирер, телкемдерди элбедер, теґис-талай-ла таныштырар. В. Сангинин бичигени бүдүмчилү, кижини тургуза ла јилбиркеде берер: онон ары не, онон ары не?.. Ненин учун десе олар ончозы чын јүрүмнег, јүректи јаңыс ла чын бактырып јат. Кижинин ичине келишпес, јарабас, сананып тапкан улус та, тартыжулар да мында јок. Кижі аайлап, ачып, ондоп бараткандый кычырат. В. Санги кандый да ару, јарт, чоқым ла чоқту тилле бичип јат, ончозы ла эптү, ончозы ла бойынын јеринде, артык сөстөр јок. Өскө укту кижі орус тилди кандый элбек ле терен билер деп сананып каларын. Бичичи бойы нивх албатынын балазы. Нивхтердин тоозы төрт јарым мунган ла эмеш көп, олордын јери Сахалинде... Сахалин турган јериле де, јүрүмиле де бистен ыраак. Је нивхтердин эткен ижи, айткан сөстөри, сүгүнгени, кунукканы, бала-барказын өскүргени, айыл-јуртын тәзөгөни, бой-бойына болушканы, ар-бүткенге көргөни — бастыразы бисти соныркадат. Нивхтердин көргөниле јүрүмге көрөдис. Сананадыс.

Албатынын тоозы ас болгоны албатынын бойына айдарга да уур једикпес ле буудак. Бичичиге онын чактар өткүре келген јолын, чарчап өлбөј, јүрүм учун тартышканын, кыйналып-шыралаганын, кырларла, чечектерле басканын көргүзери — јүрүм берген бир јаан јакылта. Албатызы учун турушканы — кижини кижі эдип өскүрип јат. Мында төс јакылта ла ырыс. Қанча ла кире бийик турушсаң, ончо ло кире сен бойың бийик. Тазылын јылайткан кижі тайкылып јыгыларга белен. Бойын билбей, таппай калар. Терен тазылду кижиге телекеј иле көрүнөр. Владимир Санги бойынын тазыл-тамыры, өткөн озогы өйлөрдө кыйын-шыра керегинде айдып тура, бүгүңги јүрүм учун туружып јат. Бис албатылардын салымын, јадын-јүрүмин сананадыс, улустын ак-чегин, арузын эмезе эки јүстүзин, уяалар-кемзинерин билбезин кайкайдис. Кара санаалу улустан калык-јонго кандый јаан коромјы деп ачынадыс. Чын јакшы произведениелерде сөс көп эмес, јүрүм көп: улустын чырайлары көрүнөр, сөстөри угулар, талай јайканар, салкын күү-

леер... Касказик деп атту карган нивх эки кара-боро тўлкүнинг терелериле садып алган малтазынын мизин жаан уулы Наукун билбес жанынан ташка сындыра чаап ийерде, кандый ачынган: жанында жаткан агашты алган бойынча жардына онын эки катап сокконын билбей де калган! Мындый жерде малтаны табатаны күч. Же бу унчукпас ла кату кылык-жанду кижн бойынын билези, балдары ла жүрүми учун кандый тартылып билер: ар-бүткенди аайлайт, агын суула, агаш-ташла куучындажат. Жүрүмнин үреткени мындый. Ол кеме чаап билер, балыктын качан сууны өрө эмезе төмөн барарын сезер, ай-күннинг айазарын, үрелерин ондоп отурар. Ол бойынын угы-төзинин үзүлерин эмезе өзөрүн сананат. Бу онын эн жаан санаа-шүүлтези. Уулдарды айыл-журтту эдип; балдарынын балдарын көрөр керек. Оны кем аайлаар, ол учун кем нени эдер? Келиндерди табары ол озого жүрүмде женил эмес, оло баалу, оло учун көп терелер, балык, база өскө дө жөөжө берер керек. Айдарда, көп андаар, иштеер, сананар керек. Онон башка сенен күчтү, бай улус сенен ончозын туружы жогынан блаап алар. Бойынын жүрүмин балдарыла улалтатаны — улу жан. Ол ак-айастын, жүрүмнин жакарузы. Мынайда кажы ла кижн угы-төзи, учы-учында албатызы учун туружып жат. Касказик карганнын билгени мындый.

Эки айылдын кабайда жаткан жаш балдарын — уулчакты ла кызыкчакты — эне-адалары жөптөжөлө, чныр өлөңлө буттарынан колбой буу-лагылаган эди, ондый жан бар, айдарда, оло чыдагылап келзе, айыл-журтту улус болор. Же ого жетире кыс өзүп, бастыра айылдын ижин сөс жогынан башкарып билер келин болзын, уул дезе эр кемине жетсин — андаары, балыктаары, айыл-журтты тудары онын колында.

Же жүрүм уур ла кату болгон... Балык тудатан шүүнди де алар арга жок. Агаш-таштын төзинен узап өскөн, ачу тилдү чалкан өлөңди өйине жетирип үзеле, кургадып, онын учугын билип жазап катайла, Касказик өрөкөннинг эмегени, уулдардын энези, шыранкай ла иштеңкей Талгук шүүнди өрүп салатан. Бек эмес те болзо, бу биле балыкты жагыс мындый шүүнле тудатан. Суудан ла чыккан кийинде шүүнди капшай ла эзин-салкынга кебиреде кургадатанын уулдар ундыбас, онон башка шүүннен неме артпас: өлөң — өлөң лө не... Оздо нивх улустын күндери, жылдары мынайда өткөн. Ол жүрүм «Кевонгтордын кижн алганы» деген романда сүрекей чоком ла жилбилү көргүзилген.

Владимир Санги албатызынын жүрүмин чоком ла жарт, элбек ле терен билер, онын учун ол кажы ла эрмекти текши сөстөрлө бичибей, кижн акту күүнинен тургуза бүдер, кезикте кайкай да берер сөстөрлө, жетирулерле айдат. Бичинчи произведениени жүрүмнин сызыла, қанайда болгоныла, кыйын-шыразыла, ижемјизиле бичийт, онын учун солун, онын учун ол — произведение.

Владимир Михайлович Санги бүгүн бистинг ороондо ло бастыра телекейде жарлу. Онын жакшынак бичиктери көп тилдерге көчүрилген, оло ажыра миллиондор улус бүгүн нивх албатыны билер ле акту күүниле ого карузыыр, ол керегинде элбеде билер күүндү болуп калды.

В. Санги бойы јиит те болзо, нивх школдордын балдарына үрентен учебниктер бичип јазаган баштапкы ученый. Ол албатызынын чөр-чөктөрүн, кожондорын, куучындарын јууп, бичиктер эдип чыгарган. Бу ижиле улай ол эмди РСФСР-дин үредү аайынча министрствозында канча јылга улай иштеп келди. Анчада ла Јака Түндүкте јаткан ас тоолу албатылардын јадын-јүрүмине онын ајарузы ла болужы иле билдирлү.

Владимир Михайлович Санги — РСФСР-дин бичиичилеринин Союзынын правлениезинин качызы. Ол совет литературанын ижи ле јүрүми аайынча јаантайын республикаларла, областьтарла јорыктайт, көп иштерде туружат. Мен оныла баштап ла Алма-Атада Азиянын ла Африканын бичиичилеринин конференциязында тушташкам, Узунзымак сынду, кеберкек, ачык-јарык, коқырчы, санаалу киж илге бистин нөкөрис ле јүрүмисте кожо баскан тоомјылу бичиичи. Ол бир канча алтай бичиичилерле јуук таныш. Јаан тузалу ла јаркынду куучындар бистин ортобыста литература аайынча тушташтарда, јуундарда, конференцияларда, пленумдарда ачык-јарык өткөн. Владимир Санги өткөн март айда бежен јашту болды.

— Туулу Алтайды көрөр күүним бар. Келзем, андап ийер бир кичине арга табылгай не? — деп, бир катап сураган эди.

Чечен аңчынын ла мерген бичиичинин јолы куру болбос: андар да учураар, алтын сөстөр дө табылар. Ого акту күүнистен күн чалыган јылдар ла күүниске једер јангы бичиктер күүнзеп турубыс.

Э. Палкин

Владимир Санги

«БАШТАПКЫ КАТАП АТКАНЫМ»

Онон бери удаган. Је ол күн санаамда артып калган. Сегис јажым кирген күн болгон. Оны канайып та аңылу темдектеген учун ундылбай турган эмес. Мен јаш тужымда нивхтер ондый байрам билбейтен. Бистин улус, орустарга көрө, онойдо темдектеерине бир канча кийинде темиккен. Оскө дө байрамдар јаан сүүнчи, јаркынду јыргал јогынан билдирбезинен өдөтөн. Бистин деремнеде эр улус јоголо берген өй болгон. Јаңыс ла ийде-күчи астап калган каргандар ла үй улус арткылап калган. Кайыкла сууны тын эжип, каргандардын јүректерин сүүндирери де астаган, бүдүн агашты ойып эткен канча кайыкту кемеле талайдын эниргери тымый берген эдегин јара чийип баратан балыкташ-андаш та токтогон. Тымый берген булунда ненин де учун чайка куштар да астай берген.

Куру, торо өй турган. Кезик күндерде акимле кожо юкала дейтен кадырып салган кичинек бир балыкты ла үлежип јийтенис. (Јаан ка-

рындажысты бис аки деп адап јадыс.) Меге эмди де менин аким јаан-тайын јаан кижн болгон деп билдирет, ол менен алты ла јаш јаан.

Адам санаама јакшы кирбейт. Сарсуу оорудан улам корчойо кенеп калган энем агаш тайакка тайанып, булуннын тогуп калган јарадына сүүнчилү келеле, лахтак деп јаан тындуны сойорго отуратан эди. Узун, чичке, коркок бычактар онын күч јок колдорына эптү тудулатан. Энемнин мени болушсын деп кожо алганына мен база сүүнетем. Энем талайдын агынын ичин кезерде, мен алакандый калын јуулу теренин кырынан тартып, тудуп туратам.

Чий терени тудатаны — күч неме. Колдорым түрген чылай беретен, канайып та тудайын дезен, калын јуулу тере колдорыннан јылбырап, кумака шалт ла барып түжетен. Энем мени арбап туратан. Је мен ачынбайтам, ненин учун десе, тойу күндер болгон.

Энем лахтактын мойнын, төжин, ичин эре сойып, тереден јууны чебер айрып барадар тушта аки једип келетен. Ол талайдын јаан агынын ондый ок аайы-бажы јок јоон мойнын айра-базып туруп алала, Ламзин өбөгөннин јопон јалбак өгүден эткен узун курч бычагын мойнын төс јерине кадай сайып, бычактын сабына бастыра күчиле јаба базып, ныкыйтан. Онон ары агнын төжи кырсылдада сөгүлип, эки јара тура берген ак кабыргалар көрүнетен. Мындыј јаан кабыргалардын калыг кемирчектерин јангыс ийде-күчтү эр кижн сөгө кезер аргалу. Аки оны эдип билетен.

Аки лахтактын эдин ооктоп, кажы ла болчок этти үттей кезетен, мен сабарымды ол үттерге суга салып, эттерди неге — амбарга тажыйтам, не орус чөрчөктөрдө айдылатан такаа бутту турачактарга сүрен түней. Јаан-јаан эдип тиле кескен јууларды аки бойы тажыйтан.

Онын кийинде бис үч эр кижн — адам, аки ле мен — пырш дейтен јабыс столды эбире байдастанып отуруп ийетенис. Энем биске канду јылу буур беретен, кажыбыс ла бойыстын бычагысла оны ооктой кезип, койу туска сүстүрип, токыналу јийтенис. Мен мыжылдап, тал-табышту јип отуратам, онойтконым: агнын эди амтанду, азырап турган агчыларга сүүнип турум деп көргүскеним болгон. Энем ле сыйным өскө пырштын јанында отургылайтан, лахтактын кайнадала, јарып койгон јаан бажына колдорын сугуп, онын меезин јигилейтен. Јаан башта мее көп, көнөктин тал-ортозына јеткедий, сыйным ого сүреен сүүнетен.

Аки адамла кожо агаштан ойып эткен кемеле јаскы андашка барып јүрген. Эр кемине јеткен бастыра нивхтер чилеп, аки тулку јадык ошкош кемени билгир ле чебер башкарып билетен. Санаама кирет: онын кемези бир де катап антарылбаган. Мынайып јангыс ла кемеле сүрекеј јакшы јүзүп ле андап билер кижн эдер аргалу.

Адам ла агам нерптер экелгилейтен. Олордын көп сабазын кемизни өлтүргенин бис сурабайтаныс, бисте ондый јан јок. Аткан-тапкан агкуш, аш-курсак учун јангыс та, көп тө улус бол — бастыразына ичисте алкыш-бийанду јүретенис. Эң ле јаан керек — улус ла тойу болзын.

Бир катап кар кайылып, тошторды талайдын агыны ла салкындар ыраак апарган кийинде, мен өдүк жок жүгүрүп, төгдөрдө, жырааларда көрүктөрлө сүрүжип турар тужымда, адам кенейте жылыып калган. Меге кураа нажыларымнын адалары база жоголгылай берген. Кийинде аайлап, билип турар болзо, олор жууга барган эмтир.

Алдында бис «ангар ла анчылар» деп ойын ойнойтоңс. «Ангар» жырааларда жажынгылап калатан, «анчылар» десе олорды табар учурлу, бир де будак сындырбай, бир де табыш жогынан билбес жанынан тудар эмесе «адар» керек. Эмди бис эки жара бөлинип алала, «жуу» ойноор болдыбыс.

Менин аким ле Слава деп орус уулчак командирлер болгон. Славанын көстөри өткүрө көрүнип тургандый, шилдий көк-чанкыр. Барып, олорды тудуп көрөр күүним келетен: чындап та, шил болор бо?

Бир команда кайда да жырааларда, экинчизи истеп, бедреп жат. Жажынып калала отураарымда, жанымла «өштү» барып жатса, Ламзин таадактын күйүп калган канзасы ошкош коркок будакты көдүрө тудуп, капшай ла адатам:

— Кх!

«Өштү» укпаза, канча катап тыг табышту адатам:

— Кх! Кх!

Кезикте бис бастыра черүбисле ичкери жүткийтенис. Ол тушта Славка, кинолордо көрүнгөн чын полководецтер чилеп, кедейте ле түс туруп ийеле, тыг кыйгыратан: «Менин кийнимен! Ура-а-а!» Онын кийнинде онын черүзи биске удур чаурайтан. Мен бойымнын «мылтыгымнан» тыг адатам. Тыйрык будагым кайкамчылу болгон: керек тушта ол — колмылтык, база бир тушта — автомат.

Мен Славаны адарга мендейтем, ненин учун десе, командирди «өлтүргени» тегин эмес. Же Славка жыгылбайтан. Ол тушта канайдар? Оскө арга жок — күрежип баштайтаныс, күрежерин жаантайын сүйтенис. Же адып ийген болзо, анчада ла тарый-тарый адып турза, жыгылар керек. Жаңыс катап «аткан» болзо, шыркалап ийген деп айткай эди эмесе чек жастырган. А мен десе Славканы чике бойына ла канча катап тарый аткам. Же ол адып туруп качып бараткан мени түңей ле жаба жедип алала, кату тудуп, жерге оорыда жыга чачатан. Ол тушта мен ачынып, табыштана берер болзом, келиштире чечен айдып ийетен:

— Комыдаба! Слер десе — «немецтер», а бис десе — «бистийи». Бис женер учурлу!

Онын кийнинен колын жагып ийетен:

— Же жагыдан баштайлы!

Онойып, ойын жагыдан башталатан. Же эмди бис — «бистин черү», Славанын командазы — «немецтер». Же түңей ле алдындагызындый боло беретен: Славканын бир де катап жендирер күүни жок. Бис оны жаратпай, ого удур айдар болзобыс, ол туй чабатан:

— У-у-у, сүтсорочылар! Билбезеер бе, эмди бистин черү жууда ичкери барбай, тескерлеп жат?

Онын кийнинде база ла колын жагып, айдатан:

— Же слер кайдан, нени билерее? Кортымаштар.

Онын кийнинде бис бойыбыска кару «ангар» ла «анчылар» деп ойынды ойнойтомыс.

Табынча билдирбезинен бис ас туштажар боло бергенис. Балдар айлында күч жеткенче энелерине болужатан. Мен кажы ла күн чыр-багалдар, будактар терип аларга агаш жаар баратам. Жаантайын тыйрык будагымды — мылтыгымды кожо алып жүретем. Же бу тушта ол ан-куш адатан мылтык боло беретен. Айры-тейри будактарлу жыраалар ангар болотон. Кезикте «андашты» айлымнын жанында ойнойтом. Консерванын банкаларын суугуштарга бодоп, өнгөлөп келеле, туранын толыгынан адатам. Адам айлында тужында табылган банкалар татап калган жаткылайтан.

Тойорын билбей, аштап жүретени бистин айылда түн ле түшке түнгей темиге берген.

Ол жайда аки он төрт жашту болуп, балык тудатан бригадага барган. Же балыкты бис ас көрөтөнис. Ненин учун дезе тудулган ла балыкты табыштыргылап ийетен. Оок то балыкты, оозы ла ичи жаан, бойы арык бычокты, талайдын ершторын ла өскө дө эш-кереги жок балыктарды (олорды эмди улус балыкка да чотобой жат) — бастыразын табыштыргылайтан.

Аки балыкташтан бастыра бойы сууга тын өдүп, арып-чылап калган келетен. Акамнын уур ишке чек ле чучурап жүргенин көрөргө меге күч болгон.

Бистин угубыста эн жаан кижин, чек шүүле карып калган Ламзин таадак, удабастан мени балык тударына үреткен. Кезикте айлыма бир эмеш балыкту жанатам.

Таадак бойы дезе, кумакту төстөктин үстине чыгып алала, кере ле түжине турнабайла талай жаар нени де узак көрүп отуратан. Та анданып жаткан толкулардын ары жанынан кичинек кара неме — катер көрүнип, жуудан менин адамды экелер деп бодойтон, та кандый. Же адам чек ле келбейтен. Ондый да болзо, таадак талайдын жарадынан айрылбай, кунукчылду ла уур базып жүретен.

Акама уур болуп турганын мен көрүп ле билип жүргем. Же неле де болужып болбогом.

Торонун ла курунын күндери тура берерде, мен адамнын ангнын он беш айры мүүстерине илип койгон мылтыгына ненин де учун көрөр болгом. Мылтык биске болужар эди. Же оны тузаланып ийер кижин жок. Бистин билени азырайтан, жеткилдейтен жагыс эр кижин — аки кажы ла күн балыктайтан жерде.

Мен мылтыкка кандый да ижемжиле көрөтөм. Оныла кожо өдүп калган өйлөр-санаага киретен: амтанду буурлар, лахтактардын ла нерпалардын быжырып койгон жымжак тамаштары, суугуштардын ла кастардын эдинен кайнаткан мундер, ангардын эди, керек дезе адамнын кайда да тайгада аткан айзузынын сүрекей амтанду жүрегин...

Јүректи меге тегин бергилеген эмес: туулардын ла тайгалардын эг ийде-күчтү ээзинин сүр-сүнези мени коркыбас-ла жалтанбас этсин, мени ийде-күчтү эр болуп өссин, ырысту анчы болзын деп, ол тушта айунын жүрегин меге аңылу жидиргендер.

Бастыра нивх уулчактардын жаштаң ала сананган жаан санаазы — чын мылтыкка адары болгон. Мен жаантайын акамнан кандый бир танга адып көрөйүн деп сурайтам, жаан улустын мылтыгынан бир ле катап адар күүним келетен, ол тушта бир де кичинек болзо, бойымды эр кижиде деп сезер эдим. Же аки меге мылтыкты туттурбайтан, ненин учун десе, ок-тары сүрекей ас болгон. Ол сүрекей керектү. Мен бойым айдары жок жаш. Же ол күнде, меге сегис жаш кирер күнде, аки меге мылтыкка адар жөп берген.

Ол мынайда айткан эди:

— Хаскун, ме, сеге эки патрон. Састын узун бутту куштарын адып көр. Мылтыктын кындагын бойыңа тың жаба тут, оного башка оорыда тебер.

Бу өйдө бистин айылда Славка отурган. Ол меге сан башка көргөн. Меге онойдо кем де көрбөгөн эди. Онын нени де санана берген көрүжи торт ло өзөк-буурымды өдө берген. Славканын соок көстөрүндө неге де бүтпей ле кайкап турганы көрүнгөн, онойып кижиде, байла, кандый да жаан ла качан да жетпес немеге көрүп жат.

Эледе базып койгон агаш бозогоны алтап жадарымда, меге колмылтык, автомат, андайтан мылтык эдип ойногон тыйрык будагым жатканы көрүнгөн. Мен оны туура тееп ийейин дейле, токтодым, араай алала, эки агаштын ортозына кыстай сугуп салдым: качан бирде керек болордон айабас, мен жүк ле сегис жашту, ол менин жаантайын кожо жүргөн нөкөрүм не.

Жайыла берген жараттарда жуулып калган жүретен узун буттарлу оок куштарга патрондорды үреерге карам болгон, онын учун суугуш учураар болор бо деп сас жаар бастым. Лырааларды өдөлө, кумак төстөккө чыктып. Көрзөм: алды жанымда саста кичинек көлдө эки суугуш эжинип жүрү!

Меге кураа нивх балдар жерлик суугуштардын бастыра бүдүмин билер. Онын учун мен де бу суугуштарды танып ийдим: бойлоры жаан эмес, чоокыр бүдүмдү, баштары кичинек, тумчуктары чичке, токыналы жок, ары-бери жүзөр чирки дейтен куштар эмтир. Олордын курсак таап, ажангылап турган тужы болды. Олор баштарын сууга сугуп алала, ары-бери жүскүлейт. Суудан өрө көдүрилгилеп калган куйруктарын көрөргө сан башка болды. Кезикте баштарын суудан чыгаргылап келеле, оосторун ачып, нени де ажыргылайт. Олордын мачылдагылап турганы меге жарт угулып турды: олор элгек ошкоч тумчуктары ажыра сууны өткүрүп ийер болзо, жалбак тилдеринин үстине суунын ла састын жүзүн башка курт-конгыстары артып калар... Каа-жаада олор баштарын көдүрүп, ары-бери аыктангылайт — өштү келеткен болор деп серенгилеп жат.

Бу мениң баштапкы чын андажым болгон. Ого мени кем де үрөтпеген: акамда чек бош жок, Ламзин таадактын андабаганынан бери чек удаган, ондо эмди эмеш те ийде-күч жок, бистин уктын өскө эр улузы бастыразы жууда. Анчынын кылык-жаңы меге та кайдан табыла берген, билбей турум. Онызы, байла, мениң угымда, канымда.

Суугуштарга жетире ыраак болгон. Оңөлөп, жажынып барар керек. Ачык-жарык, тас төңди төмөн түжеле, жырааларлу төңөзөктөргө жетире жылып барар керек. Ол тушта адарга кем жок. Ол эмезе бастыра төңдөрдү, састы эбирип барала, ол жаратты төмөн, көлди жакалай туй өзүп калган жыраалардын ортозынан адар керек. Же бу шүүлтени мен тургуза ла туура салдым. Оны бүдүрерге көп ой керек, суугуштар уча берерден маат жок. Же ол тушта учуп барар шылтак жогынан курсагы көп көлдөн, састан олоу белең учуп барбас деп мен билбегем.

Айдарда, жаңыс арга арткан — суугуштардын ла көзинче өңөлөп барар керек. Жажыл өңдү кийимим кумакка тың аңыланбай турган. Оны түргөн сезип ийдим. Куштар баштарын сууга база суккулап ла ийерде, кичинек жыраадан чыга басып, куштардан көс албай, бир канча түргөн алтадым. Жылаңаш буттарла кумакка жымжак басып, табыш эптедим.

Бир куш бажын көдүрди. Тургуза ла тура түштүм, кандый болгом, онойдо ло када бердим: мылтык тудунып алган колым тууразында артып калды. Көзимди де жумбай турдым.

Сескей не, кайткай не?

Суугуш бажын көдүреле, мени узак аяктай берди. Эмди ле талбынып ийер. Онын кийининен нени де оңдобой, экинчизи аайы-бажы жок учуп чыгар. Канаттарынан жаңыс ла тамчылар быркырап чачылар.

Кенейте табылып келген немени суугуш танып ийген. Же онын бир де кыймыктабай турганы оны кайкаткан. Ол неме, байла, алдында да мында турган, жаңыс көскө илинбеген — куш мынайда билген болор.

Суугуш токынайла, база ла жемзенип баштады. Экинчизи суу шүүйтенин токтодып ийген болгон, же амыр отурган нөкөрүн көрүп, бажын база ла сууга сукты.

Мен жымжак кей базыдымла төңнөн түжүп келдим. Куштар баштарын база такып көдүрип келерде, суйук жыраа ажыра отурдым. Он алтам кире алдымда бажында кыска жыраалу төңөзөк турды. Ого жедер керек. Төңөзөк бойы жабыс. Ого канайып та бөкөйип жууктап болбозың — куштар сезип ийер. Жаңыс арга — жылар керек.

Мениң бастыра санаам, бастыра көргөним жаңыс ла суугуштарда. Жаңыс ла аткан кушту жаңып барар күүним бар. Бу мениң баштапкы андажым не!

Нени де шүүбей, саска жада түштүм. Изүзи жетпес күнге жылыбаган соок суу бастыра эди-канымды каарып ийгендий болды, тыныжым да чыкпай барды. Кийимим эдиме жапшынып, жыларга күч боло берди.

Же жылып ла бараттым. Мылтыкка суу кире бербезин деп, көдүрө тудуп алгам.

Төңөзөк эмди бу туру. Суугуштар жирме метр кирези жуугымда. Олор токыналу ла бойлоры. Азырангылайт ла. Мылтыгымды төңөзөккө жазап салып алдым. Тыныжымды токынаттым. Суугуштар сууга терең киргилеп алган, жагыс ла аркалары көрүңгилейт. Тийдире адарга күч. Олор экүниң коштой тургулай берерин сакедым: жагыс адышла экилезине тийдирерге тургам. Же олор бой-бойына чек ле жууктагылабайт. Жуугымда турганына жазап шыкап баштадым. Мылтыктын мажызын табынча араай тартып, базып ийдим. Кындакты жаагыма ла ийниме тын ла туткан эдим, же оорыда тееп ийди. Же мени өштимде оору эмес, өскө керектер санандырган.

Суугуштар аайы-бажы жок талбынып, чике өрө учуп чыктылар. Бирүзи туура бурыды. Экинчизи мениң үстимче өрө учуп баратты. Бажы канайып та тартылып калган. Шыркалаткан эмтир деп билип ийдим. Ол кеңейте токтой түжеле, канаттарын жайып, көөлмөктин ары жанында саска барып түшти. Экинчи куш эжине учуп келеле, жанына отурып, аайы-бажы жок калактай берди.

Мен капшай ла мылтыгымды ала койоло, саска тиземе жетире бадалып, ичкери жүгүрдим. Калактап турган суугуш мени көрүп ийеле, учуп чыгала, оноң ойто ло отура түшти. Ол бир де токтобой тын кыйгырат. Куйругу каткымчылу чычандайт.

Оны база адар деп санандым. Же шыркалу куш чочыйла, база уча берер болор деп коркыдым. Жастыра атсам, чек куру артып каларым. Шыркалу жатканын экинчи де катап адып, өлтүрүп алар арга бар.

Саска түшкен шыркалу суугушты узак бедредим. Экинчизи менен ырабай эбире учуп турат. Меге ол торт карам боло берди.

Учында табыжы жылыып, эжин таппай, кайдаар да уча берди. Мен де кушты чек таап болбойдым. Экинчизин не атпадым не деп корододым: ол жуук болды не, кизи жастыра адар ба...

Уча берген кушты уулай бастым: кайда-кайда отурган болор бо? Кеңейте көрзөм, жерге жайа өскөн жыраалардын ортозында аткан суугушым жадыры! Чалкойто жадыры. Онын агарып калган ичине күн тийет. Оны барып ала койгонумды билбей де калдым, аайы-бажы жок сүүнип, айлым жаар жүгүрдим.

Энем жарма садып алатан талонды бойынын жука акчакабынан чыгарды. Бистин биле, келишсе, бир уула көп курсак садып аларга талонды учына жетире жууйтан. Ол тушта бис бир айда бир катап тойуга жуук отуратаным.

Же ол күнде, айдын учына жетире узак та болзо, энем талонун ала-ла, жарма садып алган.

Бистин айылга карган эмегендер ле Ламзин таадак келгилеген. Айылчылар жарма ичип, суугуштын сөбгин соргылап, оны аткан аңчыны мактагылаган.

Ажанганыстын кийинде эмегендер канзаны бой-бойына бергилеп, соруулды бир катаптан соргылап, үлежип танкылап отургылаарда, бистин уктын жааны Ламзин таадак меге жууктап келди. Бойынын жа-

ан колын сырсаk ийниме јымжак салды, менин кѳзиме чике кѳрѳп, не-
нин де учун тунгак боло берген ѳниле мынайда айтты:

— Сен чын эр болор деп мен билгем.

Онын кийнинде туура кѳрѳп, кызарып ла јаштала берген кѳстѳрн
кѳп чингилip, карыкчалду кожуп ийди:

— Је мындый эрте эр јолына киреринг деп билбедим.

Исикава Такубоку

* * *

Узун јолдон бурылдым.
Унчукпай тѳрѳл јуртымнын
Оромыла ѳдѳдим.
Јениле берди буттарым,
Је уурлай берди јѳрегим.

* * *

Јастыгымнын алдына
Карыкчалдын јинјизин
Сугуп алып јаткамдый...
Таг адыра тындайдым
Қарагайлар онтузын.

* * *

Кѳскѳ таныш сѳмер туу.
Кѳс келзе ле, суракту
Туйка белге, санаада:
Куулгазынду турууда
Қудайлар јурты анда ба?

* * *

Ундылганы удаган,
урап калган најыма
учурашкан гужымдый,
учар суунын табыжын
угарга меге јакшызын!

* * *

Кѳс катучыл,
Адазы ошкош;
Кѳс јалакай,
Энези ошкош —
Бараксан ѳскѳс уулына.

* * *

«Согорым!» — деп айтканда,
«Сок!» — деп, тура калбайтам.
О, эртеги туштадый
Ойто катап бу киж
Омок болзо ол кайдат!

* * *

Куучыны ла база каткызы
Кубулбайтыр жагыс. Орооннын
Куйузы ла эдек талазы —
Кумакту жаратта мен онын
Чырайын арайдан таныдым!

* * *

Кайда да жаш кыс
Тымыкта өлүп жаткандый
Карыкчал кандый!
Тенериден тўжине
Кыдырмак кар төгүлет...

* * *

Жүдек, боро чаазында
Төрөл жерим газеди...
Жайа тартып ачкамда,
Жастыралар көзиме
Жанжыгылу илинди.

* * *

Бйлай согуп, кудайла
Сөс бажында сөгүштим.
Не учурлу тўш айла!
Тан алдында бу тўшти
Көргөним эмди төрт конды.

* * *

Бойымды наайлу
Бодоп тынзынып жүрөтем!
Ончозына мен-улу
Једерим деп бүдетем...
Је кандый өктөм, жаш болгом!

* * *

«Качан бир, качан
Чыгарарым жуунтымды!» —
Чындап санаам жаан,
Кадары кандый болорын
Эжиге жартап турадым.

* * *

Ада журтымнан
Атана бергенимнен
Алты жыл болды.
Тымурып, тўш жеримде
Тындайдым кўўк эткенин.

* * *

Тўймеенчилў кўрееге
Тўргедеп кожо кирерге,
Туружып, кожо ълѡргѡ
Арасей јаар атанзам,
Айдып-тудуп кем турар?

Леонид Суртаев

ТѡС ЈОЛ

Эске алыныш, эске алыныш
Энчиге берилет ѡй тўбинен,
Эр-бойымды эске алыныш
Энчиктирбейт јўрек тѡзинен!
Ѳскѡн жеримле ол тудуш.
Ѳдѡ берген јуу-јалбышла,
Суртай деремнем, сен болуш,
Сур чолмондый меге јарыт ла.
Ѳзѡккѡ толгон чанкыр ыжын
Ѳкпѡзиреп тынып турум.
Јараныптыр ичи-тыштын!
Јаңыдан ондоп, сўўнип турум.
Колоско-балкаш јолын
кайда, —
Коо оромдор јўре берген,
Тѡнкѡк-јантык туралар
кайда, —
Тѡрт кыптулар тура берген.
Кийген-јѡѡгѡн кеби ѡнжик,
Кижилерин омок базат.
Ончо аргазы бичик-билик,
Орчыланга тен јазанат!
Је јылдарбыла куулган болзон,
Јылуун меге јаштан кару.

Толгон менин он јети јажым.
Јүс түмен чечектерди аралай
Јүгүрип, ойноп, нөкөрлөр жыргаган.
Јүргери јайылып, суу сыймай
Јүрексиреген кожон јайылган:
«...Кайдаар агазын, кажыга,
Кандый сүрлү алтайга?
Капшайлайдым Кадынга,
Кадын-чанкыр талайга...»
Оок суулар ончозы бириксе,
Ондый ийде нени этпес.
Бирден-экиден миллиондор

јуулза,

Бистин ороон кемди јенбес! —

Араай олгонди сыймап,

көгүсте —

Агарулык бу шүүлтем.

Албатым јудруктый түүлген

јерде

Айдыжы јок керектү мен.

Александр Демченко

БИР КАТАП ЭНИРДЕ

...Ол байагы уулды телеграфка јетире үйдешкен де сонгында, уул онын көзинче Омскто јаткан энезине телеграмманы аткарган да кийинде, уулдын јуукта јаны айткан сөстөрине эм тургуза чек ле бүтпей турган. Кайда да мезинин туку ла түбинде уйаланган туйка ижемји уулдын айтканына удурлажа билдирер-билдирбес түймөп, ал-санаазына амыр бербей, өкпө-јүрегин шимиредип турган. Кыс көксинде түүлген өчөмик ижемји јылыярынан каран јалтанып, уулдын сөстөрине бүтпеске кичеенет: эмди ле каткырып ийзе кайдат, онон дезе онын сөстөринде бир де чын јок, ончозы төгүн деп айтса кайдат. Ол тушта ончозы ла бойынын јерине тура берер эди: канайдарын база — кокырлаган!.. Је олон телеграфтын туразынан чыгала, милиция јаар уула-нып, кайра бастылар.

Байа бу уул кысты милициянын туразын көргүзип берзин деп сураган. Эмди озор, уулдын сураганыла, милиция јаар базып бараттылар. Олордын базыды табылу, токыналу, бир де мендеш јок. Тууразынан көргөн улус олорды алдынан бери эптү-јөптү таныштар деп бодоор. Је коркыганынан ла өзөк-буурын ойкөп турган кандый да кызу ла ээн карыкчалду санаалардан кыстын јүреги торт ло јарыла бергедий болгон. Автобустар токтодузынын јанында уул сурады:

— Слерге энемнин адресин арттырып салайын ба? Айса болзо, бистин туштажу керегинде бир-эки сөс чийе соголо, энеме аткарып ийеригер.

— Болор — деп, кыс каруузын кунукчылду жандырды.

— А бичииреер бе?

— Бичиirim... кыйалта жоктонг чийерим.

— Онызы жакшы — деп, уул унчукты. Олор жолончик отургышка отурып алдылар. Ол — жарыткыш-фонарьга жууктай, кыс дезе отургыштыг сырагай кырында. Токтодуда кем де жок болгон. «Автобус жаңы ла жүре берген болбайсын» — деп, кыс сананды. Уул портфелин тизезине салып, онон экче блокнотты кодороло, бир тилбек чаазынды ыртып алды. Качан уул чаазынга бичий берерде, Наташа онын чырайына көрди. Коо тумчук, жалакай эриндер, ортозында онкок-чийү тартылган ару ээк. Барынкый өңдү свитер. Алу жакалу кыскачак кара пальто — реглан.

— Бот... алыгар — деп, ол тилбек чаазынды ичкери сунды. — Бичизеер энемди тыг чочытапар, же бе?

— Же, коркытпаска кичеенгейим — деп, Наташа бажыла кекиди.

Ол туруп чыкты.

— Жууктап келеткен болгодыйыс... Мен туку ол беш кат тураны ыраактан темдектеп көрүп алгам. Мен жастырбадым ба?

— Жок. Ончозы чын. Онон школ, онон ары... же ол ло бир тура...

Ол күүн-күч жок каткырынды.

— Чыгара не айтпай турыгар. Жалтанчылу ба?

— Жок. Онон ары... слер сураган ол ло бир тура... милиция болор...

Онын жүзинде не де кубула берди. Жалакай эриндери тыртыш жуурылып, көстөринде кадагы ла өчөш одычак жалт эдип суркурайла, ол ло тарый өчө берди. Айса, ол жүк ле Наташага анайда билдирген болор бо? Уул бажын салактадып, туура көрди. Олор жарык отторлу телкем туранын алдына токтой түштилер. Ол бачымдай берди.

— Мен керегинде жаман неме сананбагар... Мен мыны бойым талдап алгам. Жакшы болзын! — деп, ол мендей-шиндей жаан тынып айдала, бийик кирнесте жаар жаан алтап база берди. Же текпиштин сырагай жанында кенетийин кайа көрди. — Мен, керек дезе, слердин ады-жолгарды да сурабаган эмтирим. Адыгар кем болор?

Наташа адын айдып, тыг унчукты.

— Быйан болзын, Наташа!.. Айса болзо, кажы бирде жолыгарыс! — деп, ол кыйгырала, кирнестеге чыгара жүгүрди. Оны ээчий ачу чыкырап, эжик калт эдип жабыла берди.

...Наташа будактарынын баштары тоорылган эки айры жоон терекке жолонөлө, нени эдерин чат ла билбей, алан кайкап тура калды. Анайдарда, ончозы чын туру не. Бир де кокырлабаган, төгүндебеген турбай. Наташа эмеш токынай берди. Ол бүткүл час ой туркунына база тыг ла бодонгон ине. Санаазында ол бойы ненин де учун бурулу немедий. Ол сурак жоктонг ээзи жок айылга киреле, оны ээленген, жүк

ле онын кийнинде бу айыл онын эмезин ле анда нени де эдер жагы жок болгону жагы ла ярт ондогондой, онын да учун, бот, эмди, эмди ле коркышту ла та не де боло бергедий. Шок-каршулу керек эткен неменин бурузын алынып, ачык-жарыгында айткан баштапкы ла сөстөрүн угатаны, байла, оныла кожо жаман керек эткенине түңгей болбайсын... «Э-э, ол энезине нени бичиди не? — деген санаа Наташанын бажына эбеле берди — ол ич санааларын чыгара айдып, бичип турды не.» «Ончозы кем жок, эне... Мен удабас једип барарым. Сен сагы. Эмд ончозы кийнимде артты».

Наташа бийик кирнестени ајыктап, бир бүдүн-жарым час мынан озо болгон ончо керектерди сагыжында орныктырарга ченешти. Санаашуултези үзүктелип турды. Сөстөр лө керектер булгалат. Ончозы ла үсти-үстине барчакталыжып, бир ле өйдө, жагыс ла уунда болгон немедий билдирет. «Слердин городко једип келеле, кем болгонымды милицияга барып айдар деп санандым. Слер улус ортодо сүре ле жагыска јүрерге кандый күч болгону, байла, билбес болорыгар».

Кокырлабаганы чын туру.

Наташа телкем эжикке туйка иженчилү көрди. Бу ла өйдө эжик кенетийин кайра ташталып, тутказы туранын стенизине јырс ла эдип калды. Кирнестеге милиция ишчилеринин кеп-кийимин кийген бир бөлүк улус чыкты. Олордын ортозында байагы уул база турды. Милиционерлердин бирүзи коштой турган эки кат турага ус сабарыла уулап, кезем унчукты:

— Горбөлүкке јетиригер!

Онын үни Наташага баштап тарый таныш деп билдирди. Је олненин де учун ого јаан ајару этпеди. Наташа жарык отторлу асфальтка чыгара базала, токтой түшти. Байагы уул портфелин өрө көдүрди.

— Быйан болзын слерге!.. Ончозы кем жок — деп, ол кыйгырды.

Оныла кожо базып брааткан милиционерлер алаатып, токтой түштилер. Наташа тротуар јаар кайра басты. Оны токтозын деп кем де кийнинен кату кыйгырды. Наташа түрген эбире сокты. Ого јиит лейтенант јууктай басты.

— А, Коля! Бүгүн сенин дежурствон бо? — деп, ол омок көрүнерге чырмайды.

— Бу сен бе? — лейтенант кайкады. — Слер экү таныш па?

Наташа лейтенанттын алаг кайкаганын көстөринен сезип ийди.

— Милицияны көргүзип берзин деп сураган. А меге түңгей ле.. Мен редакция јаар бараткам. Милиция јолой ине. А не боло берди?

— Кудай ла де! А мен санангам — лейтенант јенил тынды. — Сен билерин бе? Ол кандый бандит. Оны бедреп јадылар. А слер кайда јолукканыгар?

— Кинодо...

— Кинодо?.. А ол... ол анда болгон бо?

— Коштой отурган.

— Канайып коштой?

— Баш ла болзын, коштой канайып отуратан эди.
— А-а, эмди ондодым... Онон бери базып ийдеер бе?
— Базып ийдис.
— Бу ла мынай кожо бо?
— Эйе, мынайып ла кожо. Ол милициянын туразын көргүзип бер-
зин деп сураган.

— А сен онын кылыгында нени де сеспедиг бе?
— Андый ла коркышту нени де сеспедим. Басканыс ла басканыс.
— Меге сен учун торт ло коркымчылу боло берди. Басканыс ла
басканыс... А ол сени өлтүрүп салган болзо... Мен жааныма телефон
соктым. А ол меге быйан айтты. «Сен ырысту» — дейт. «Дежурство
күн сеге ончозы ла келижип жат» — деди.

Николай омок ло жайым каткырды. Наташага онын сүүнчилү кат-
кызы, көдүринги күүн-санаазы ненин де учун чек жарабай барды. Ол
ого нени де айтпас деп бек сананып алды.

— Сен беш минут кире сакып ал — деп, Николай сурады. Мен
чүрчө ле. Онон өскө база ла мындый немеге туштап каларын... Айса
болзо онын нөкөрлөри городло баскындагылап жүргөн болор. Эмди
онын бичик-билигин жазап ийерис, онон — камерага. Сен сакып ал.

Лейтенант горбөлүк жаар жүгүрө басты.

Наташа мендебестен ичкери ууланды. Онон редакциянын жанында
токтой түшти. Жабызак эски туранын карануй көзниктөрине көрөлө,
иштенер күүни соой берди.

— Эртен таң эрте тура иштегейим — деп, ол сананды. — Түнгөй
ле башка не де кирбес.

Ол кайа көрди. Горбөлүкте, эки этажтын экилезинде оттор жарык
күйет. «Эмди оныла не болуп туру не?» — деп, ол сананды. Онон кар-
манынан уужалып калган чаазынды кодорды. Алаканына жайа тудуп
түзеделе, фонарьдын жанына жууктап кычырды: «Омск, Советский,
10 «а», 86-чы квартира. Катанова Мария Игнатьевнага».

— Айдарда, Катанов эмтир, а ады жарты жок.

...«Земля до востребования» деп фильм көргүзүп турган. Этьен
деп кайучы керегинде. Наташа киного оройтып калган. Залга журнал-
дын кийнинде кирген. Бойынын жерине өдүп браадала, көстин кыры-
ла он жанына көргөн. Анда тизелерине портфель салган, жаан кара оч-
калу жинт уул отурган. Жерине отуруп ла аларда, от өчө берген. Ната-
ша уулга килеп сананган: «Көөркий студенткти сени... столоыйга да
барбай, лекциядан бери жүрүп ийген болбайсын». Онон ол коштой отур-
ган уулдын бары-жогын ундып, курч сюжетту фильмди жилбиркеп көрө
берген. Кино божоордо оромго чыгып, жүрексиреп баскан. Көстөрине
фашисттердин кыйын-шыразынан буурайган ла Жөгүге жетире төрт лө
күн артарда, Совет Черүге жайымдаткан Этьен көрүнип турган.

«Ол кире кыйын-шыраны өдөлө, Жөгүнинг күүнинде жада калган» —
деп, Наташа ачуурканып бараткан. Бу ла ойдө ого он жанында отурган
«студентик» жедишкен.

— Тарынбагар... Мен бу јердинг эземиз — деп, ол Наташага баштанган. — Бу мында милиция кайда? Слер меге айдып бербезеер бе? Наташа оны танып ийген.

— Баралы. Мен база ол јаар барарым.

— Быйан болзын.

Бир эмеш өйгө олол «тыс» эдип унчугышпаган. Је оног ол уул гордты мактай берген.

— Өзүп ле јат. Онызы јакшы. Келер јылдарда ол генплан аайынча кандый болор?

Наташа городтынг архитекторыла өткүрилген пресс-конференцияны эске алынган.

— Бистинг город јараш болор — деп, ол өкпөөрип куучындаган. — Бот, бу театр тудулып јат. А анда, городтынг јаказында сууны јараттай, улус амыраар јерлер болор.

— Слер журналист эмес пе?

Слер не анайда санандыгар? — деп, Наташа кайкаган.

— Байла, күүним андый туру — деп, ол каткырган.

— А слер чын айттыгар. Мен редакцияда иштеп турум. Је эм тургуза мен ченемели арай ла ас журналист. Мен анайда аданарынаг да уйалып јадым. Мен теп ле тегин корреспондент!

— Јакшы журналист болор күүнигер бар ба?

— А кем оны күүнзебей туру эмеш!

— Мен слерге бир курч сюжет айдып берейин... Акыр ла, тагкы камызып алайын — деп, ол портфелин он колынан сол колына алып, кармаынаг бир пачка сигарет чыгарган. — Је бот... Мен каршулу керек эткен јеткерлү кижин...

Наташа сүүнчилү каткырган.

— Андый болзо, слер менин кол-будымды кайрыбай, тоң-өдүгимди блаашпай не турыгар? Көрзөөр, айландыра улус јокко јуук. Карануй да кирип барат.

— Каткырбагар. Мен улусты оромдордо тозоло, тоноп тургандарданг эземиз. Је мени чын ла бедрегилеп јат. Мен бойымнынг фотосүрлеримди «Јеткерлү каршучыларды бедрейдис» — деген агылу јазалдарданг көп катап көргөм.

Бу ла тушта Наташанын куйка-бажы јымырап, эдине соок јайыла берген. Чырайы кугарып, бастыра бойы агаш немедий боло берген. Је та кандый да ийде оны тудуп турган. Ол «јеткерлү каршучылла» кожо араайынаг базып баратты. Керек дезе, тротуар кечире јанмырдын түрген суузы агып јаткан јерде ол «бандиттинг» јардына тайанып, сууны ажыра јенгил секирген.

— Анайып, слерди биске не экелди? — деп, ол нени де билбечи болуп, јардак сураган.

— Бойымды милициянынг ишчилерининг колына агы-чегинче табыштырарга сананып алдым. Мынаг ары чыдажар аргам јок. Бир јылданг ажыра сок јангыскан, улус ортодо јангыскан јүретени кандый күч.

Наташа ого удур кӱрүп, кӱлүмзиренген.

— Кокырлап турыгар ба?

— Эмеш те кокырлабай турум.

Наташа ого бӱтпеске сананган. Же кайда да анда, туку ла меезин тӱбинде, бу сӱстӱргӱ бӱде бергенин терен чочыдуду сезип калды. Ого бӱтпеске онын ӱнинде та не де бар болгон. Наташа жалтанчылу кайа кӱргӱн.

— Коркыбагар. Мен эмди ак-чек кижин — ол кунукчылду кӱлүмзиренген. — Мен бойымнын буруумды бойума алынарым. Качан бирде, сонгында, жангыдан ак-чек жӱрӱм баштаарым.

— А слердин алдындагы ак-чек жӱрӱмигер качан ӱзӱлген?

— Литфактын ӱчинчи курсында.

Оног ол мендей-шиндей куучындай берген... «Ого кемге де акту сӱзин айдар керек, туйусынган санааларынан айрылар керек — деп, Наташа сананган. — Жангыс ла ол сӱмелӱ кижин эмес болзо... Торт ло детектив романда бичилген немедий». А ол куучындап ла куучындап турган. Сӱстӱри токтоду жоктон урулып, тӱгӱлип турган... Анайып, адазы кенетийин жада калган. Кӱч боло берген. Айдары жок кӱч.

— А кудайдын сӱрлери сӱрекей баалу деп меге айдышкандар. Мен бойымнын жаанымды анайда ла кӱрбӱгӱм. Же ол кудайдын сӱрлери учун меге жакшы тӱлӱп турган. Колдон бичилген эски бичиктер учун база...

— Кудайдын сӱрлери? — Наташа алаң кайкаган. — Музейлерден ӱскӱ кемге керек оло?

— Азыйгы эдимдерди сӱӱйтен улус бар — деп, ол бир эмеш унчукпай турала, айткан. Онын сурагы уулду жӱрексиредип, керек десе, чочыдып ийди деп, Наташага билдирген. Уул портфелин бир колынан экинчизине алып, токтой тӱжеле, очказын уштып, арчый берген. Оног табылу унчуккан:

— Бар андый улус. Эм тургуза бар.

Наташа неме билбеечи кижин болгон.

— Слер оморды кайдан алып турганыгар? — деп, ол «кайдан уурдап турганыгар» деген сӱстӱрди ӱнӱтийин айтпай сураган.

— Шефте план болгон. Анда музейлер де... эски серкпелер де бар.

— Шак ол слердин шеф-жааныгар гран ары жаныла колбулу болгонун сеспей турыгар ба?

— Кудайдын учун анайда айтпагар! — деп, уул капшай ла ары-бери аяктанган. — Бис ол керегинде нени де сананбаганмыс. Же сонгында бу мынын ончозы меге серемжилӱ билдирген. Мен омордон айрыларга санангам. Бу тушта омор мени кезедип салгандар. Мен десе жажына берем. Шефтин улузы кайда ла бар болгонун жарт ондогом. Оны иле-жартына чыгарар керек. Же мен торт ло тидинип болбогом. Жалтанчылу болгон. Бот, бу мынайып ла бир жылга чыгара сок жангыскан жӱрдим. Бастыра Союзга айланып, ого-бого согулып жӱрдим. А эмди десе мен бек шӱӱнип алдым. Бу милиция ба? — деп, ол жарык отторлу

эки кат турага бажын кекиген. Оноң портфелин јерге тўжўреле, очказын тўрген ле ушта тарткан.

— Эйе, бу милиция — Наташа јенил тынган.

Ол бир эмеш унчукпай турала, оны телеграфка јетире кожо барып келзин деп сураган.

— Мен энеме телеграмма аткарып ийейин. Оноң өскө... кижн јалтанып турала, јана баспазын. Мен милицияга барбай, ойто тескери дјўре берерим... Эмди дезе слер ончозын билеригер—оның учун мен слердин алдыгарда јана басып болбозым. Анайда јенил. Ондоп тураар ба?

Ол тушта Наташа оның сураганыла телеграф јаар база берген. А эмди дезе ого байа болгон учурал учун коркышту коркымчылу боло берди. Ол јана болгон болзо, не болор эди. Айса болзо, сок јаңыс кереечини, мени, јайладып саларга ченешпес деп кем айдар? Телеграфтан чыгала, милицияга јетире биске кем де туштабаган ине. Айландыра ай караңуы тўн турган болзын.

Наташа оромды кечип, автобустың токтодузына басты. Мында автобуска оройтыган тоолу улус турды. А туку ол Николай. Ол Наташлага јууктай басып, ару кей тынып, соодоп басып јўрели деп сурады.

— Менде сеге куучындайтан немелер көп — деп, ол шымыранды. Көстөри суркурап, бастыра бойы торт ло чалып, көбрөп турды. «База ла мактанарга турган болор» — деп, Наташа ичинде сананды. Оның арыдым деп шылтактанып, Николайла кожо соодоп басып јўреринен јаза мойноды. Автобус эмдиге јетире јок. Оны тuzаланып, Николай тўрген-тўрген шымырана берди:

— Билеринг бе? Ол — Виктор Катонов. Сўрекей јеткерлў кўлўк. Бистинг плакатта оның сўри бар. Кирип келеле, бойының сўрине көргўскен. «Бу кижн — ол мен» — деп айткан. Бот кандый эмеш! А меге оны јаткан јерине јетирер јакылта берилди. Кем јо-ок. Алдырба-ас — деп, ол бойыла оморкоп ўнденди. Оноң карчый-терчий кайыш курларын оноң-мынан тўзедип көрди. — Канайда алгам, анайда ла јетирип берерим! Менен качан да уштылып болбозын... Качып көрзин, канайдар эмежим!

Наташа јўзин чырчыйтты. Ол Николайды мындый тужында көрөп кўўни јок болгон.

«Ончозы јакшы, эне» — Наташа телеграмманың сөстөрин кенетийин эске алынды. «Ончозы кем јок» — деп, ол бойында шымыранды. Бу ла өйдө, Јаңы јылдын чибичеги чилеп, јўзўн отторыла јаркындалып, оромның учында автобус көрўне берди. Наташа автобуска бир алтам ичкери басып, је оноң Николайга тўрген бурылды. «Баралы — ол Николайдын јенинен тартып, туура јединди. — Баралы, Коля!»

— Кайдаар? Сен кайдаар барарга турун? Бу сенин автобузын ине! — деп, Коля кайкай берди.

— Тўкў анаар баралы... Слер дөөн... Меге оның фотосўрин көргўзип береринг. Је бе? Мен оны коркышту көрөп кўўним бар. Ондоп турун ба? Меге оны көрөп керек, Коля! Көрөп керек!

— Же баргайыс — деп, Николай күлүмзиренди. — Бу сенин калганчы автобузын ине. База автобус болбос. Онызы меге ле јакшы. Ондодың ба?

Наташа бажыла кекиди. Онон Николайдын колын божотпой тарткылап, ичкери басты.

Нина Матвеева

САН БАШКА УЛУС

Нина Матвеева — бистин јерлеш. Ол Москвадагы университеттин журналистика факультедин божодоло, эмди СССР-дин бичиичилер Бирлигинин аппарадында иштейт. Онын куучындары «Московский комсомолец», «Московский литератор», «Литературная Россия» газеттерде, Иркутсктагы «Сибирь» деп альманахта, Улан-Удэдеги «Байкал» журналда улайын кепке базылат. Јиит бичиичинин темазы — эмдиги өйдө биледе улустын јан-кылыктары, јадын-јүрүмдеги кубулталар, үй улустын ачык-јарык, омок-сеген јүрүми.

Шкипер Лева Кеков суу олјондо јаан эмес јуртта јаткан. Суунын бу јанында дезе онын антыгарлу нөкөри боцман Артем Греков јуртаган. Олор бир чугушпаган, бир арчашпаган, бир чуркурашпаган.

— Сени бойдон-бош, үй кижинг амыралтада деп уккам — бир каптап Лева айтты. — Амыраар күн айылдап кел.

— А не керек? — Кеков айлына как тегин кычырбазын билип, Греков јилбиркеди.

Мындый керек, — Лева бултаартты. — Бойынг билеринг не, бистин Санкт деремнеде коптог өскө неме јогын. Јетпезине үй кижн командировкада болзын...

— Онон не?

— Бейи ук: сен бир кысты кычырып јадын, бијелеп, культурный амырап, јүзүн-јүкпүр үлгерлер кычырып јадыс...

— Онон не тўжер деп? — Кеков нени сананып алганын чат ондобой Артем такып сурады. — Эки кыс керек болбой.

— Лева ус сабарыла кезедип, јарјандап күлүмзиренди:

— Ай-ай-ай! Экүди? Үй кижинг укса? Суун канар. Јок, токтогой. Бирүни кычырып јадын. Мере! Эң артык нөкөринге! Келер амыраар күн мен сеге экелип јадым. Сеге! Эң јакшы нөкөриме! Аайладың ба? — Ол ујады јок баграк көстөриле Грековко эрке көрди. — Эки кыс ээчиделе келзен, копсок айылдаштарым экүди экелген дежер. Экү-ди! А мен слерди эмеен-өбөөн улус деерим. Ондодың ба?

— Же, сенин, кей-кебизин неменин, кажы ла оптонып турганыңды. Јакшы, бир кысла келейин. Онон не?

Кеков Грековко, ума јок јаш балага чылап, көрди:

— Мен эки кып туралу. Бир кыбында найра, шахматтың этюдтарынын ылга...

— Сен ого јарабазанг не болор?

— Мен бе? Мен јарабазым ба? Ха!

Артем эретип, эриндерин чайнанды — күрүмнинг Левазы оны ойто ло бир керекке сугарга јат.

— Сениг кызыгды мен тайайын ба — ол база темей мойноочынг болды. — Амыраар күнде балыктаар дезе...

Сени кем кармактабазын дийт. Бир банка чойлошкон до јууп берер эдим ле... — сананып алган кереги «быжарга» турганын сезип, Лева кокырлады.

Греков короны курып, колын јангыды:

— Чойлошкочыгды кедери эт. Менде сеге јараар кыс та јок.

Лева өөркөгөнине торт тыркыража берди:

— Сенде бе? Плюшкин болбозон. Эмеш санан көр. Мен баржа ийе берерим. Туй ла он тогуста.

— Ајса болзо, кулинарныйдыйын?

— Јок. Балдардын садынаг кайдатан. Бойыг бил. — Ол кезе чапты.

Куучын мыныла божоды.

Ондор тоолу жүзүн-башка организацияларлу үч кат эски тураныг коридорыла Греков ал-санаага түшкен базып жүрди. «Ар-бүткенди корыыр общество» деп бичиктү эжиктин ары јанында онын јакшы таныжы, үйинин үүре-јелези Серафима, иштеп турган.

Эзен-амырын угушкан согында, Греков керектин јартын айтты. Серафима оны јарым ла сөстөг оңдоп ийди:

— Билеринг бе, Темка, сеге кемди айдып берерин керек дезе билбей де турум. Светка артист уулла бичижип јат — керек јууктажып калган. Танька јуукта јангы айрылган, өбөөндөрдү үзезин көрөр күүни јок. Люба больницадан кече чыккан...

— А сен бойыг? — Греков керексибечин болуп сурап, керек дезе өнөтийин эстеди.

Серафима тала-тала каткыра берди:

— Көрсөң оны. Эки-үч балалу кижини.

— Јок, мен тегине ле. Кунукчылду, ончо неме күүнди торт алган — Ол ойто эстеди.

— Јөп. Је эртен эниргери сениг Кековын мени ойто бүдүн-бүткүл јетирип салзын. Билдинг бе?

— Сен? Јөп пө? — Греков алаг кайкады.

— А мени тог ло не деп. Чын да, мында эрикчелдү. Эмеш соодонып та алза, кайтсын. Оног мен Кековло эмеш таныш.

— Је, је, бойыгды ангел деп бодобозон — Греков кими ректенди. — Ого јүк ле...

— Бистин јааналарыстыг кожогында чылап, оныла жүрүмин колбоорго турган кижиги мында јок.

— Та ла та...

Артем Леванын айылдаштары керегинде агы-көгин куучындап берди. Ол ондогонду бажын жайкады:

— Сүмелүлерин былардын. Бис онойткон болзобус. Же, алтыда жаратта болорым, жаңыс садикте уулчагыма барып келер керек.

— Актыр, оны кемге-кемге арттырып салбас па?

— Санааркаба, балам сөс уккур.

Ол ойинде келди. Же бу не атазы? Греков бүтпей, көзин жышты: Серафима бир колыла кызыл бөрүгештү бала кучактанып алтыр, экинчи колыла автомат жүктенген уулчагын јединип алтыр, карызында баланын горшогын, курсагын, сүттү болуштоп суккан сетка калагдайт.

— Бир ле болгон, нянька не алып албаган? — Греков өчөлгөндү сурады.

Серафима солыктап, Артемго бөрүгештү баланы туттурды.

— Билерин бе, бу менин балам эмес, үүремнин, а ол, качашкан чылап, бир күнге бир геологический партияга уча берген. Көзин алырандатпазан да, көрзөн, кандый јакшы балачак — ол баланын мечик ошкош мошмок јаагына «моч» этире окшоды. — Учүлөп ого чыдабазыс па?

— Уул ба, кыс па?

— Уул. Ванюш. Чычалгайча эр. Јү-јү-јү...

Серафима јайканчак трапты өрө јенилайак чыкты.

Греков ыраагынан ла јаан кирпич туранын јанында Леванын тардак кеберин көрүп ийди. «Уткы, нөкөр, уткы ла! — Артем каныгып сананды. — Эмди баланын штанын јунарын, каша кайнадарын...»

Кеков керектин аайын ондоп, толыкка јажына берди, је Греков аай-коой јок алгырды:

— Лева! Бис мында. Бис сени көргөнис...

Лева толыктан колын тарбайтып, күлүмзиренген чыкты:

— Јакшылар, јакшылар, өрөкөндөр. Слерди сакып, буурым түгенди.

Олорды айылдаштар качан ок чундап ийдилер.

— Ах, кандый јараш кызыкчак, — Лева чачамдыгат.

— Уулчак! — Артем тжи өткүре унчукты.

— Балдар өс јат, өс јат... — Лева ойгор кебин тартынып, бажын жайкады. — А бу герой торт солдаттын бойы. — Ол Серафиманын колынан сетканы алды. — Өдөөр, өдөөр...

Айылдаштар куучынга кирерге тезиникпей, унчукпазынан күлүмзиринкпей.

— Таныжыгар — деп, Кеков олорго айтты. — Менин нөкөрлөрим. Билезиле айылдап келгиледи. — Онойдо айдала, Артем јаар сан башка көрди.

Айылдаштар бир уун куучындажа бердилер: ай-күн, не-неменин баазы, бала-барка, фасондор, өббөндөри керегинде. Же Лева айылчыларды үйге кийдирерге мендеди.

Серафима бойын айлында деп бодонып, квартиранын ичин ајык-

тап, печкени одурып, курсак аза берди. Ванюшты Колька көрүп отур-
зын деп, өскө кыпка арттырдылар.

— Ой, уулдар, кандый макалу. — Серафима плитанын жанында шак-
пырайт. — Мени эбире улус, балдар болгонуң сүйүп жадым. Лева, меге
картошко арчыырга болушкар, а сен, Артем, айылдаштарга укуска
барып кел.

Төбөлөдип койгондый Кеков бычак алып, сүре-чөптү көнөктин жа-
нына уккур отурды. Греков коштой квартирага токылдадып, эжик ачы-
ларда, кызыл халатту чоп-чон үй кижини көрөлө, санаазын арай ыч-
кынбады. Ол оны албанга жуук тактага отургызып, оос то ачтырбай,
төрт жыл чүмдеген билелик тууязызынын үч бөлүгүн уктурды. Тууязызын
кычырып божойло, саат болбой үүрезиле кожо ологорго барар болзо,
учында укус берди.

Лева оны угала, күүни сооды, же Серафима айылчыларга айдары
жок сүүндү.

Кеков көрбөс аразында жүзүн чырчыйтып, сабарыла чыткыдына
чокыды. Артем десе ийнин кызынып, тыс та этпей, журналду креслого
эптү отура берди. Же узак сайраарга келишпеди — ол кыптан Ванюш-
тын ый-сыгыды угулды.

— Артем, нөкөрүм дейин... уулчактын штанын солып ийсен? —
Серафима сурады.

Кеков жөмөп:

— Чын, чын, сен жаш балдарды сүүринг коркышту ине...

Артем күүн-күч жок өрө турды. Жаан удабай ол кыптан оп-соп
түшкөн чыкты:

— Серафима, а, Ванькаш... кх-э... кызыкчак туру не.

— Канай-оной кызыкчак, көк-жарамас? — Серафима көзүн улай-телей
жумуп, жымыртканы ычкынып, кухнядаг чыга жүгүрдү. Онын кийинен—
Лева ла Артем.

— Чын да, кызыкчак эмтир — Серафима үшкүрүп, белин түзөдүп,
алаканыла мандайынын терин арлады. — Мен өскө балала булгашты-
рып салтырым не. Сербенг эдим ле, же олордын тунгейлери сүреен бол-
гон. Ол уулчакты мен бир ле катап көргөн инем. — Серафима горшок-
то отурган кызыкчакка ойто энчейди. — Айдарда, сен Ванькаш эмезин
бе? Адыг кем, экем? Танюш па? Эм не болор? Уулдар, эмди ле ойто
жанар керек.

— Неле? Баржам ыраак, кемеле — жеткерлү. Жангыс эртен — деп,
Кеков айтты.

— Садикке телефондо.

— Чын да дезенг.

Колька энезинин эдегинен чиректей берди:

— Эне, сен меге сыйын сыйлаар болдын не. Санаага кирет пе?

— Сени сананардан, бойум жүүлип барадырым.

Серафима телефон согуп, балдардын садынын жаанына керектин

зайын жартады. Учунда, онызы ондогон ошкош, Серафима јенил тынып, трубканы салды.

— Керек бЃтти. Эртеп бисти Танькаштын энези уткып чыгар, мен оны јакшы билер эмтирим.

Эжик токылдаарда, ўчў сертес эткиледи.

— Бис келдис, — эки айылдаш ўй кижии чур-чуманак кирдилер.

— Одоор, — Кеков кинчектў кўлўмзиренди.

Квартира тапчы, тыгыш боло берди. Тал-табыш кўўлеп, балдар чор-чоктойт, неме тўжўп оодылат, айылдаштардын бирўзи Грековко кыгылдап, тууызын кычырат, Лева сўре-чоптў кўнўктў ары-бери сундуртат, Серафима экинчи айылдашка арыктаарынын упражненииезин кўргўзет, проигрыватель ойнойт...

— Серафима, кўрзўгўр дў, озор чек ле игис — бир айылдаш Колькага ла Танькашка колын уулап, кайкап божобойт.

— Мен бодозом, Ванькаш адазын тўзўгўн, Колька энезин — экинчизи укаркайт.

Артем Серафимага имдеди.

— Кичеенгенис.

Кенете Кольканын шынгырууш ўни угулды:

— Бу Ванькаш эмес, Танькаш не.

— Канайып?.. Танькаш? — айылдаштар колдорын чабышты.—Оны уулчак деген јокпогор.

Лева албанбыла кўлўмзиренип, колдорын тартылгак јыжыштырды.

— Олордо ондый ойын бар. Колька ийиндў болорго сананган, Танькаш чыгарда, озор оны Ванькаш деер болгондор. Олордо чын Ванькаш чыкса, Танькаш ойто ло Танькаш боло берер... — ол ванькаштарга ла танькаштарга булгалып, унчукпай барды.

Колька Артемын эдегинег тартты:

— Артем таай, Артем таай! Энем меге чын да кандый да андый Ванькаш эмес, а сыйын сыйлаар болгон. Чын дезеер, эне?

Серафима каткызын јўк арайдан тудуп, эжиктин јаагына јўлўнди.

— Колька, бу кижии сениг адан эмес пе? — озор јангы кўрўжип тургандый, бой-бойларына кўрўп, јангы ўндендилер.

— Сен нени-нени ондоп турун ба? — бирўзи сурады.

— Јок.

— А мында кижии ондобос не бар? — Кеков унчукты. — Бис јангы биле тўзўлгўненин керечилери болуп јадыс. Шампанскийди уралы, нўкўрлўр. Ура!

Столго курсак-тамакты мендей-шингей салганча, айылдаштар сўс блаажып, кўйлўй бердилер:

— Эмеен кижининг салымы кату ла база. Балала јангыскан артары кокыр эмес...

— Бистин Полина Ульянова чылап...

— Эйе, эки балалу арткан...

— Бирўзи экинчизинег оогош...

— Бир кижии јўрўп јат ла...

- Балыктын базанын бухгалтер...
- Кем жок кизи болгодый...
- Ичпей жат...
- База кысту...
- Кемде? Серафима ла Артем керегинде айдадын ба?
- Олор до, Полина Ульянова ла бухгалтер де керегинде.

Онон айылдаштар «жииттердин» кыбын жазай бердилер: оlorдын шүүлтезиле артык мебелиди жылдырып, чыгарып, Леванын үйинин гардеробын кактап, түндеги жарыкты тургузуп, көзүнөктүн көжөгөлөрүн солыырга турарда, айыл ээзи жаратпады. Кеков бош аргазын таппай, телчип, кимиренип турды:

— Зиночка, жаманым ташта, мен эмес, Греков бурулу.

Балдарды Левала кожо жаттырдылар.

Учында тымып, Серафима ла Артем экүден ле экү арттылар. Артем Серафиманын чачынын жараш жыдын тынып, кыймык жок жатты.

— Билерин бе, Тема — Серафима үргүлү шымыранды. — Мен бүгүн кандый ырысту болгом... Менде качан да той болбогон ине. Керек десе мындый да...

Эртен тура «жииттерди» Колька ла Танькаштын кыйгы-кышкызы ойгосты:

— Эй, жииттер. Балдарды апаргар. Мен бажымнан ала будыма жетире көк үлүш. Матрацты кургадып салдым...

Кековтын айылчыларын үйдеп, туранын ончо үй улузы чыкты.

Уйкузырап калган айылдаштар келер амыраар күн айылдап барар болуп, Серафимага ла Артемго чертенип турдылар.

Лева кунуга түшкен Артемды кучактай алды:

— Жазым жогынан барарыс, нөкөр, мен сеге сөзүм берген жокпом...

Константин Қозлов

КУШТАР КОШ-АГАШКА УЧАТ

Чуидын чөли. Эки жанысла камчыдый брүлген туулар чөйилет. Олордын ортозында түс ле жайым чөл. Мында нургулай салкындар согот. Жайгыда олор тоозын-тобракту сүрекей жаан куйундар көдүрүп, ийдези чыкканча ла кайдаар да ыраакка айдап апарат. Кышкыда салкын араайлай берет, же коркышту ачу согот. Он беш те градус соок болгондо, машинадан торт ло чыгып болбозын — жүзингди соок ло ачу салкын бртөй согор.

Же ол тушта канайып та тымык күн турган. Акталга бис кызыл энгирде жеткенис. Кырлардын жатыра баштарында анда-мында карлар агарган. Ажарга жүрген күннин кызыл чокторынын алдында турган кырлар Николай Рерихтин журуктарында Төрбөт жериндеги туулардый көрүнгөн.

Карачкы билдирбезинег өзөкти өрөлөй койылып келерде, жылу ла телкем турада электроот жалт эдип күйе берди. Чагандай отурган жеринег өрө туруп, телевизорын иштедип ийди. Чаңкыр экранда Москванын дикторы куучындайт, токынал жок жер үстинде болуп турган керектер керегинде кадрлар солынат.

Алдындагы көчкүндөрдүн жүрүмү тазылынан ала кубулган, чөлдө жаңы жүрүм там ла бек алтамла ичкерлеп турганы бу эмес пе? Чөллө барып жатсаң, жаныңла «Жигулилер», «Москвичтер» сурт эдип өдө конор. Автомашиналарда рульдын кийнинде жүстери салкынга, соокко ло күнге күрөргөн малчылар отурар. Машиналар койчы-малчы улуска алтай укту жабызак ла омок аттарды солыган. Алдында колхозтын председатели эмезе өскө дө жамылу-жааны койчылардын турлуларын керип барган болзо, онын жорыгы бир айга шыку болор эмезе онон до көп өйгө уалатан эди. Ненин учун дезе, мындагы колхозтордын турлуларын тоолоп көр! Тоолоп-тоолоп келеле, булгала берерин. Турлулар мында, чындап та, сүрекей көп. Олордын ончозын таң атту айланары база керек ле! А эмди керек чек өскөлөнгөн: жүк ле бир неделенин туркунына кажы ла койчыга барып келерин, жаан жолдордон ыраакта кандый жатканын, нени керексип турганын сурап угуп, ончозын билип аларын...

Жабызак столдын үстиндеги тала аяктарда казах борсоктор, орус калаш, теленит куруттар жадат, густу, өрөмөлү сүттү чай урулган шаа-жын аяктар турат. Чагандай Карманов бойы теленит, алган эжи, Эркелей, коо сынду, жиндиркек казах үй кижги. Онын да учун столдо казах борсоктор ло теленит куруттар жатканы жолду. А орус калаш— ол текши курсак.

Чагандай алтан үч жашту, буурыл чачтары атрайышкан, жүзи Чуйдын салкындарына күрере жалаткан кижги. Сыны узун эмес. Же баштап та тарый оны көргөндө, бу кижинин кандый да токыналу, төп, жаан ич ийделү болгонуң жарт сезип каларын.

Сырып көктөгөн жаан кебисте көп тоолу жуучыл ордендер ле медальдар. Чагандай бастыра жууны дивизиянын кайучылы болуп өткөн. Онын да учун солдаттын жеңил эмес жолдоры керегинде куучындайтан эске алыныштар ондо сүрекей көп. Дивизияда оны колго кирбес Чагандай деп тегиндү адабаган эмей.

Көзнөктин ары жанында салкынга өткүрө соктырткан чөл. Андамында жерге жаба ла кату өлөңди отогон койлор көрүнөт. Чагандай папирозын чыгарала, камызып алды.

— Былтыр жүт-жулакай болуп, өлөң ижинде бир эмеш тутактар болгон эди. Же андый да болзо, өлөң бисте эмди де көп. Жаңыс та бисте эмес, ончо колхозтордо жеткилинче. А алдында мындый болгон деп пе? Сай таштардан өскө не де жок болгон эмей. А эмди кайда ла өлөң өзөт. Ненин учун деп? Ненин учун дезе, бис бу чөлди сугарадыс. Тынду суула... Оны кижги бойы сугарган. Бот, бу ла колдорыла...

Чагандай бек ле ийделү колдорын ичкери сунды. Мен онын жалбак

алакандарында кату торсокторды јарт көрүп ийдим. Мында, Көкөрүде, Монголиянын гранинын јуук јанында ол он сегис јылга чыгара колхозтын председатели болуп иштеген. Алдында бу колхоз уян, аргазы ас хозяйство болгон. Је Карманов мынан тын да санааркабаган. Баштапкы ла јуунда ол улустын күүн-санаазын көдүрүп, омок айткан:

— Удабас, бир канча өйдөг, бисте ончозы болор, нөкөрлөр. Јаңы туралар, јаңы школ, интернат тудуп аларыс. Оны ээчий балдар табар тура, текши мылча да болор. Клуб ачарыс, јинт улус ойноп, бијелен турзын...

— Быйан болзын! — деп, кем де ачуурканып унчуккан. — Мынан ары кайдаар бијелеп барар эмејис! Барар да јер јок.

Чындап та, ол тушта чөлдө той балкаштан туткан јабызак ла јантык турачактар, тоозын-тобракка борорто алдырган айылдар өскүзиреп тургулаган. Олордо колхозчылар јуртагандар.

Ол јуунын кийнинде күнди ээчий күндөр өткөн. Је бир катап баргаазы јытанган, кулузыны јайканган кызу ла ээн чөлдө, айса болзо, көп чактар туркунына баштапкы ла катап, малталардын чатылдаган табыжы торгылып чыккан, јаңы чапкан агаштын чаганалу табынын јыды јайыла берген.

Председатель тўште де, керек десе, тўн де болгожын, амыраарын чек ле ундып салган. Колхоз бастыра јанынан түрген өзүм алынзын, улус бойынын ийде-кўчине бүтсин деп, хозяйствоны башкарарынын, оны тўзөп өткүреринин кандый да јаңы эп-аргаларын табар керек болгон. Чагандай колхозчыларды ойто ло јууган. Ол Барбаргузын деген түрген ле калапту суудан јажын чакка бир катап коолдор казары, онын тынду суузыла какшаган чөлдин јүрүм јок телкем јерлерин сугарары, колхозтын тос јуртында јажыл корбо агаштар отургузары керегинде куучындаган.

Экинчи јуунда колхозчылар бойынын башкараачызын ајарулу ла бүдүмјилү тындагандар. Ненин учун десе, олордын председатели сөзине турар да, эдер-тудар да кижі болгонына колхозчылар табынча темиге бергендер. Бу өйгө јетире јуртта бир канча телкем туралар, спортко тазыктырынар јер тудулган.

— Курайдын талын экеле, бойыстын јуртыста өскүрүп аларыс— деп, Чагандай туйка санааларын чыгара айткан. — Јажына иштеген каргандар онын көлөткөзинде амырап отурзын.

Эки-үч јылдын бажында Көкөрү Кош-Агаш ичинде эн озочыл ла ичкери өзүмдү хозяйстволордын бирүзи боло берген. Чагандай председатель болуп јаңы ла иштеп баштаарда, мында бастыра малдын тын-тоозын он алты мун болгон. Је эки-үч јылдаг бу тоо эки катапка көптөгөн.

Јайгы күндердин бирүзинде, өлөн чабар өй тушта, бис, Новосибирсктин бичиичизи Афанасий Лазаревич Коптелов ло мен, колхозтын тос јуртына келгенис. Јурттын оромында бир де кижі јок болгон. Бис кижі сынынаг чала бийиктей берген јаш агаштардын јажыл јалбракта-

рынын ортозыла жакшызынып базып жүргенис. Афанасий Лазаревич бажын жайкап, сүреен кайкаган эди.

— Мындый кайкал аймактын төс журтында да жок — деп, ол соокко керек десе таштар да чыдашпай жарылып турган жерден өрө өскөн агаштарга ус сабарыла көргүзип, оморкодулу унчуккан. — Көкөрү Кош-Агаштан бийиктей турган болбой. Талай кеминен эки жүс метрге бийик болгодый.

Онын кийинде бис телкем тураларлу түс оромның ортозыла өдүп, будугы жытанган жаңы школго кирип чыкканыс. Бу мыны ончозын көрүп, бичиничинин токыналу жүзинде јиит күлүмји чечектеп чыккан.

Председательди, Чагандай Кармановты, база узак ла бедрегенис. Каруузына жагыс ла мындый сөстөр угуп турганыс:

— Жаңы ла мында болгон...

— Мал саар фермада болор...

— Өлөңчилерде болбозын. Онон барып көригер...

Чагандай алдында, фронтто чылап, биске чек ле учурабай турган.

Санаама кирет, бир он-он беш жыл мынан кайра бийик кырларда мал азыраган аймак азыралга чек једишпей барган. Ол жыл сүреен јаан кар түшкен. Кар јаан түшкенде мындагы колхозтордо чактыг башталганы ла ол. Ол тушта Чуй чөлинде качан да артыкту азырал беле-тебейтен эмей. Мынан улам мал азыралга једишпей баратан. Бу тушта жүстер эмес, а мундар тоолу мал кырылатан. Мындый айалгада азыралды алдынаг бери вертолетло јетиретен. Је кейле јетирилген азырал — ол канча јаан болор деп! Кажы ла хозяйстводо одус-төртөн мунга шыдар мал барын ајаруга алза, текши аймак ичинде жүстер тоолу тын малга онызы тырмактын каразынча неме ине ол!

— Бир катап мен Коптеловтон оның колы салылган сый-бичигин алдым — деп, Чагандай көк кадарлу јаан эмес бичикти көргүсти. Анда «Кош-Агаштагы туштажулар» деген јаан эмес очерк јарлалган. А очеркте десе јилбиркеп кычыгадый јерлер бар. Бот, олардын бир канчазы.

...Машинадан чыгып келдис. Өлөң курлааска једет. Кайда да, јуук јаныста турналардын үни угулат. Бистин јанысла монгол јеринин кызыл төштү суугужы тал-табышту учуп өтті. Байла, өлөң чаап тургандар амырымды бусты деп комыдап турган болбайсын. Оны уязынан улус та, ат та үркитпеген. Суугушты өлөң чабар машинанын таныш эмес табыжы чочыткан.

Сүрекеј ајарынкај куш. Олордын, турналардын, мында табылганынаг ала көп тө өй өтпөгөн. Алдында мында ташту јерлерде жүретен ак-боро агуналар болгон. Је качан улус бу јерлерди сугарып баштаган соңунда ологго кырлар јаар ыраарга келишкен. Эмди олардын јерин суулу јерлер сүйүттен турналар ээлейт.

...Аттар эмес болзо, ончозы жакшы болор эди... Олорды өлөң чабар машиналарга кем де јекпеген. Аттар машинадан үркип, ары болгылайт. Темикпеген аттарла чаап јорторы күч.

...Суугуштын үни токтоды. Турналардын үн алыжып кыйгырганы табынча серип, учу-учында база ла жылыа берди. Жагыс ла узун өлөн-нин баштарыла салкын шуулап өдөт, өлөн чабар машиналардын сүүнчилү табыжы там ла там јарт угулат.

Афанасий Лазаревич колхозтын јаңы жүрүмин, кижинин ийделү колдоры сугарган јерди, көстин алдынча болгон ончо кубулталарды сүреен чындык ла бүдүмчилү көргүскен. Керек дезе, ол до тушта 1961 жылда, төрт жүс гектар јерлерде коолдор эдилген. Олорго Барбаргузыннын суузы чөлдү сугарган. Је јаңыс та ол эмес, Акталда ла Төбөлөрдө, Ортолыкта ла Белтирде, Мухор-Тархатыда ла Теленит-Сортогойдо кижі каскан коолдорло Чуй ичинин јалаңдарына сүүнчилү суучактар агып баштаган. Јер суузынын кандырган, өлөн чыккан...

Колхозтын азырал белетеер аргазынын тынганын мындый тоолор јарт көргүзет. 1971 жылда Көкөрүде мал кабырар јерлерде беш мунцентнер артыку азырал белетелер аргалу болгон болзо, онычы беш-жылдыктын учу јаар ол төртөн алты мун центнерге јеткен. Онызы малдан иштеп алар продукталардын кемин одус процентке көптөдөр арга берген.

Оныла колбой уур-күч төртөн үч жыл санаама кирет. Ыраак Москвадан Кош-Агашка Мариэтта Сергеевна Шагинян келген. Ол тушта јайдын тал-ортозы турган. Мариэтта Сергеевна элден ле озо өлөн ижи канайда өдүп турганыла јилбиркеген. Аймактын ол туштагы башкараачылары бой-бойын јөмөн, каруузын мынайда јандырган:

— Бис малга азырал белетебей јадыс. Бистин јерде өлөн өспөй јат.

— Андый болзо, оны эки колдын күчиле өскүрер керек.

— Бу јерден качан да өлөн чыкпас.

— Слер билеригер, совет улуска кижі бүдүрип болбогодый кандый да иш јок.

— Бисте азырал белетеери керегинде сурак качан да турбаган.

— Андый болзо, өлөн чыкпай јат деп айдар јаңды слерге не берет?

— Мал јаантайын азыралды кардын алдынан чапчып, бойы таап отойт. Быжыл да анайда кыштап каларыс.

— Слер эмдиге јетире каргандардын эп-аргазын тузаланып јадыгар. Өлөңди капшай өскүрер керек. Мындый теп-тегин немени јарт ондогор: хозяйствоны түрген тебүлү өскүрери азыралдан көнү камаанду. Јакшы керекти эртеңге арттырбагар.

Оныла куучындашкан улус жагыс ла колдорын јайган:

— Бистин јерис жарымдай чөл. Таштардан, кумактан өскө не де јок. Не де өспөй јат...

— Бисте суу бар — деп, Мариэтта Шагинян оларды үзе соккон. — А онызы төс учурлу.

Јаңы өй. Ичкери ыраакка көргөн жаңы улус. Шагинянын төртөн үч жыл мынан озо айткан сөстөрин керелеп турган чылап, партиянын райкомынын баштапкы качызы парткабинетте тургузылган снопорды көргүзет. Колхозчылар жагыс жылга чыгар өлөңдү јерлерди сугарып,

олордон кижинин сыныла тең өлөн чаап алгылайт. Көп тоолу хозяйстволор кажы ла гектар жерден бежен-алтан центнер тўжум жуунадып алгылайт. Кезик колхозтордо бу көргүзү мынан да бийик. Темдектезе, СССР-дин 50 жылдыгынын адыла адалган колхозтын механизаторы Яков Богданов кажы ла гектар жерден жетен центнер тўжум жуунаткан. Онызы жақылтада темдектелгенинен жирме процентке көп болуп јат.

Көзнөктин ары јанында карагуй тўн. Булут јок тенериде жылдыстар жаркынду суркурайт. Стенедө көп тоолу фотосўрлер. Саргарып калган бир фотојурукта эки солдат. Олордын бирўзи Чагандай. А экинчизи кем?

— Менин фронттогы нөкөрим Паша Тяглов — деп, Чагандай каруузын јандырды. Онын көстөри јылый тўшти. — Жуунын учына јетире кайуда кожо болгонс, јаньс јолло кожо өткөнис. Меге айылдап јўрген. Эң артык нөкөриме кой сойгом. Кымыс ичкенис.

Чагандай Кармановтын Кызыл Мааны, Кызыл Чолмон, үчинчи степендү Слава ордендерине ле јуучыл медальдарына төшкө тагынар «Москванын коручызына» деген знак кожулган.

Алдындагы солдат, колхозтын ветераны, билгир төзөөчи ле башкараачы Көкөрүле коштой Калининнин адыла адалган колхозто јуртайт. Је чылаазыны јок Чагандай мында да колдорын бош салып, амыр качан да отурбайт. Ол јаантайын койчылардын турлуларына барып, ологро ишти төзөөрине болужат. Оныла коштой ол сугарылып турган јерлерде иштеер өмөлик звенонын ижин башкарат. Бу жерден улам сайын бийик тўжум жуунадылат.

...Тың эмес сооктор јўсти јалай алат. Бойыла кожо јаан иштер экелип јаткан јас эмди-эмди ле уйуктап јаткан чөлдө ойгозып ийер. Кайран куштар, турналар, Кош-Агаштын чөлдөрине ойто ло јанар.

АТ-НЕРЕЛҮ АЛТАЙ КАЙ — БАДЫШТА

Бүгүңги өйдө кажы ла ук албатынын энчиленген культуразы бийик кеминде туруп јат. Ол тоодо алтай калыктын. Алтай јоннын јебрен өйдөн бери үйеден үйеге улалып келген баатырлар керегинде ат-нерелү кай чөрчөктөри эмдигече айдылып јат. Ол чөрчөктөрдү кайлап та, үлгерлеп те, кожондогон до айасту айдар. Аргалар көп. Је албатыда тоомјулузы — кайлап айдары.

Бистин албатынын ал-санаазында көп кайчылардын ады-јолы арткан. Атту-чуулу Н. У. Улагашевтен озо канча кире кайчылар болгон! Онын да кийинде. Эмди Туулу Алтайды алза, кайчылар угы үзүлбеген. Т. А. Чачияков, Н. К. Ялатов — чөрчөктөрин кайлабай, үлгерлеп айдар кайчылар. А. Г. Калкин — чөрчөктөрин кайлап та, үлгерлеп те айдар кайчы. Н. М. Сабдиннин кайы база да солун. Су-алтай. Онон до өскө кайчылар бар.

Быјыл ат-нерелү алтай кайдын јангызы Бадыштагы ороондордын бир кезек городторында торгыланды. Анайып, темдектезе, Франциянын столицазында — Парижде, Швейцарияда — Женева городто, Италияда — Флоренция деп кеби јараш городто.

Бу ороондорго бойынын албатызынын музыказын ла ағылу оос творчествозын көргүзерге төрт бөлүк улус атанган. Баштапкы бөлүк — Грузиядаг «Рустави» деп ансамбль, мында 16 киж. Экинчи бөлүк — Казахстаннаг «Мерке» деп ансамбль, 6 киж, бого Тувадан 1 киж, Туулу Алтайдан бир киж, бастыразы — 8 киж, үчинчизи — Азербайджаннаг, үч киж; төртинчизи — Узбекистаннаг — 20 кижиден ажыра.

Бистин туружарга барган керек — ол фестиваль. Онын ады: Орто Азиянын ла Закавказье албатыларынын јанжыккан музыказынын телекейлик фестивали (Международный фестиваль традиционной музыки народов Средней Азии и Закавказья). Фестиваль Францияда, Швейцарияда ла Италияда өткөн. Ол озо Францияда, онон Швейцарияда ла Италияда өткөн. Бу үч ороон андый фестивальды калганчы јылдарда өткүрип баштаган. Је ого Орто Азиянын ла Кавказтын албатылары быјыл баштап ла турушкан.

Фестивальдын амадузы: Бадышта көп ороондордогы албатылардын јанжыккан озогы музыказы ла оос чүмдемели өчүп, јоголып калган, айдарда, оны ойто орныктырарга бир канча иштер өткүрип јадылар. Олордын бирүзи — фестиваль. Фестиваль ажыра озогызын ундыбаган арткан-калган улусты јууп, онын искусствозын угуп, радионо би-

чидип, телевидениеле көргүзүп, таскадулу иштер өткүрери жаан керек боло берген. Онын учун ЮНЕСКО деп телекейлик организациянын болушка Франция, Швейцария ла Италия андый жартамалду, орныктырулу фестивалдар өткүрүп жат. Олордын учуры жаан, элбек. Фестивалдардын ижин французтар башкарып жат. Бу үч ороондо телекейлик албатынын культуразынын Туралары бар. Ол Тураларда жаңы ла фестивалдар өткүрүп турган эмес, же анайда ок научный шингжүлөр өткүрүп жатканы база бар. Айдарда, албатынын озодон бери улалып келген музыказын ла оос творчествозын жаңыс ла шингдери ле орныктырып арттылары, ойто улалтып апарары баштапкы, эн учурлу сурак та болзо, же ол ок ойдо ол жаанын база жаан ла элбек, терен политический иштер өдүп турганы жарт. Күнбадыштагы ороондор — капиталистический ороондор. Олор техниканын өзүмине ле жүрүмнүн жаңы кубулталу айалгазына тын багынып, ажару салып, ол ок ойдо бойлорынын жебреннен бери бар албатылык музыказын, оос чүмдемелдери өскүрерден болгой, ундыгылап, жылытып салгандар. СССР-де база ла андый айалга деп, олор төгүн шүүлте айдыжып турганы база бар. Же ол жастыра. Совет жаң төзөлгөннине ала бүгүнгү күндерге жетире бистин көп ук албатыларлу орооныста албатынын чындык музыказы, оос чүмдемелдери жоголордон болгой, эмдигече бек тудулып, жаңжыккан эп-аргазыла артып, жаңы ойдин өзүм-айалгаларына тайанып, байып, өзүп жатканы жаан учурлу. Оны база катап бис, өрөги айдылган республикалардын, Тува АССР-дин ле Горно-Алтайский автономный областьтын улузы, Францияда, Швейцарияда ла Италияда болгон фестивалда жаштаң ала ада-энебистен алып үренген албатыбыстын музыказын, оос чүмдемелин угузып, бүдүмчилеп көргүстибис.

Чынынча айтса, бистин көргүзетен музыка-ойынды 1984 жылда Франциядан улус келип, бойлоры талдап алган эмтир. СССР-дин культуразынын Министерствозы ологорго, темдектезе, мыны алыгар, мыны көригер деп бир де бойынын табын айтпаган. Не барын көргүзерде, ончо байлыктаң талдап алганы бу өдөтөн фестивалдын программазы болуп артып калган болтыр. Ол тоодо алтай ат-нерелү кайды мындый кижжи кайлап келзин дегени меге келишкени ырысту учурал болуп калды.

Мен — Туулу Алтайдан, коштойында Тувадан — Куулар Эрес-оол, карындаштык Казахстандагы Джамбул областтаң «Мерке» деп ансамбльдин алты жинди: Арыкбай, Аскар, Мурат, Джамал, Шумабай, Алмас, онон бисти баштайтан кижжи, филология наукалар кандидады, этнограф, фольклорист, албаты ортодогы бу телекейлик фестивалдын каруулу качызы Б. М. Малицкая, тилмеш-көчүрөөчи Т. Я. Уманская — бастырабыс өн кижжи, бир группага кирдис. 28 февральда ончобыс СССР-дин культура Министерствозына жуулып, керектү документтерди колыска алып, шыйдынып, атанарга белең болдыбыс.

Бис 1 мартта Москвадан эртен тура 9 ч. 30 минутта чыгала, Парижке үч часта жедип келдибис. Жолдо ой үч жарым час өткөн. Ол күн бис баштапкы ойынды көргүстис. Ойыннын программазын Теле-

кейлик албаты культуразынын клубынын аңылу ишчизи Франсуа деп кедин кижиги тургузып баштады. Программа эки бөлүктөн тура берди. Баштапкы бөлүктү Тана Тувадан келген Куулар Эрес-оол баштайт. Ол төрөл жеринин, албатызынын икилизин ойноп, көбмөй, каркыра, сыгыт, борбордур деп кайларын күүледе, сыылада чөйөт, комыс согот. Ол кезикте отурала, икили ойноп, тапкаанан кайлайт, кезикте бут кырына туруп, комыс согот, сыгыт, каркыра күүлөрүн катап ла көндүктирет. (Баштап тарыйын ого күч болгон. Ол оору жаткан. Же сельсоветтин председатели келеле, «тур, сего гран ары жанына барып, тува жонунун адынан кайлаарга келишип жат. Оору да болзон, атан» деген). Оны ээчий казах жинт Алмас Алматов чыгат. Ол Казахстандагы Кызыл-Орда городто журтап жат. Алмас жакшынак кийим-кептүү чыгып, төрөл жеринин озогыдан бери улалып келген дерпе деп күү-кожонун чөйөт. Бу күү-кожонго жаан эмес кандый бир учуралды эмезе кижини мактап, улуркадып эмезе жабызадып, шоодып айдатан эп-арга эмтир. Онын күүзин, домбрала ойногонун залда отургандар угуп, жылу уткыгылаган. Алмас Алматовтын кожон-күүзи бай, учуры жакшы, домбразы өткүн жаңыланган.

Куулар ла Алматовтын кийинде мен чыгып, баатырлык алтай кайды баштадым. Бу кайды мен улуркада ла көдүрингилү, гимнический эп-аргазыла, албатыда жанжыкканы аайынча боймнын билетен «Алтын-Саадак» деп чөрчөгимнен үзүк кайладым. Эпический кайдын кийинде онын арткан бүдүмдерин кайлаарга келишкен. Каркыра, көбмөй, сыбыскы тува Эрес-оолдын күү-кайына түнгей де болзо, же мен оноң башка кайлаарга эп-сүме бедрең, күч айалгадаң аргаданып, чыгып тургам. Чын, Тува АССР-дин культуразынын заслуженный деятелине түнгей болоры күч. Андый да болзо, алтай кай жабыс кеминде турбаган. Канайда да кайлазам, менин кулагым уккур, көзим көргүр: залда чымыл да учса, улустын жаан да тынган тыныжы угулгадый тымык болгон. Улуста да кыймык жок. Ончо ажару алтай кайга. Анайып бис үчү көргүзүниң баштапкы бөлүгүн ачканыс.

Он беш минуттын бажында, амыралтанын кийинде, ойыннын экинчи бөлүгүн Казахстаннын «Мерке» деп ансамбли ачып жат. Домбранын жүзүн-базын күү ойыны жаңыланып, казах кожондор ээчидесечий чөйилип турат. Кижинин санаазында ол кожондор Казахстаннын чөлдөринен ала Парижке жетире жаңыланып келгендий. Ансамблдын бир кезек улусы мынан озо бир канча ороондордо болгондор. Анайып, темдектезе, Тойгамбаев Мурат тогус капиталистический ле социалистический ороондордо болгон.

Ансамбль, бойынын программанын божодоло барарда, улустын алдына — сценага — ойто Куулар чыгып, бир канча комыстап, көбмөйлөп, ойынын божоткон сонгында, мен чыгып, база башка кайымды баштагам. Мен кайлап, шоорлоп божойло барзам, Алматов чыгат. Анайып бүткүл ойын-концертти божодып ийедис. Онын кийинде ончыбыс сценага чыгып, угаачыларла эзендешип, айрылышып жадыс.

Парижте бистин күү-кожонгысты, комысты, кайысты улус соныркап уккандар. Анчада ла экинчи күнде залда улус отурадандан болгой, турар да јер јок болгон. Онызы јарт, Совет ороонног келген ас тоолу улус албатызынын музыказын, оос чүмдемелин бийик кеминде көргүскенинде алаңзу јок. Анайда олор айдыжып јат.

Бир саг башка неме: Париж городын јаказында јүс өрөкөдөн ажыра казах улус јадып турган эмтир. Олор ого Турциядан ла Китайдан көчкүлөп келген. Эмигранттар. Төрөл ороонына — Совет Қазақстанга — келип болбой тургандары јарт. Олор оны таштайла барган. Эмди канча ороон эбирип, јакшы јүрүм бедрегилеп јат. Төрөл тилин ундыбаза да, је төрөлин таштап, јамандап баргандар. Је Қазақстанда совет јан 60 јыл мынан озо тургузылган, албатызы көп ук албатыла бирлик јадып, бийик экономикалу, культуралу, интернациональный јан-кылыкту, терен күүн-санаалу журтап јат. Бир темдеги — «Мерке» деген ансамбль бойынын албатызынын ойын-концертин көп капиталистический ле социалистический ороондорго көргүзип, ырысту ла јайым јүрүм керелеп турганы — ол тегин сурак эмес, а бистин совет јаннын аңылузын көргүзип јат.

Бу бистин концертти көрөгө келген Парижтеги казах јинттердин күүндери биске ачык-јарык десе, јастыра болбос. Је јажы јаан казахтардын кылык-јаңы кату, тескери, најылык эмези, темдектезе, меге иле билдирген. Је онызы јангыс та меге эмес, бистин «Мерке» ансамбльдй ээлерине база јарт болгон.

Бистин күү-кайысты угарга, темдектезе, экинчи күнде Бельгиядан, Даниядан, Италиядан тоолу улус Парижке база једе конгондор.

2-чи мартта бисти Париж городло таныштырдылар. Парижтин көп нургун оромдоры чичке, је јалбак ла элбектери де бар. Машиналары түни-түжи јылыжып јадар. Городтын ортозыла Сена деп јаан ла терен суу агып јат.

Парижте албаты түнгей эмес. Јокту улустан ала эн бай улуска јетире — бойынын јаңы, өскө ороондордон эмигрант болуп келген јүзүн-јүүр улус ырысту ла јайым јүрүм бедреп келген, је ол иженчизи куру калган баскын-тоскын улус — ол ончозы Парижтин эл-јоны.

Городто бир кезек ресторандар, магазиндер бар. Олорго јаңыс ла бай улус, ады-чуу чыккан артистер ле литераторлор кирип, сагыжы јеткенче ичип-јип, амырап, јайымжу өйлөрин өткүргилеп јат. Магазиндеринен десе кеп-кийим алгылап, кийингилейт. Јарым бай ла јокту улус олорго јууктабай да јат. Тал-орто бай ла эн бай улустын киретен ресторандары, магазиндери база башка. Је јаңыс ла јокту улуска ла ишмекчилерге анаар кирер јан јок: акча да јок, ады-чуу да јок.

Городто јаткан улус бай ла јокту улуска тын бөлингенинен улам ууры, тонош то көп. Онын да учун полициянын көп нургуны тегин кийим кийинип алып, тонокчыларды, уурчыларды тударга јүрүп турганы база да јарт.

Быјыл Францияда јаан кар жаап, соок түшкен. Парижте өлүм де

болгон. Онон улам быжып келеткен жүзүн-жүүр жилектер, маала ажы, аш, өскөзи де соокко алдырткан. Ол билдирлү боло берген. Ар-бүткеннин мындый кату айалгазы кенерте боло беретенине французтар алдында бүтпейтендер. Россиянын башка-башка жерлеринде ар-бүткеннин айалгазы база башка-башка: бир жерде күйгек те болор, экинчи жерде ургун жааш та бол жадар, үчинчи жерде шуурган ла жоткон до болгон турар. Французтар ого бүтпейтендер, же быылгы кардан, сооктон олордын сагыжы кирген. Бүтпейтен жаң-кылыгы бузулган.

Париж бойы жараш город. Оромдору түс, узун, Сена суунын он жарадында керектер эдетеннин (деловойлордын) ле садунун кварталдары көп. Городтын бу бөлүги, парижандардын айдыжыла, озогызына көрө, жаңы. Архитектуразыла аңыланып турганы иле. Олордын ортозында Жылдыс (Звезда) деген тектир (площадь) аңыланат. Ол Жылдыс тектирден 12 ором таркап чыгат, чек ле күннин чогы чылап. Тектирдин чике ле ортозында Триумфальный арка деп монумент турат. Бу ок тектирден Парижтин төс оромы — Елисейский жалаңдар (поля) чыгат. Онын эки жанында сүрекей көп кафеде ле ресторандар, байлык өңлө жалтырашкан шил витриналар көрүнөт. Елисейский жалаңдар деп ором Согласия (Jön) деп квадрат бүдүмдү тектирле божойт. Ол тектирден ыраак жок телекейге ады чыккан Лувр деп өргөө турат. Кайкамчык неме: онын кајудый келген тектиринде кандый улус жок деер. Мында анчада ла жокту улустаң, азыранарга акча иштеп аларга болуп, кожондоп то тургандары бар. Музыка да ойноп, бијелеп те жүргендери көрүнөт, от күйдүрип алып, фокус-кайкалар да көргүзип тургандары учураар. Бир кичинек чогу жуулган улустын ортозына аңыла-нып чыгала, санаазына не ле кирген, оны кыйгырып айткандары да бар. Бу ончозы, чын, капиталистический ороондо онын граждандары кажы ла жанынан Конституция-жаңыла түңгей эмезин керелейт.

Парижтин бадыш бөлүгинде жарлу бийиги 300 метрден ажыра Эйфелева башня турат. Ол 1889 жылда телекейлик албаты ортодо көргүзү (выставка) болорына тудулган. Чынынча айтса, оны эткен учуры — ненин де учурын көргүзөргө туткан эмес, — жаңыс ла Франциянын улуркак болгонун темдектеерге сананган эмитир. Же эмди бу башня жаңыс та Парижти кееркедип турган эмес, анайда ок туристтердин кайкалы болуп, база городтын бойына эң јакшы телевизионный вышка болуп турганы тузалу эмитир.

Парижте көп-көп магазиндер. Олордын көп нургуны бай улустын (частный) деп, город көргүзеечи айдат. Улус кыймырап, собырылып јат. Садуда, магазинде јаткан кеп-кийим кандый ла баадан туруп јат, је көп товарлар, кеп-кийим сүрекей баалу деп айдар керек.

Кандый да болзо, Париж биске бир јуук болуп турган учурал бар. Онын түштүк јака талазында Мари-Роз деп чүмдү адалган ором бар. Анда эки кыпту тегин квартирада 1909 жылдын июль айынан ала 1912 жылдын июнь айына јетире В. И. Ленин јаткан. Француз коммунисттер бу тураны В. И. Ленинниң музейи эдип алгандар.

Женева. 3 мартта эртен тура он час одус минутта бис Парижтин чыгыш жанында темир жолдын Лион деп станциязынан поездле Швейцария жаар атандыс. Эртен турагы кей эмеш сооксымак турган. Же жаан удабай жерди туй алган чыкту боро туман күннин чогына кайылып, жоголо берген. Поездин түргени бир часка 200-тен чик жок ажыра километрди өдүп, ичкери сунган. Вагоннын көзнөктөри ажыра өлөңи жажарып өскөн жалаңдар көрүнөт. Көп жерлерди кыраалап ла үрөндөп салганы билдирет. Франциянын жериле барып жадарыста, ыраагында каа-жаа ла кырлар көрүнип турган. Же качан Швейцарияга жууктап келеристе, жабыс ла бийик туулар көптөй берген. Туннельдер ума жок. Кезик жерлерде кышкы кар жум ла бойы, же төң жерлердеги кар чоокырланып кайылып калган. Кей ару, тымык.

Түштин үч чазында Женевага једип келдис. Женева, Парижке көрө, тымык город. Машиналар ас жүрүп јат, улустын көлзөшкөни чек жок. Оромдор база ла чичке. Туралары бийик, көп сабазы озогы. Городтын ортозыла Рона деп суу агып јадат. Онын агыны түрген, өңи күски Кадын суубыстын чаңкыр-ногон өңине түңгей. Эжерлү куулар, кастар јүскүлөп јүрет, чайкалар табышту учулайт.

Швейцариянын ар-бүткени Туулу Алтайдын ар-бүткенине түңгей. Жерлери кырлу. Түштүк талазында јалаңдарлу бүктерде јылу, түндүк келтегейинде бийик кырларда соок. Јолой келедип көрөристе, кырларда јүзүн-јүүр агаштар өзүп турган эмтир. Күркүрөе суулар да көрүнип калат. Швейцарияда жаан эмес көлдөр көп — 1500 көл бар, оларды эбиреде ар-бүткени чүмдү, онын учун бу ороондо эмденер, амыраар, спорт ойындар, туризм өткүрер көп жерлер јеткилинче бар. Швейцариянын ар-бүткенин бир өйдө В. И. Ленин де кайкаган тужы болгон.

Женевада улус бистин ойын-күүбисти база јилбиркеп, соныркап уккандар, көргөндөр. Мында ат-нерелү алтай да кай, тува албатынын көбөйи, казахтардын үнгүр кожондоры ончо угаачыларга јараган. Кайлаган, сыгыттаган, добра ойногон улусты угарга күүнзеп, оларды катап-катап сценага кычырып тургандар. Онызы бисти јангыс ла сүүнчилү ле көдүрингилү санаага эклип турган.

Парижте ле Женевада ойын-күүлер болордон озо бисти орооннын посольствозынын агылу улусы бисле јолыгып, көргүзү божозо, «ойынаар јакшы болды» деп бийанын айдала, баргылап турган.

Женевада болорымда, ойын көргүзөр экинчи күнде, менин тамагым эмеш оорып калган. Кайлаарга күч болоры јарт, је мен кунука түшпөй, табынча кејир-тамакты, эмеш те болзо, эмдеп алдым. Анайып, энгирде баатырлык ла өскө дө бүдүмдү кайларды кайлаарымда, тамагым ордында болды, көгүстен кей кен, јайым, јакшы чыгып турды. Кайдын экпини там ла тыгып турганы билдирлү болды. Нөкөрлөр дө јакшы кеминде. Ончозы омок, сүүнчилү. Радиоло үнисти бичигилейт, сүр-бүдүмисти телевидениеге соктырат. Корреспонденттердин сурактары ол ло: кайлап, кожондоп кемнен, качан үрөнгөн...

Женева көрүмјилү город. Оромдоры чичке де, јалбак та. Рона суу-

ны кечире көп күрлер арта салынган. Монблан деп күрдин жалбагы онын үстиле коштой-коштой үч-төрт машина өткөдий. Бу городто архитектуразыла аңыланган озогы туралар көп. Журт улузы аярынкай, бачымы жок деп билдирет. Магазиндери көп сабазында тал-түштин кийинде ачылып жат.

Швейцарияда В. И. Ленин 1895 жылдын май айынан ала 1917 жылдын апрелине жетире, текши алза, жети жыл кире жаткан. Мынан ол партияны «Искра» газетти эбиреде тыңыдары жанынан тартыжуны башкарган. 1905 жылда январьдын баштапкы күндеринде Ленинни башкарганыла Женева городто «Вперед» деген газеттин биринчи номери чыккан. Владимир Ильич мында эмиграцияда да жүрзе, ол тушта Россияда болуп турган айалгаларды аяруга алып, теренжиде ылгап, олардын учурын темдектеп, Швейцариянын көп жерлеринде улай ла докдактар эдип туратан. Истрияда ол жаан учурлу болуп артып калган. Онын да учун Женева город биске онызыла жуук болгоны жарт.

5-чи мартта бис тунниг бир чазында поездле Италия жаар шунгутыс. Тун карануй, не де көрүнбес. Бисти жагыс ла уйуктазын деген чилеп, поезд, кабай кебин тартынган чылап, жайкап, күлүрт-калт, күлүрт-калт деген жагыс аай тын эмес жагарын үспей барып ла жатты.

Флоренция. Италияга бис эртен тура алты часта келип, Флоренция городко токтодыс. Поездтен түжеле, жүс ле метр бажында котонотурага барып кирдибис.

Флоренция городто бис 5—6 мартта эки катап күү-кайысты итальяндарга кайлаганыс. Олор бисти сүрекей жылу уткып, кайысты, шоорысты, комызысты, домбрабысты соныркап уккандар. 5 мартта залда улус жүс беженге жедер болор, не дезе, ол күн олардын бүткүл ороонунда театрлардын ишчилеринин өнөттийин ишке чыкпаган күни болгон. Италиянын театрларынын бастыра артисттери, өскө дө ишчилери ол күн ижине чыкпаган да болзо, же бистин күү-кайысты, кожоңысты угарга улус көп келген. Эртезинде залда кижитургадый куру жер жок болгон. Улус баштапкы күннен көп келгени бисти де, клубтын ээлерин де сүүндирген. Радио ло телевидение эки күн улашпаа иштеген. Флоренциянын радио-телевидениезинин ишчизи Руди Ассунтино бистин кажыбысла ла куучындажып, албатынын оос чүмдемели жанынан көп сурактар берип, жылбиркеген. Руди Совет Союзтын Сахалин ортолыгында, Тувада болгоны керегинде орустап куучындайт.

Ижистен бош өйлөрдө Флоренция городло база базап, оны көрүп таныштыс. Флоренция Арно суунун жараттарында туруп жат. Бу город Италиянын жебрен ле жараш городторынын бирүзи. Бир өйдө, Возрождение деп чакта, бу город искусство ло науканын төс жери болгон. Мында бастыра Италияга мак экелген ады-жолу жарлу Леонардо да Винчи, Микеланджело, Данте, Галилей жадып, иштегендер. Оргөөлөр, средневековый церквелер, скульптурный памятниктер Флоренцияны магыла өрө көдүрүп жадылар. Онын да учун Флоренцияны эн артык городмузей деп адап турганы жолду.

7-чи мартта бис Флоренциядан поездле чыгала, Милан городко келгенис. Күн тыг ла аяас эмес, сооксымак. Милан Италиянын тундук жеринде турган промышленный городтордын бирүзи. Онын төс тектиринде архитектура жанынан сүрекей сан башка бүдүмдү Миланский собор туруп жат. Телекейде Европанын ороондорунда ады-чуу чыккан. Онын содойып чыккан шпильдеринин (сүүрилеринин) бийиги 100 метрден ажыра. Онон ыраак жок «Ла Скала» деп оперный театр бар. Анда жаңыс ла Италиянын ады-жолы жарлу кожончылары эмес, же өскө дө ороондордон келип кожондогондор. Ол тоодо Ф. И. Шаляпин, Л. В. Собинов база болгондор.

Бис орооныс жаар атанып ийдибис.

Анайып бистин жорыкташ божогон. Айдарда, бис бойбыбыстын албатыбыстын күүлик ле оос чүмдемелинин, күүлик искусствозынын бир ле кичинек болүгин көргүзип, таныштырып жүргенис. Совет ороондо жаан да, кичинек те ук албаты жебреннен бери улалып келген музыка күүзин, кайды, оос чүмдемелин бүгүнгү де ойдө, качан наука ла техника өзүп, бийик те кемине жетсе, бир де жоголпой, оны там байыдып, оны ичкери апарып жатканы жолду. Оны бис ойногон күүбис ажыра бу ороондордын эл-жонына жарт айдып салдыс.

Владимир Эдоков

МОНГОЛИЯЛА ЭКИ ТУШТАЖУ

Карындаштык республикала менин баштапкы туштажым 1969 жылда болгон. Ол тушта мен спорт делегациянын тоозына кирип, Туулу Алтайла грандалып турган Баян-Ульгейский аймакта болгом. Ол ойдө Монголия керегинде менин ал-санаамда арт калганы мындый: озо ло баштап бой-бойына жаттыргыза турган моко башту бир де сырайган агажы жок кырлар, озор бара-бара, сыранай ла горизонттын бойында ак сүмерлерге токтоп калат; мында, элбек чөлдөрлү бүктерде, тымык көлдөр жадат, тоозы жок үүрлү мал одордо жүрет; эки-үчтен үүрлежип турган каа-жаа ак кийис айылдар көрүнөт, ол айылдарда малчы-араттар журтайт, озордын ижи, кижинин бүткен угынды, база жебрентик болот. Мун жылдыктар мында чек ле анайда ла кыймык жок тура калгандый. Учы-кыйузы билдирбес ак-жарыкты ла бастыразын бойына шине тартынган тымыкты ол чактар одөргө күчи жетпегендий. Мында ар-бүткеннин ле улустын жүрүми чактын жаңыс ла тыныш-кыймыгына багынып калганына туней...

Je эмди, он беш жылдын кийнинде, меге Монголияда болор арга база келишти. Je баштапкызына көрө, ого барары республиканын столицазы Улан-Батор ажыра келишти.

Бу барганым Алтайский крайдын журукчыларынан агылап чыгар-

ган турист бөлүгүн (группазын) башкаратан ишле колболу болды. Бу бөлүккө бистин областтан, менен өскө, обнацдрамтеатрдын баш жүрүкчызы В. Сарин, анайда ок скульпторлор А. Гурьянов, В. Хромов, П. Ялбаев киргендер.

Барнаулдан темир жолло Улан-Баторго жетире күрсүлдеген поездде барары беш күнге келишти, же мынайда барганында бойынын бир артыгы бар. Бу жолды самолетло бир ле канча частын туркунына өдөр, же ол тушта пассажирлер булуттар ла чанкыр тегериден өскө нени де көрбөс эди. А поездде баратсан, вагоннын көзниктөри ажыра канчаканча мун километрлер, эне Сибирьдин учы-кыйузы жок телкеми, онын башка-башка бүдүмдү ар-бүткени, сүрекей кайкамчык Байкал көл элестелип турза, — ончозы көрүнүп барадар. Монгол жерине кирзег, андый ок учы-кыйузы жок монгол жолдор жүстер тоолу беристеге керетебинген жадар. Бу мындый узун жолды өдүп жадарда, кижиге көргөн-укканы керегинде сананар ой база керек болуп жат. Же эн ле төс керек— ол озо ло баштап солун ла кайкамчылу ороон керегинде кижининг укканын ла бичиктен кычырып билгенин тунгдештирер органы айдыш жок берип жат. Онын учун бу ороондо чын көрөр не-немеге, улусла туштажарына бойын, анчада ла меге, кижиз олоондыра тапкыланып, беле-тенип алары жолду.

У л а н - Б а т о р. Поезд столицага эртен тура 8 часта једип келди. Вокзалда бисти Монголиянын «Жуулчин» деп телекейлик албатылар ортодо јорыктайтан бюрозынын ағылу ишчилери ле монгол журукчылардын бир кезек чыгартулу улусы сакуп турдылар. Бисти баштапкы классту «Улан-Батор» деп конотон турага экелип, јадатан кыптарысты көргүскен сонгында, ол ло тарыйын, ажаныштын кийнинде, городло таныштырарга тартып апардылар.

Мен мында монгол столицанын јүрүмин көргүскен ле статистический тоолорды темдектебей јадым — оlorды кычыраачылар керектү справочниктерден таап алар, — а мен бойымнын көргөн-уккан, јүрек ажыра өткүрген солун-табыштар керегинде айдайын деп.

Город-столица меге ол ло тарыйын бойынын элбегиле, ачык-жарыгыла, кеңиле јарады. Ол Хануул деп туунын эдегинде (талайдын турган кеминен бийиги 1350 м.), Толы деп суунын јарадында, кыртыжы ташту-кумакту кеен јаланда туруп јат.

Улан-Батор 60 жыл мынан озо Урга город деп адалган. Бүгүнгү Улан-Батор бойынын элбек тектирлериле (площадьтарыла), оромдорыла, чүмдеп јазаган парктарыла, көп кат туралу микрорайондорыла, јангы строительство өдүп турган площадкаларыла эмдиги кажы ла индустриальный городко сүрекей тунгей деп айдар керек. Мыны ончозын көрзөн, национальный архитектурадан бу ойгө артканы бир ле эмеш: ого кудай јангына мүргиирининг музейи, республикада бүгүнгү өйдө иштеп турган ламалардын сок јангыс монастыри, революциядан озо Монголиянын духовный башкараачызынын кышкыда јаткан резиденциязы болот. Калганчызы эмди религия искусствозынын музейи болуп

калган. Оныла коштой городтын жаказында ак кийис айылдар турат, олар столицага күнчыгыштагы ороондордың сом-бүдүмдерин эске алындырат.

Городтын бүткүл кеберкек бүдүми анчада ла Зайсан деп бийик эмес коюгородон иле көрүнөт. Ол коюгор Толы суунын сол жарадынан ыраак эмес. Мында жуук жылдарда совет жуучылдарга учурлаган мемориальный комплекс тудулган, не десе совет жуучылдар Халкин-Гол учун жууда ат-нерелү тартыжып, жүрүмин бергендер. Бистин келген өйлөрдө республика бу тартыжунун 45 жылдыгын уткырга белетенип турган, не десе, ол совет-монгол нажылыктын историязында эн учурлу ла агару керек болуп јат.

Бу ла коюгор-кырланнаг монгол ло совет специалисттердин калганчы жылдарда өмөлик бүдүрген архитектурный тудумдар бойларынын бүдүмдериле чүмдү аңыланып турганы јакшы. Ол тоодо МНР-дин журукчыларынын журуктар көргүзер залы, цирк, той эткендердин кере бичик алатан өргөөзи, В. И. Лениннин музейи, науканын ла техника-нын информациянын төзи, пионерлердин тудулып јаткан өргөөзи не өскөзи де болот. Мынанг город тудуачылардын кичеенген санаа-күүнн иле боло берет, не десе, олар бүгүнгн өйдин архитектуразынын бүдүмчүмин јанжыккан национальный эп-эдилгеле колбоштырганы танылу.

Улан-Батордын бойында монгол албатынын историязында јаан учурлу болгон атту-чуулу бир канча улуска памятниктер тургускан. Ол памятниктерди јарлу совет мастерлер де эткен болзо, је меге анчада ла монгол авторлордын јазаган памятниктери јарады.

Столицанын төс текиринде 1930-чы жылдарда монгол албатынын башчызы Сухэ-Батордын кеберин көргүскен памятник тургузылган. Ол јанынан Монголия керегинде бичиктерде көп айдылган. Је бу памятникти тегин ле бетонног эткен. Оны жуугынан көрзө, кандый да анаар-мынаар ла јапшырып эткен немедий. Керек десе өйинен өткүре керектебей ле јазаган неме ошкош, кезик аразында кол-буттын узуну-кысказына онын бажы, бөрки келишпей турган ошкош. Је бүткү-линче ол памятник сүрекей улуркак көрүнгениле коштой, анайда ок революциянын түп шүүлтезин, ийдезин ле албаты башчызынын сүркеберин коркышту чокым көргүзөт. Онын учун бу монумент јогынан Улан-Батор Улан-Баторго түней эмес ошкош, чек ле Ленинград десе атту I Петр јогынан Ленинград болбогодый.

Меге анайда ок баштапкы монгол бичинчи Нацагдоржо учурлап тургускан сүр-памятник база тын јараган. Ол эзен жүрерде, оны монгол Максим Горький деп адагылайтан. Нацагдорж европейский үредүлү, учы-кыйузы јок бичиир јайалталу кижн болгон, ол јнит јажында јада калган. Је ол бойынын албатызына терег шүүлтелү ле бийик художественный кеминде турган произведениелер бичип арттырганыла колбой албатыга сүүдиргени јарт. Онон улам ого ондый улуркак памятникти албаты тургусканында аланзу јок. Бичинчи бийик кайанын үстинде, монголдордын јанжыкканы аайынча, эбинче тегин ле отур-

гандый. Ол үстинен төмөн төрөл кырларын ла оlorдын эдегинде жайыла өскөн Улан-Баторды улуркак аярып отурганы чокым көрүнөт. Жербойынын улузынан көрзөн, Толы суунын жаказындагы городской парктагы бу памятник, сfoлицанын төс тектиринде Сухэ-Баторго учураган монументтий, албатыга сүрекей кереес ле керек болгoнын кижиси сизип ийер.

Улан-Батордогы музейлер керегинде бир канча сөс айдар керек, не десе, оlor монгол столицада культура ла история жанынан жылбилүү солундар берип турган объекттер болуп жат.

Оlor бир канча — государственный төс исторический музей, изобразительный искусствoнын музейи, революциянын музейи, маршал Г. К. Жуковтын музейи, религиянын музейи, В. И. Лениннин музейи. В. И. Лениннин музейинде көп экспонаттарды бистиг Москвадагы В. И. Лениннин төс музейи берген. Ол МНР-га берген ончо жазалдар ла материалдар мында коркышту жарамыкту, көрөргө эптү салынгандар. Улус музейде кино до, телевидение де көрөр, башчынын ла өскө дө нөкөрлөрдиг кереес үний угар, революциянын башталганынан ала онын жөнүзине жетире материалдар бай. В. И. Лениннин Улан-Батордогы музейи сүрекей солун.

Бу музейлердин кажызына ла аңылу куучын өткүрерге жараар. Не десе, оlorдо монгол орооннын историязынын ла культуразынын кайда да учурабай турган памятниктери чеберүде турат. Анда археологический ле этнографический материалдар, албатынын оос чүмдемели, эскиде кудай жанына учураган ла эмдиги өйдиг изобразительный искусствoнын произведениелери, исторический ле революционный кереестер бар. Совет ле монгол палеонтологтордын Гоби деп жердин чөлинен, темдектезе, тындулардын ла өзүмдердин жебрен сөөк-тайактарын ла бүдүмдерин тапканы не аайлу солун деп. Сүрекей жылбилүү.

...Музейлерге киргени, циркке жүргени, эмдиги өйдиг журукчыларынын произведениелеринин выставказын көргөни, воскресен күнде монастырьда ламалардын мүргүүл өткүргенин көрүп кайкаганы, калганчыда, городты көрүп, содоп басканы, монгол журукчыларга жолыгып куучындашканы — бу ончозы Улан-Батордо баштапкы күндердин солундары болды.

На дом. Бу албатынын жебрен байрамы. Ол байрамда жаантайын аттар жарыштырып жат, күрөштер өткүрип, ок-жаадан аткылап, маргаандар эткилейт. Эмди Надомды жылдыг ла өткүргилейт. Ол 11 июльде, — албаты революциязы женген күнде өдүп жат.

Улан-Батордо, бис келер өйдө, монгол калыктын бу текши байрамына белетениш учына жетпеген болгон. Онын учун город ол байрамга белетенип турганын күнүн ле сары тагнан ала орой энирге жетире көрүп турарга келишкен. Элбек тектирлер ле оромдор, общественный ла улустын жаткан канча кат туралар тобрак-сүрүүлден аруланып турган. Кызыл жалбыш флагтарды ла лозунгтарды, жүзүн-жүүр плакаттарды керектү жерге илгилеп, тургузып, кадагылап тургандары эрчимдү.

Јашоёкүрим, көп улусла кожо өткүретен гимнастический упражнениелерди, байрам тужында булгап үребеске, катап-катап эткилейт. Албаты черүзинин бөлүктери парадка жык-мык базыжып, анда ла белетенгилейт, стадиондордо дезе республиканын кажы ла јер-талазынан келген эн тын спортчылар коркышту тын белетениш-тренировкада тургулайт. Олор: күрешчилер, атла јарыжатардар, ок-јаала адатандар.

Байрамнын јууктап келеткенин анайда ок көп тоолу айылчылардан да сезер керек — өскө ороондордон ло бойлорынын. Бойлорынын айылчылары ыраак ла јуук аймактардан. Мында төштөринде ордендер ле медальдар эдинген јуунун ла иштин ветерандары, производствонун озочылдары, Албатынын Улу Хуралынын депутаттары.

Айылы бистерге городтын аңылу ээзи болгон улустары байрам өдөтөн јерди озолондыра көрүп аларга арга база бергендер. Надом байрамнын өдөр лө күннин алдында олор бисти Улан-Батордын јаказына чыгардылар. Сырагај ла көстин алдында јаан байкандардан ла кийис айылдардан эткен көп улусту город иле тура берген. Мында бойынын байрамына туружатар көп тоолу айылчылар ла олорды көрөтөн ума јок улус јуулып турды.

Бистин автобус бийик төгнин бажында. Мынан ончозы иле: учкыйузы јок чөлдөрдөг бу јагы турлу-город јаар келеткени јүстер тоолу машиналар, кош тарткан канча-канча абралар, олорды ээчий кирези јок таг аттулар. Таг атту улус јаан јашту, је эн көби — балдар. Олор бойлоруна ла аңылап салган јерлерине тўжүп токтогылайт. Кошторын чечип, тажып, иштегилей берет. Бир ле канча өйдин бажында јагы байкандар кере тартылган, кийис айылдар содойо тудула берген турар. Оттор күйген сонгында үй улустар казан-айагыла уружа берер, јагы ла тургуза соккон чакыга аттар тизиле тургулай берер, бир јарым сагаттын бажында бу ла кыймырап јаткан улус бу ла јерде туку качанан бери јатканына түней бодолор.

Бисти анчада ла аттардын көбизи кайкаткан. Олор јабыс-јабыс сын-аркалу, баштары јаан, је танылу: түрген манду да, сүрекеј чыдамкај да деп. Аттардын кезиктери чакыда, кезиктериле дезе улус ары-бери чабышта. Бир сан башка неме: монголдор эрге отурбай, үзениге бут кырына турала, мантаткылап турганы. Бу мынайда атту јүрери Чингис-хан өйинен башталган деп шүүлте бар, не дезе, үзениге тебеле, өрө туруп алган кижиге (јуучылга) үлдүле чабыжарга, ок-јаала адарга јенил.

Удабас ла јарышка туружатар аттар башка јерде тудулатан эмтир. Олордын јанында каргандар (тренерлер), олор кайдаар да ырабайт. Каргандар аттарды јарышка белетейтен јажыттарды таадазынын ла таадазынын таадазынан алып, чеберлеп јадылар. Бойынын сүүген аттарын јарышка жагыс айга эмес, көп өйдин туркунына белетеп јат, не дезе маргаан-јарыш кату, а јенүге чыккан аттын магы јаан. Ол кажы ла карганга кереес. Олордын јанында 6—10 јашту уулчактар ла кысчактар база кыймыруда. Олор јарышка барар улус болуп јат. Чыйрак

аттарды жагыс ла олорго бүүдүмчилеп берип жадылар. Чөлдүн чыйрак аттарын минип жүрерине оларды эрте жаштан ала үреткилеп жат.

Бу ончозы сүрекей кайкамчылуу. Кижинин ал-санаазын кубултар. Не десе, айылдар ла байкандар түргөн кере тартылып тудулат. Улус отты чүрче салып, аш-курсак кайнадып ийет. Онын да учун, сананып ийзе, жарт: көчүп жүретен общество тужында, улус бир жерден бир жерге көчөргө турза, чактар туркунына жуулган ченемел-билгирин шак ла бу мындый бачым жуудынышта чокым тузаланып жат. Кыймырап турган улус, оо-боо ло жетпей, жок болуп, жүре берери жолду.

Бисти баштаган ээлердин бүүдүмчилегениле болзо, бу мындый тургуза ла өйгө байкандардан ла кийис айылдардан турган город тоолу сагаттын бажында жок болуп калар, учы-кыйузы жок чөлгө таркап, кайылып калар. Олордын турган жеринде бир де ис жок болор. Жагыс ла оттордын орды ла сыргалжын-казык сайган орочок-үйттер артардан маат жок.

Монгол албатынын бу мындый жаңжыккан байрамын көрүксеп турганысты сезеле, МНР-дин журукчыларынын Союзы ла «Жуулчин» жорыкташтын бюказы оны столицада эмес, орооннын кандый бир жерине теренжиде барып уткыырына жөп чыгаргандар. Андый шүүлтеге белен жөпсиндис. 11 июльде эртен тура бис Хужирт деген жерге келдис. Ол орооннын сырагай ла ортозында турган эмтир. Бисле кожо ол жер жаар самолетло Швейцариянын ла ФРГ-нин туристтеринин бир бөлүги, эки американ учкандар. Эки американ Гобинин чөлдөринде сүрекей ас учурап турган тындуларды андаарга болуп, көп акча төлөгилеп, жөп алган улус болтыр.

Хужирте туристический жаан база бар эмтир. Бис анда аңылу кийис айылдарга жадар болуп, тудунчактарысты арттыргызала, байрам болотон жерге келдис. Кудай ла дезен база, Надомнын митингтү аңылу бөлүги божоп калтыр. Же спорт-ойын аайынча маргааннын баштапкы ла жарымызы башталыптыр.

Улан-Батордын жаказында бир күн мынанг озо бис өдүп жаткан солундардын чек ле бойын көргөнис. Же ол байрамга белетениш болгон болзо, мында десе байрамнын өдүп турган кидим өйи болды. Солундар анда-мында өдүп турганча, көстөрис ары-бери кыландап, нени де божотпоско турдыс. Бу өдүп жаткан керектин энг ле учурлузын божотпоско бис кайда токтоорын билбей турдыс.

Жербойынын стадионында улус чек тыгым. Бир ле уунда башка-башка жерлерде күрешчилер маргаандажат. Жуугында десе ок-жаачылар мергенге белетенгилейт. А ыраак жокто, төгннин бажында, улус та, аттар да чек собыруда. Ат жарышка жүрексиреп тургандар база көп лө. Көрүп турзаас, байрамнын өдүп турган төс жери шак ла мында эмтир. Кеземдү ле кату судьялар кажы ла атты кажыктагылап көргилейт, не десе, олор көп беристелү жарышка божодылып жат. Ат жарыжы — Надомнын энг ле учурлузы ошкош, төс жуучыл мында — ат.

Бу тегиндү керек эмес, не десе, чөлдө жаткан улустын жүрүминде

ат эн учурлу. Онын учун көп чактар мынаг озо чүмдеген мактулу кожондор ат мингендерге эмес, а женү алган аттардын бойына учурлалган. Ол кожондор ло жандар үйдегн үйеге улалып келген.

Монгол албатынын бу жылбилү ле солун байрамын узак айдарга көп ой керек, онын учун эн ле жаан суракка токтойын.

Озо ло баштап Надом байрамнын көскө тийген кайкалду солуну — ол албатынын жанжыккан ончо жанын (ритуалдарын) кыйыш жоктон чике өткүрүп турганында. Не ненин кийинде эдилетени кеминде, бачымы жок барып жат. Ойын-жыргалдын кажы ла тужы чүмдү, кандый да баатырлык ойди көргүзип тургандый, бастыразында албаты тен туружып жат. Күрешчилер күрешти жаны баштаган ба айса божодып ийген бе, «мүркүттин бијези» өдүп жат. Женү алган атты ба, оныла кожо женүге чыккан кижини бе айса чечен аткыш ок-жаалыктын жакшызын ба — ончозына алкышту ла мактулу кожон кожондогылап жат.

Кайдаар ла көрзөн, албатынын бойынын ла көп чактарга таштабай бу ойгө жетире экелген жебрен кеп-кийими, оморды жүзүн-жүүрлеп чололоп эткени, андый кийимди жаан-жаш кийгени (эмдиги ойдо халат-дели) кайкамчылу. Курларды да ајарза, омор жүзүн-базын чүмдү, кееркедүлү, башка-башка бөстөрдөн эдилген. Баштарында кийис бөрүктү, буттарында тумчугы кантыраган тере өдүктү. Аттардын ээр-токумы ол ло озогы бойы. Кийис айылдар озогы-озогы тужынан бир де өскөрилбеген. Омордын ичин, тыштын кеелеп, чүмдеп кееркеткени жебрен ойинен бир де артпас дезе, јастыра болбос. Мыны ончозын бис көрүп, историянын өткөн кубултуларына алдырып, омор бу јерде кандый ойдо, эскизи ле жанызы чагылыжып, кажызы эркидеп турганын сананып каларын. Је жаны ой ончозын эркидеп јат. Јангыс ла албатынын эн јакшы жанжыкканы артып калганы сүүнчи экелет. Надом байрамды јүс, үч јүс јыл мынаг озо база ла мынайда јажыл јалангарда јайым байрамдагандар. Ол до тушта улус оны соныркап өткүрген. Ол ойдо мынайда кийис айылдар кере тартылган, көрүмжилү чүмделген. Анайда ок албаты-јон, тоозы жок аттар кыймырап, көп чактар мынаг озо кижинин ајарузын, сүүмјизин, ижемјизин, јилбизин көдүрген де, туткан да. Монгол најыларда эмди де андый. Је эмди бого автомашиналар кожулган (бу байрамда көп автолавкалар ла суулу цистерналарлу машиналар болды). Ого коштой кино-фотоаппараттарлу туристтер мында өдүп турган кееркедүлү, солун-кайкалду байрамнан нени де божотпой — ончозын пленкага согуп аларга кичеенгилейт. Кизи сананза, бу ончо сан башка кубулгазынду неме ошкош, омор эмдиги јүрүмнен туку ла качан јүре берген деп бодоорын. Јок, ол кереес жанжыгулар эмди атомный чакта албатынын турумкай ла жанжыккан жанкылыгы, ижи, ойын-жыргалы, кеп-кийими — ончозы учына јетире јылыйбаганы кайкамчылу.

...Хужирте үч күн Надомго турушканынан өскө бис анайда ок јарлу Орхоннын күркүреезине (водопадка) јүрүп, Каракорумда болдыс. Каракорум город болгон. Ол Чингис-ханнын ла онын балдарынын

угы-төзине жетире турган столица-örgööзи болгон, је оног ол город тө-зөгөзине жетире бузулып, оодылып калган. Бу городтыг ордынагыраак жок — орто чактарда эдилге — ламалардын Эрдэни-дзу деп храмына база жүрдис.

Күркүрее суунын сүр-кеберин туристтер фотосүрге согуп. Монголияга жүргени керегинде альбомдорун кееркедет. Чын да, күркүреени кайкабаады эмес. Суунын ап-ару агыны жалбак бүкле агып келеделе, кенетийин бийиги 24 метр кирези жерден ичкери алдында кызаланг ичтөн саг төмөн учуп түжет. Бу жик-капчалды канча чактардын туркунына Орхон суу ойо соккон. Терен ле каскак жиктин эки жаны, ичкери алды, жерлик жылым кайалар. Мында жүзүн-жүүр жыраа өзүмдерле ончозы туй өскөнн, жаан агаштар — ончозы күркүреени сүрекей жараш кееркедип тургандарында сөс жок.

Хужирттен ала Каракорумга жетире жол өткүргөн бүк-кобынын бойы историяла бай. Анда-мында улустыг сөөктөрн, чедендеп ле ма-накайлап салган таштардын жемирилгени, городтыг бузулып-чачылганы, корымдар, таштанг эткен улустыг сүри, таштарда жүзүн-жүүр журамалдар — ончозы мында бар. Бу — археологический заповедник. Мында жебрен-жебрен өйлөрдөн алала башка-башка чактардын туркунына кижиликтинг өткөн жүрүмнинг изи артып калган. Онын да учун бистинг Бийсктеги краеведческий музейдинг директоры Б. Х. Кадиков оодыгы ла орды арткан Каракорумды көрөргө жүрексиреп турганы меге эмди јарт, не дезе, ол бойы сезими јаан археолог кижн.

Текши јарт: жебрен монгол империянынг столицазы кандый јерде турганын орус ученый, бойы Сибирьде чыккан, өскөн кижн Н. М. Ядринцев ачкан. Ол оны 1889 жылда Монголияла јорыктап жүреле тапкан. Ол өйдөгн айалганы бичиичи В. Чивилихин бойынын «Память» деп эссе романында, темдектезе, мынайда бичип јат: Орхон суунын агып келген жалбак бүк јердин ортозында бийик болчок јер турат. Онын эдегинде сүрекей јаан таш бака турганын јорыкчы көргөн. Археологический казынты бу јерде качан да башка-башка ук албаты чүмдү өргөө тутканы јарталды. Ол өргөөни анайда ок орус кулдар база туткан. Öргөөни Чингис-ханнынгу уулы Угедейге эткендер. Ол өргөөни айландыра ады-јолы јарлу Каракорум турган — монгол империянынг столицазы, оног ол оодылып, јоголып калган.

Эмди, Ядринцевтинг кийнинде жүс жыл өткөн согында, нени-нени кожорго чек ас неме келижип јат. Ончозы анайда ла артып калган: јаан гранит таш бака, өргөөзи бузулып калган бийик эмес кырычак. Је ол төн-кырды үйеденг үйеге монгол ло совет археологтор канча катап касканы јарлу.

Каракорум турган јерде эмди јаан эмес районный јурт туруп јат: ап-агаш кийс айылдар ла агаштанг туткан туралар бар. Орхон суунынгу бу јеринде јаан эмес кырлары көрөргө јараш Хангай кырлардынгу агаш-ташту бир учына келип түртүлип калгандар.

Бузулып, оодылып калган ол өргөөнинг ордын да көрөргө јилбилү.

Бу жаан ла элбек чолдин үстинче кырлардын бажынаг уур булуттар чойилип барадат. Мынан Азия жаар олжочынын башка-башка укту жуучылдары эжилип барган. Каракорумнын жанында жебрен ламаистский монастырь турат — Эрдэни-дзу (1586 жылда тудулган).

Бир сан башка неме: ол монастырьдын храмын тудуп турарда, бир де каду кадап тузаланбагандар. Храмда мындый немелер көрүнөт: монгол журукчылардын чойдон, күлөрдөг уруп ла кандап эткен жазалдары, кудайлардын сүри, орнаменттер, агаштан эткен кезинтилер, күзүңилер, танкылаза кок кагар айагаштар, маскалар, костюмдар бар. Бу ончозы монгол албатынын исторический ле культурный памятниктери болот. Онын учун оло көп өйлөрдин туркунына телекейдеги ученыйлардын ла туристтердин ажарузында болуп турганы ол...

Журукчыларла тушташканы. Улан-Баторго келген күнниң эртезинде ле мени, турист болуп келген журукчылардын группазынын жааны болуп турган кижини, МНР-дин журукчыларынын Союзынын председатели, албаты журукчызы, республиканын государственный сыйынын лауреады нөкөр Н. Я. Мосорын Цултем уткыган. Бу бистин баштапкы туштажу эмес. 1983 жылдын ноябриде Барнаулда онын журуктарынын персональный выставказы болгон. Онын кийинде ол Горно-Алтайск гордотто база болгон.

Ол тушта, журналистле куучындажарда, Цултем мындый шүүлте чыгара айткан:

— Кожо иштееринде меге бир керек жарап жат — ол творческий жорыкташтар. Бу жаанын монгол ло Алтайский крайдын журукчыларынын најылык колбулары мынан ары тынып, өзүп турганы жарамыкту. Бу жаанын РСФСР-дин заслуженный журукчызы, совет-монгол најылыктын Алтайский крайдагы бөлүгинин председатели Ф. С. Торхов бу најылыктын творческий өзүмине жакшы салтарын жетирип жат.

Айдарда, бистин Монголияга келгенибис бу куучыннын шылтузында десе, жастыра болбос. Н. Цултемле куучындажарыста, мынан ары бистин эдетен ижибистин өдөтөн айалгазы, өйи керегинде болды.

9 июльде бис байрамга учурлаган республиканский выставканын ачыларында туруштыс. Анда Монголияда СССР-дин культура аайынча посольствозынын аташезинен Б. Е. Никозевцев турушты. Ол бистин келгенисле жылбиркеп, группанын башкараачыларын посольствого келзин деп кычырды. Бир күн өткөн соңында Монголияда жүрерде жарган бистин журукчылардын журуктарынын выставказы болгон.

Хужирттен бис интуристтин «Тэрэлж» деп базазына келеристе, мында биске монгол журукчылар кожула берди.

Бис кожо иштедис: биске бойларынын кийимин кийген жербойынын улuzu журадарга алдыска отурганы жакшы болды. Бу учы-кыйузы жок жакшы айалга болгоны жарт. Бистин монгол најыларыстын көп сабазы Москванын ла Ленинградтын үредүлү заведениелерин божоткон. Онын учун бисте текши сурактар көп болды. Куучындашканыс, бой-бойыстын күүн-санаабысты угушканыс сүрекей керектү ле тўзалу болды.

«Тэрэлжте» болгоныс көп солундар ачты. Монгол журукчылар: Д. Амгалаана, Л. Гава бисти бойынын јеринде коркышту јылу уткыдылар.

Монголияда меге бойымды өскө орооннын турист кижизи деп сананарга күч болгон. Мынызы јангыс та улай ла монгол најыларла јольгып турганынан эмес. Байла, бу ла Улан-Батордо бастыра монгол најылар ончозы орус тилле јакшы куучындап турганында. Ого коштой промышленый ла јадатан туралар, темдектезе, Иркутсктагы, Барнаулдагы, керек дезе Горно-Алтайсктагы туралардан чек башкаланбай јат. Гордтордын ла журттардын оромдорыла бистин «Волгалар», «Москвичтер» сунгулап мантажат.

Је тӧс учурлу неме не дезе, анчада ла Тӧс Монголияда: Хужиртте ле Каракорумда, мен качан да болгом ошкош деп билдирген. Ончозын көргӧн, сүүген немедий. Јаңыс ла мында узак-узак бололо, бу тӧрӧл јерге ойто бурылып келген ошкожым...

Эзендей Тоюшев

ГАЗЕТ ЛЕ ЈИИТ БИЧИИЧИЛЕР

Аргымактын тибирти тоңылган, аржан-кутук суузы адылган, арчын јыды јайылган токым сынду Алтай. Улу орус јорыкчы ла журукчы Николай Константинович Рерих сенин кеен-јаражынды кайкап, көк аястын түбине сайылган ак кемирчектий сүмерлеринин кайкалына алдыртып, мынайда бичиген эди: «Алтай јаңыс ла Сибирдин јараш деген јери эмес, анайда ок Тӧс Азиянын эрјинези...» Ол Уч-Сүмер Гималайларла јакшылажып тургандый бодоп калган.

Устинен тӧмӧн көргӧндӧ, үч толыкту Алтайдын јаанды ла јашты бактырар јаражына көп кожондор, үлгерлер чүмделген, музыканттар күүлердин эн ле талдамазын эрјинедий јерге учурлаган. Салкын сылаган, салым сыйлаган, от камыскан јерди кижі канайып сүүбес!

Эртенги күннин ле јадын-јүрүминин ээлери — јашӧскүрим. Уулдар ла кыстар јаандардын сӧзин јанчыкка салып, бойларынын учурлу сӧзин айдар јанду. Қалганчы јылдарда јиит бичиичилердин тоозы кезем көптӧгӧни јадын-јүрүмистин социальный ла культурный јаңы тыгып ла јаранып турганын кандый да сӧстӧрдӧн артык јартайт.

Писательдердин организациязынын мынан ары ӧзӧр аргазы бар ба? Јазымы јогынан бар. Писательдердин тоозына кожулатан јиит улус бар, олардын бир канчазынын чүмдемелдери тангынан бичик болуп чыгарылган, бир канчазы јаңы баштап бичигилейт. «Алтайдын чолмоны» областной газеттин редакциязынын культура ла искусство бӧлүги бичинип турган јашӧскүримле колбуларды тыныдарын, олардын творческий јолына јӧмӧлтӧ эдерин бойынын нургулай ӧткүретен каруу ижи деп ондойт.

Туулу Алтайда жайалталу јашөскүрим ас эмес, олордын чүмдемелдеринин талдама дегендери кезикте бу јуунтынын, «Алтайдын чолмоны» газеттин страницаларында јарлалат. Сураја Сартакованын, Карлагаш Ельдепованын, Тамара Садалованын, Буучай Бурмаловтын, Анчы Самуновтын, Күлер Тепуковтын, Токшын Торбоковтын творческий бедреништери бистерди јилбиркедип туру. Је бу ок өйдө кезик јиит бичиичилер творческий јанынаг уян өзүп турганы чочыдулу.

Иш качан да ойын болбогон, болбос. Литератордын ижи ол јангы ла өктөм, уйкузы јок тундер эмес, анайда ок шыралаш ла терлеш, тартыжу ла сүүнчи. Творчески бичинетени каруулу да, күндүлү де иш.

Бичиичилер башка-башка јерлердег — Балыкчыдан, Саратаннан, Кырлыктан, Јаланый-Бажынан, Чичке-Чаргыдан — Туулу Алтайдын јаан ла кичинек јурттарынаг. Олорды айландыра не-немени көргөни ле јадын-јүрүмди билгенин чүмдеп, кижинин күр-көксине томылта айдар деген күүн-санаа бириктирет. Јиит бичиичилердин үни, өзөктөрдү төмөн алган јаскы суучактардый, өткүн.

Карлагаш Ельдепова ыраак Балыкчы јуртта өскөн лө чыдаган, бир өйдө Горно-Алтайский государственный педагогический институтта үренген. Эмди Улаганда радиотөзөбөчи. Онын үлгерлерин кычырган кижү јиит јүректин өктөмин јазымы јогынаг сезип ийер.

Сакыганым сени солун беди,
Сакыйт ла сакыйт јаш јүрегим.
Та баштапкы сүүжүм, та ару амадуум —
Јүректен ырабайт эрке кеберинг.

Кижү јүрүминде сүүнер де, сүүр де, ташка будын кыйдыртып ыйлаар да, ачуга алдыртып кородоор до. Қанайдар оны, андый јангу неме туру! Кыстын ару јүреги, јаскы эзиндий, сүүштин саг башка абызына алдырганы онын бир тизим лирикалык үлгерлеринен јажыт јогынаг јарт билдирет.

Үлгерлерде — јүректин теренгинег сызылган акту күүн-санаа, Тан-Чолмондый бийик ле јаркынду амаду. Айлаткыштын телкемине ајарып, адарудый арадап келген ал-түмен сурактарга чын каруу јандырага сананган өкпөбриш. Мында өктөм, аланзыш, јайнуга арай јетпес күүлер кижинин күр-көксине томылат.

Айса болзо, бир качан
Амадуумды сезеринг,
Алтай кыстын көкүүлин
Бу үлгердег табарын?..

Бу ок үлгерде мындый јолдыктар: «Јангыс ла кызыл энгирде јалбышталып күйедим», «Јылдыс ошкош көстөринг јүрегимде кадалды» — кычырган кижинин кулагын кезип ийет. Мынызы недег улам? Кижү јалбышталып күйет деп айдарда, арай эби јок ине. Онон јылдыс ошкош көстөр канайып кадалар, карын јалтыраар болбой. Мында автор нени айдарга турган деп кижү чала серене берер.

Нина Бултукованын «Кышкы энгирде» деп үлгеринде акту күүн-са-

наадаг сызылган быйанду жылу бар. Автор немени поэтический сүркебер ажыра көрүп, ондоп турганы үлгердин мындый жолдыктарынан анчада ла жарт сезилет:

Трубадаг чөйилгеи чапкыр ыш
Тууларга жетпей жоголып калар.
Айса болзо, та кайда да жинттер
Кыштын узун түндери саксыр.
Мызылдашкан ак көбү бу карла
Ырыс үлешкилеп, жергелей баргылаар.
Алтайын алкап, албатызын мактап,
Акту күүининг быйанын айдыжар.

Жолдыктарда кижинин көзине көрүнер журук та, көксине томылар күү де бар. Үлгердин жолдыктары ончозы мынайда бичилген болзо, мөрлү болор эди.

Нина Жаан-Чаргыда журтап ла иштеп жат. Төрөл эл-жонынын ортозында жүрген кижинин көрүми элбек, онын учун кыстын жеринин ле жонынын адынан айдар жолду ла сүрлү сөзи бар.

Айдыш Яймининин талдама деген үлгерлери бу жуунтыларда да, газеттин де страницаларында жарлалган. Онын бичижинде аңылу башказы барын кычырган улус билер. Ол канча жылга улайына малда иштеп жат. Суксурыла түшкен туулардын аржан-кутук сууларынын кожонгы, супсай түшкен жаландардагы жүзүн чечектердин жыды ого таныш ла кару. Автор тенери түбиндеги түмен жылдыстардын имдежин сезип, јаш уулчагынын шулуртынан ак-јарыкта кижиге берилген ырысты көрөт:

Эриждеринин, колдорыгыныг кажы ла кыймыгы
Эрке меге эржинедий баалу.
Адылып та ийзем, ыйлаба, уулым,
Адаг сеге түгөй ле кару.
Бүүленде кажайган апагаш тиштер —
Бүткүл чактарга мениг жаркыным.
Шулурып айткан кажы ла сөзинг —
Шуулап јаткан өзөктө каным.

Бичинчи уулчагы керегинде «карануй түннин жаркыны болдын», «кайнаган жүрүмнин уйазы болдын» деп чокымдап турала, «карыкчал санаанын кабайы болдын» деп айдарда, кычырган кижини «акыр, ала-көнө бу канайа берди?» деп санана берер. Балазын канайткан кижини каралап айдар?! Алтай эл-жоннын жангыла тирүү жүрген кижиге ажын-байтан јок по...

Айса мындый керек бичинчининг менгдежинег улам боло берген бе? Онын да учун бистер бичинип тура, сөстин бинин ле ийдезин онын учуры аайынча чике тузаланар учурлу.

Улу орус писатель Лев Толстой јинт бичинчиле куучындажып тура, произвeдениени турага тунгеген эди. Тураны ал-түмен кирпичле тудуп јат, је бу кирпичтердин бирүзи ле јастыра салынган соңында, тыш јаны кандый да сүрлү салынган тура једикпес-тутакту болуп ка-

лат. Анайда ок произведениеде — сѳсти җастыра тузаланганынан улам текши керек ўрелип калардаг маат җок.

Айдар Кеденовко Улаганның ажузы, Бўрениң кайыр-каскагы та-ныш, темир адына отурып, җиит уул узун да, кыска да җолдорды ѳдѳт. Ол бойының билгинен ле кѳргѳнин чўмдеп айдарга чырмайат. Онын «Сўўйтени кўч эмес, санааркайтаны кўч» деп айтканына кижн бўдў-нип калар. Мында шўўлте алтай кеп сѳстѳрдин эп-аргазыла җарт ла чокым айдылган.

җииттин бир ўўр ўлгерлеринен поэзияны ондоп ло билип, чўмдеп айдарының эп-аргаларына албатының оос поэзиязынан ла бичинчи-лердин произведениелеринен ўренип турганы билдирет. Кижн кижиге кѳрўжер де, оноң ўренер де җанду неме. җакшы керек җаан җолго баш-таар. Онызы, байла, Саратанның кайыр ла кату җолдорыла темир атту шундурткан уулга алдынан ала җарт.

Чўмдеп бичиринде кажы ла кижинин бойының кѳрўм-шўўлтези, эби ле мары бар. Кезикте җолдыктарды кычырала, мыны кем бичиге-нин җастырыш җогынан билип ийерин. Айдар «Мен — алтай уул» деп ўлгерин мындый җолдыктарла баштайт:

Мен — алтай уул,
Уксаң мени.
Кийнигнен барарым,
Ондозон бери.

җолдыктарды кычырып турза, кижинин кѳзи алдына «Бис — алтай уулдар» деген кожонның сѳстѳри җѳрмѳлип, кўўзи кўр-кѳксинге томы-лып келер. Бу темдек ажыра айдарга турган неме — җиит бичинчи сѳ-ти учалта айдарының марына ўренип тура, ѳскѳ улустың бичигени оныйынан незиле аңыланып турганына качан да болзо аҗарар ла не-келте эдер җанду. Бичинчилердин произведениелери кажы бирде җа-ныс темага учурлалат, җе олордын кажызы ла оны кѳрўм-шўўлтези аайынча чўмдеп җат.

Темалар җажын-чактарга мѳнкўлик. җе кажы ла кижинин бойы-ның кѳрўми, кўўн-санааны кўйбўреткен шўўлтени канайда чыгара ай-датан аргалары башка-башка. Кажы ла поэт, кажы ла писатель шак мынызыла аңыланып җат.

җе текши айдарга турган неме: улу башчы, революция, партия, ком-сомол керегинде бистен де озо бичиген, кийнисте де бичиир, бу тема-лар җаан да, каруулу да, җолду сѳс айдарга сўрекей кўч. Теманы алган сонғында, ол ажыра чындый бир җангы шўўлтени айдып алар ба, җок по, шак мынызына аҗару ла некелте эдер керек.

Кезик тушта җииттер шўўлте айдарга турала, сѳстинг учурына ла томылгазына аҗару этпей тургандары — җаан җастыра. Бичинчи кандый ла шўўлтени сѳстѳрлѳ айдып җат, анайдарда, сѳскѳ, онын айдылар эп-аргаларына кыйалта җогынан некелте эдер керек.

җартынча айдар болзо, калганчы җылдарда җиит бичинчилердин тоозы ѳскѳн, олор литератураның башка-башка жанрларыла бичинер-

ге чырмайадылар. Мынызы јакшы, је керек иштин чындыйында. Кезик авторлордын ийген рукописьтерин ондоп кычырарга сүрекей күч, оноң бичимелдерде стилистический ле грамматический јастыралар учураганча. Озо ло баштап, бичинерге бичип үренелдер.

Публицистический материалдар јаантайын керек, ол јадын-јүрүмди чын ондоорго болушту. Је очерктерди, јурамалдарды бичип турган улус ас. Јиит бичинчилер ийде-күчин бу жанрга ченеп көрөр керек.

Бу јуук жылдарда литературный институтты ла Иркутсктагы университетинин журналистика факультетин божоткон јашөскүрим бар. Бис ологорго иженип, олондон јомолто сакыйдыс.

Бистин ижибисти, аргабысты керелеген сок јангыс көргүзү — ол бичиген үлгерис, куучыныс, статьябыс... Бистин ордыска кем де нени де бичибес. Бойыс иштебезеес, кандый да семинарлар болушпас.

Је... кажы ла кижиге, литературада ба, өскө јерде бе иштезин, ајару керек: эткен ижине, уур-күчтерине ле санаа-амадуларына, иштеген ле јаткан айалгаларына.

Мындыј ајаруны бичинчилердин јербойындагы организациязы јиит литераторлорго једикпестү эдип турган деп айдар керек. Творческий јашөскүримле иш өскө дө јерлерде јокко јуук. Мындыј бир темдек. М. Горькийдин адыла адалган Литературный институттын көчүречилер белетеп турган бөлүгин божодып, А. Кокышева, Н. Селекова, Г. Чараганова келгендер. Бичинчилердин Союзы бу кыстардын ижи-тожыла јилбиркеп турган ба, творческий аргаларын ченеп көргөн бө?

Мыныла колбой менин мындыј неме айдар күүним бар. Уренип турган творческий јашөскүрим бисте ас эмес. Олор үредүзин божодып, јанып келзе, ологор јүк баштапкы өйлөрдө ишке кирерге, јадар јер табарга болуजारы, ајару эдип, олорды сөслө дө болзо јомоп турары сүрекей јаан учурлу. Бис ол тушта керектү көп кадрларды да јылыйтпас эдибис.

«Алтайдын чолмоны» газетте ле облрадиокомитетте алтай тилле бичип турган оноң ажыра јиит корреспонденттер иштеп јат. Олондын ортозында сөскө сезимдү, ижин сүүген ле литературада баштапкы ченелтелер эдип тургандар ас эмес.

Је ненин де учун бу јииттер алдынан ла базып јүрер улус болуп калган. Бичинчилердин организациязы олорды, газетчилерди бойынын улузы эмес деп чотойт. Журналисттердин јербойындагы организациязынан ологор кандый да ајару јок. Мындыј организация бар деп кезик јиит корреспонденттер билбес те болор. Јиит журналисттердин творческий өзүмиле јилбиркеп, јайалталуларын журналисттердин Союзынын членине алары керегинде не куучындашпас?

Айса болзо, бу менин айтканым семинардын темазына келишпей турган деп көрүнөр. Је бу јуунда јангыс бичинчилер эмес, је анайда ок журналисттер, өскө дө проффессиялу улус туружат. Творческий јашөскүримле иштеерн керегинде суракты шүүжерн биске ончобыска јилбилү ле керектү деп сананам.

Калганчы жылдарда жербойында жиит интеллигенция өзүй турганы иле-жарт. Темдектезе, жагыс ла жиит бичиичилер эмес, анайда ок жиит музыканттар, журукчылар, артисттер ас эмес. Творческий жашөскүрим биригү тззбп, омб-жмб иштеген болзо, маат жогынан тузалу болор эди.

Комсомолдын горкомы, райкомдоры, жербойындагы комитеттери уулдарла, кыстарла жартамалду иштерди өткүрип те турза, жииттердин биригүзин тззббрине ажару этпей тургандары чочыдулу. Жашөскүримнин клубтарын тзззббр аргалар бар. Клубтарды жылбилер аайынча тзззббони тузалу болор эди.

Совет албатынын Ада-Төрөл учун Улу жууда алган жегүзинин 40 жылдыгына учурлай чүмдемел творчествонын Бастырасоюзный көрүзи жербойында текши өдөт. Же бу көрүлерге жайалталу жииттер ас туружып турганы оморды актабай туру. Уулдардын ла кыстардын текши башкараачызы — комсомол, омордын бойлорынын баштанкайы, өктөми кайда.

Алдындагы да өткөн жуун-семинарларда жиит бичиичилердин көп произведениелери шүүжилген. Мындый ылгаш, ачык-жарык куучын керектү де, тузалу да. Ол жиит ийдеге ууламжы берип турганы жарт. Бу ок өйдө жииттин произведениелерин бир катап шүүшкен кийинде, канча өйдин бажында онын творческий отчетын угары ундылат. Мындый отчеттор творческий жиитке жакшынак школ болор.

Же уулдардын ла кыстардын бичимелдеринде стилистический де, грамматический де жастыралар көп учурап турганы жажыт эмес. Бу неден улам болуп турган: жииттердин бойлорынын кичеенбезинен бе айса школдордо алтай тилди уйан үредип турганынан ба? Мында алтай тилдин ле литературанын үредүчилеринин бурузы жок эмес. Жашөскүримнин бичимелдеринде учурап турган жастыралар уруктордо терен билгирлер берерине жаан ажару ла некелте эдилбей турганын керелейт.

Чын ла чике бичип албай жадып, көгүстеги бар шүүлтени жастыразы жогынан чыгара айдары күч ле неме. Жастыранды канайып та жажырайын дезен, кычыраачы оны жазымы жогынан билип ийер. Онын ла учун сости чын ла жарт бичиирине, оны чокым ла учурлу тузаланарына улай сайын некелте эдели.

Мен кемди де актаарга да, каралаарга да сананбадым, уулдарга ла кыстарга акту күүнимди ак-чегинче айдарга шүүнгом. Жашкы үлгер, учурлу учап айткан сөс кижини өрө кодүрер, ичкери жаан ла жаркынду жолго кычыпар.

АЛТАЙ БИЧИИЧИЛЕРДИҢ ЧҮМДЕМЕЛДЕРИ

«Сельская жизнь» (31 декабрь, 1983) газетте Б. Укачинниг «Мир дому твоему» деп статьязы жарлалды. Бу статьяда бӱгӱнги јадын-јӱрӱм, амыр-энчӱ, эмдиги ӱйдинг некелтелери керегинде айдылат.

Бу ок бичиичининг «Гори, сияй, звезда полей» деп статьязы «Сибирские огни» (№ 2, 1984) журналда чыкты. Автор бойынын статьязында Москвадагы Литинститутта кожо ӱренген, ороон ичинде элбеде жарлу поэт Н. Рубцовтын творчествозы ла јӱрӱми керегинде бичийт. Орус поэт 1966 жылда Туулу Алтайга айылдап јӱреле, Алтай керегинде кӱп ӱлгерлер бичиген. Ол тоодо: «Весна на берегу Бии», «В сибирской деревне», «В горной долине», «Шумит Катунь». Б. Укачин орус најаызы керегинде јаркынду сӱстӱрлӱ кееркедимдӱ айдат.

Б. Укачинниг Я. Козловский кӱчӱрген ӱлгерлери «Советская культура» (23 август, 1984) газетте чыкты.

1983 жылда «Просвещение» деп издательстводо Н. С. Буханцов тургускан «Современная поэзия СССР» деп бичикке Б. Укачинниг ӱлгерлери кирген.

«Алтай» (№ 1, 1984) деп альманахта Э. Палкинниг «Наташа» деп поэмазы жарлалды. Оны В. Сергеев кӱчӱрген.

«Дружба народов» (№ 3, 1984) журналда П. Самыктын ӱлгерлери кепке базылды.

«Сибирские огни» (№ 8, 1984) журналда Т. Григорьева ла О. Мухина кӱчӱрген А. Адаровтын ӱлгерлери жарлалды.

Бу ок журналда А. Плитченко кӱчӱрген Т. Шинжинниг ӱлгерлери чыкты.

«Алтай» (№ 3, 1984) деп альманахта јинт бичиичилер А. Жуковтын, В. Куницыннын ла В. Кречетовтын ӱлгерлери жарлалды.

«Дружба народов» (№ 11, 1984) журналда Ј. Каинчининг «С того берега» деп повези чыкты. Повестьти орус тилге Е. Гушин кӱчӱрген.

С. С. Каташтын «Дал народам он счастье» деп статьязы «Советская Хакасия» (22 апрель, 1984) газетте чыкты.

Бу ок бичиичининг «Вечная мудрость народа» деп статьязы «Тувинская правда» (21 июль, 1984) газетте жарлалды.

«Литературная Россия» (30 ноябрь, 1984) газетте А. Адаровтын М. Акчурин кӱчӱрген ӱлгерлери кепке базылды.

ТУУЛУ АЛТАЙДЫҢ БИЧИИЧИЛЕРИ КЕРЕГИНДЕ

«Литературная Россия» (11 май, 1984) газетте А. Адаровтың «Шумят могучие кедры» деп статьясы жарлалды. Бу статьяда автор бойының јерлежи Л. В. Кокышев керегинде бичийт.

«Сибирские огни» (№ 3—4, 1984) журналда А. Плитченконың «След мамонта» деп повези чыкты. Ондо автор орус ла алтай албатылардың культурный колбулары керегинде бичийт. Повестьтин «Небосвод А. Калкина» деп бөлүгинде алтай кайчы А. Г. Калкинның жүрүми ле творчествозы керегинде айдылат.

«Литературная газетте» (11 апрель, 1984) И. Левшинниң «Алан, сын Алтая» деп статьясы жарлалды. Статьяда Э. Палкинниң «Алан» деп романы шинделет.

«Алтай» (№ 1, 1984) деп альманахта чыккан К. Козловтың «Поэзия, устремленная в завтра» деп статьясында поэт Б. Бедюровтың творчествозы керегинде айдылат.

«Литературная Россия» (18 май, 1984) деп газетте А. Горшениниң «Повествуя о жизни» деп статьясы жарлалды. Автор бойының статьясында «Сибирь», «Енисей», «Огни Кузбасса», «Алтай» деп альманахтарда 1983 јылда чыккан повестьтер керегинде бичийт. «Алтай» альманахта жарлалган Б. Укачинниң «Убить бы мне голод» деп повези керегинде јарамыкту сөстөр айдат.

Б. Укачинниң жүрүмине ле творчествозына учурлалган М. Ломунованың «Рассветы Алтая» деп статьясы «Литературная Россия» (10 август, 1984) газетте чыкты.

Бу ок бичичиниң Барнаулда 1982 јылда чыккан «Календарь души» ла 1983 јылда Москвада чыккан «Повести» деп бичиктерин Н. Кий «Огонь твоего очага» деп статьясында шиндейт. Бу статья «Литературное обозрение» (№ 11, 1984) деп журналда жарлалды.

«Сибирские огни» (№ 10, 1983) журналда Н. Карлагинниң «Никогда в пророка не рядиться, или критика — это мировоззрение» деп статьясы чыкты. Автор бойының статьясында ороонның төс јерлерден ыраактай јаткан бичиичилери керегинде бичип, бистин јерлежис Г. В. Кондаковтың творчествозын аңылап темдектейт.

«Литературное обозрение» (№ 4, 1984) журналда И. Еремина В. Деметьевтиң «Пламя поэзии» деп бичигин шиндейт. Бу статьяда Туулу Алтайдың поэди Б. Бедюровтың творчествозына учурлаган очерк керегинде көп јылу сөстөр айдылат.

«Сибирские огни» (№ 11, 1984) журналда Иван Падерин Ј. Каинчинниң 1983 јылда Барнаулда чыккан «Крик с вершины» деп бичигин шиндейт.

Өдүп жаткан жылда Туулу Алтайдын эл-жоны И. В. Шодоевтин чыкканынан ала 70 жажын элбек темдектеди. СССР-дин бичиичилеринин правлениезинин уткуулы «Литературный газетте» (14 ноябрь, 1984) жарланды.

СССР-дин бичиичилеринин Союзынын тзззлгззнинен ала 50 жылдыгыла колбой орооннын кззп тоолу бичиичилери ордендерле кайралдаткан. Туулу Алтайдын бичиичилеринен Э. М. Палкин «Дружба народов» деп орденле кайралдатканы керегинде «Литературный газетте» (47 №, 1984) СССР-дин Верховный Совединин Президиумынын Указы чыкты.

Л. Баштыкова

КАРА КӨСТӨ САНААЛАР

Сөстөри К. Төлөсовтын

Күүзи А. Тозыяковтын

4/4 60 D
 Я. ЖЫТТУ Я. ГЫЖ СА. НАА. ЛА. РЫН. СА. НА. НА. ТАН. КА. РА
 КӨС. КӨМ. ЗИН. ЧЕК. КЕР. СҮ. СӨС. ТӨ. БИН. БИЧ. КЫН. БАЙ.
 А7 G А7 D
 ТАН. ЭР. КӨ. Э. РИН. БИЧ. КЫН. БАЙ. ТАН. ЭР. КӨ. Э. РИН.

Жажытту жарык санааларын
 Сананатан кара көс.
 Кемзинчек керсү сөстөрүн
 Ычкынбайтан эрке эрин.

Жылдар өдүп, ырап калт.
 Көгүсте артты ачу сус.
 Ойлөр өдүп, шыгырап калт,
 Санаада артты бир эреен.

Кара көстө санааларды
 Қарыкчал базып салды не?
 Эрке эринде сөстөри
 Эригип, чөкөп калды не?

БАЖАЛЫКТАР

И. Шодоев. Эрүү ле су-кадык жүрүм учун	3
Б. Самыков. Каспанын жедикпес-тутактары	6

УЛГЕРЛЕР

К. Видинов. «Жук тагкы тартымга токынабаган...». Салкын. Жалтанбас жорыкчылар. Ундыба. Эңирде. Көстөр. Уулагым	11
Г. Елемова. Полонез. Алтай	14
Ж. Белеков. Күреелей кожонун күүлери	17
Т. Садалова. «Көзүңгеме жалбрак согулып...». «Көк-бөлүгө жыгылып...». «Күчинг жедер бе, кыш?»	19

КУУЧЫНДАР

Ж. Каинчин. Сакып жүрөрим, жееним, мей сени...	21
А. Адаров. Спагетти — итальян лапша. Арыктаарынын эп-сүмези	27

УЛУ ЖУУНЫН ЖОЛДОРЫЛА

Ш. Ялатов. Туштажу	33
В. Данилов. Связьтин лейтенанты. Алтай тилге Н. Тодо- шев көчүргөн	38
Е. Медведев. Өлгөндөрдүн тоозында жок. Алтай тилге Н. Тодосhev көчүргөн	44
К. Поклонов. Курчуда болгон керек. Алтай тилге Э. Янмов көчүргөн	50
У. Садыков. 45 жылдын эки күни	54

КИЧИНЕК НАЖЫЛАРЫСКА

Ак-Көбөң баатыр (чөрчөк)	62
К. Тепуков. Нөкөрлөр. Жылдын бйлөри. Уйа чачкай уулчакты куштар шоотконы. Төгүнчи	66
А. Ередеев. Текийт өбөгөн	69

КӨЧУРИШТЕР

Э. Палкин. Нивх албатының уулы	73
В. Санги. «Баштапкы катап атканым». Алтай тилге	
Э. Палкин көчүргөн	75
И. Такубоку	82
Л. Суртаев. Төс жол. Алтай тилге Ш. Шатинов көчүргөн.	84
Ал. Демченко. Бир катап энгирде. Алтай тилге	
В. Куртов көчүргөн	86
Н. Матвеева. Саг башка улус. Алтай тилге Т. Торбоков көчүргөн	93
К. Козлов. Куштар Кош-Агашка учат. Алтай тилге	
В. Куртов көчүргөн	98

СТАТЬЯЛАР

Т. Шинжин. Ат-нерелү алтай кай — Бадышта	104
В. Эдоков. Монголияла эки туштажу. Алтай тилге	
Т. Шинжин көчүргөн	111
Э. Тоюшев. Газет ле жинт бичинчилер	120
Л. Баштыкова. Алтай бичинчилердинг чүмдемелдери	126
Кара көстө санаалар (кожонг)	129

БЛАГОДАТНАЯ ОСЕНЬ

Литературно-художественный сборник

На алтайском языке

Рецензент Э. М. Палкин

Редактор Б. Ч. Телесов. Ответственный за выпуск З. Ш. Шинжина. Художественный редактор В. И. Ортогулова. Технический редактор Е. К. Манышева. Корректор Л. А. Патагашева.

Сдано в набор 23.07.85. Подписано в печать 24.09.85 г. АН 11683 Формат 70x84^{1/16}. Бум. тип. № 3. Гарнитура литературная. Высокая печать. Усл. п. л. 8,9. Уч.-изд. л. 8,31. Тираж 1000 экз. Заказ 2535. Цена 55 коп.

Горно-Алтайское отделение Алтайского книжного издательства, 659700 г. Горно-Алтайск, ул. Горно-Алтайская, 36. Горно-Алтайская типография, пр. Коммунистический, 27.



Хромов В. Озогы монгол кийимду үй кижиг.



55 акча